

**COMPENDIUM
VITAE B.V.
TERESIAE A IESU
FUNDATRICIS
FRATRUM...**

Juan : de Jesús María, Filippo
Tommasini



1707/11/12



11

8.51.0.35

BIBLIOTHECA NAZ.
ROMA
PAULI EMANUEL



COMPENDIVM

VITAE

B.V. TERESIAE A IESV
Fundatricis

Fratrum Discalceator
et Monialium B^{ma} Virg. M.
de Monte Carmelo.

Per R. P. Fr. Joannem a Jesu Maria
Carmelitam Discalceatum Calaguritanum.

AD


S. D. N. PAVLVM V.



Compositum a Stephano Paulino

Philippus Thomaeus sculpsit

Rome. Romae Relig. Vir. Infirmit.



FR. Ferdinandus à S. Maria Vicarius
Generalis Congregationis S. Elię, Fra-
trum Discalceatorum Ordinis B. Virginis
Marię de Monte Carmelo, libellum hunc
inscriptum Vita B. Virginis Terefię à Iesu,
per R. P. Fr. Ioannem à Iesu Maria, prædictę
Congregationis Procuratorem Generalem
compositum, probo, vt typis mandetur, si
placuerit Reuerendiss. D. Vicesgerenti, &
Reuerendiss. P. Magistro Sacri Palatij. Da-
tum Romę die 10. Nouembris 1608.

Fr. Ferdinandus à S. Maria
Vicarius Generalis.

*Imprimatur si placet R. P. M. Sac. Pal.
Casar Fidelis Vicesgerens.*

Postulante Reuerendiss. Patre Magistro Sacri Pa-
latij, opus legi, quod Vita B. Virginis Terefię à Ie-
su inscribitur, per admodum R. P. Fr. Ioannem à Iesu
Maria Carmelitam Discalceatum compositum, in quo
nihil reperi rectę fidei dissonum, nihil non alijs conso-



THE UNIVERSITY OF CHICAGO
PRESS
CHICAGO, ILL.
1954

B. Virgo Tereſia, Abulæ in Hiſpania anno 1515. à partu Virginis orta . Egit inter Moniales mitigatas annos 27. Reformationem per annos 20. inſtituit, atque promouit . Obijt verò anno ætatis ſuz 68.



*Biſſiam ter denos vita ſuperauimus annos:
 Ferre moras agrè poſſit aduſius amor .
 Iam mea ſollicitis languent præcordia curis :
 Nam tua cor laniant ſpicula Sponſe meum .
 Ergo agè : & optanteſem ſupremo interſice telo :
 Hoc demùm inteream mortis agone precor .*



S.D.

S. D. N.
PAVLO QVINTO
PONT. MAX.

Fr. Ioannes à Iesu Maria Felicitatem.



DEBE TV R tibi,
Pontifex Maxime, &
Catholicæ Ecclesiæ
Pater Beatissime, hi-
storia Virginis Tere-
siæ, pro cuius relatio-
ne inter Sanctos, apud Sanctitatem tuã
planè augustissimam, Diuinæq. proxi-
mam, & Vrbes, & Prouinciæ, & po-
tentissimi Reges seriò agunt, nec desi-
stent, donec ei sacros honores Spiritu
cælesti afflante decernas. Quocirca
æquum est, heroicas virtutes, quibus

Teresia claruit, compendio prænoscas:
ut re accuratiùs explorata, grauissimè
pronunties. Huc ego destinaui scriptũ
hoc, munus certè perexiguum, quod,
supplex oro, ne asperneris, memor rerũ
sanè grandium, quas volumine paruo
contextui. Inspice, obsecro, Summe or-
bis terrarum censor, & synceræ san-
ctitatis Iudex, luminibus diuinis splen-
dentem Virginis Teresiæ vitam, cuius
pulchritudine capiaris. Ego verò inte-
rim, Pater Sanctissime, pro incolumi-
tate tua ad Ecclesiæ totius bonum im-
pensiùs expetita, clementissimum Deum
enixè precabor.

PRAE.

PRAEFATIO.



ISTORIAM, Lector candide, tria potissimum capita commendant. Veritas, breuitas, perspicuitas. Veritas, ne in equeſtria commenta pro veris obtrusa degeneret: breuitas, ne ingenia multis alijs curis obnoxia, ingenti mole deterreat: perspicuitas, ne ambiguitatibus obortis lectorem exasperet.

Et quidem tria bona haec in rebus gestis Regum, Ducum, militum minus feliciter collocata nitent: in heroicis vero Sanctorum virtutibus obseruata luculentius splendent. Ipsa quippe rerum celsitudo ad nitoris accessionem plurimum confert.

Hac ergo in historia nostra, implorato caelesti lumine, conati sumus, ut gestorum diuinorum, quibus B. Virgo Tereſia claruit, veritatem in primis poneremus: breuitatem, multis rebus ad fusiores libros reiectis, affectaremus: perspicuitatem sermonis casti delectu, ac aifficiliorum verborum fuga exquireremus.

Duo vero ad penitiorem historiae intellectum praefari opus est: vnum ad rerum, alterum ad sermonis modum attinebit.

De rebus sic habendum est: opera clarissima Virginis Tereſia, & numero, & pondere adeo excreuisse, ut scriptori cuius nimis operosum, & lectori fortasse moleſtum accideret, ea omnia perlustrare. Accedit, quod

viri

viri grauiiores, qui negotiorum exundationibus obruitur, & hoc eximiarum virtutum exemplar intueri succisuis horis exoptant, hoc voto non sine bonorum affectuum iactura carerent. Quapropter rerum maximarum compendium, quàm longiorem historiam hac aetate contexere, salubrius multò visum est.

Ad rem autem ipsam spectat annotare, vitam B. V. Tereſſa, quā grauiſſimus P. Ribera è Societate Ieſu cōſcripſit, eam itē, quam Turiaſonenſis Epiſcopus Fr. Didacus Iepes Hieronymianus elucubrauit, ſicut & hanc noſtram, eſſe aliud ſcripti genus ab eo, quod ipſa met, vt Confeſſarijs obtemperaret, elaborauit: illud quippe non hiſtoria, ſed affectionum diuinarum, quae ſubibant, quaedam expreſſio eſt; cui perfunctoriè res alias, quae ad hiſtoriae genus pertinere videntur, admiscuit.

De ſermone illud animaduertendum, voces aliquot Eccleſiaſticas per antiquo uſu receptas, nonnulla item recentiora Vrbium, oppidorum, hominum, functionūq. nomina vulgaria conſultò poſita, ne Latina, & antiquiora, quae iam penè exoleuerunt, obſcuritatem pariāt. Et ſi enim Latina poni plerunque poſſent, ab alijs tamen nationibus, quibus praefertim hoc opus excuditur, nō ita facile, ac aliae, quae apud eas vulgatiſſimae ſunt intelligerentur. Quo certè conſilio, tempeſtate hac, Scriptores illuſtres, vulgaria nomina Latine inflexa, ſuis libris inſulere.

Sic FERIA, Vigiliae, antiquo Eccleſiaſticorum more, ſic Luyſius, Gonſalus, hominum; ſic Segobia, Paſtrana,

alia-

aliaque oppidorū; sic Monialis, Prouincialis, Superior,
aliaque functionum nomina ritibus nouis usurpauimus; ex quibus aliqua apud priscos Auctores Latine dicta non leguntur, alia priscis nominibus Latinis efferri potuissent. Ipsum quoque vulgare nomen, *Teresa*, creberrimè repetitum est: licet aliquibus *Tharasa*, ad Græcam penè formam efferendum videatur, Θερσάνος quippe Græcis proprium nomen est; Hispanis *Teresa*, vñtatum genti nomen, quemadmodū *Vrraca*, *Eluira*, & eiusmodi alia: satius est tamen *Teresiæ* nomen quadrisyllabum multorum iam scriptis sub eo numero laudatum, scriptis quoque nostris inferere.

Quicquid verò boni à nobis depromptum est, clementissimo Deo bonorum auctori, & B. Virginis *Teresiæ* meritis feratur acceptum: errata verò, quæ ob scriptoris disparitatem, irrepisse necesse est, impensius deprecamur: omniaque S. Romanæ Ecclesiæ censura subiicimus.

CAPITA TOTIVS OPE RIS.

LIBER PRIMVS.

E Logia B. Virg. Tereſiæ compendio ſcripta. Cap. 1.	1
Religionis Carmelitarum origo. Cap. 2.	15
Reformationis progreſſio, & inſtitutum. Cap. 3.	22
Patria, parentes, & natalis B. Virg. Tereſiæ. Cap. 4.	29
Pueritia, & educatio B. Virg. Tereſiæ. Cap. 5.	31
In deteriora ſenſim labitur, ſed à Deo eripitur. Ca. 6.	35
Induitur veſte Beatiff. Virginis de Monte Carmelo : & proficitur. Cap. 7.	38
<u>Morbis diu obſideretur, ſanitati reſtituitur, primænam leuitatem repetit, orandi ſtudium intermitte, po- ſtea reſumit. Cap. 8.</u>	42
<u>Seria B. Virginis Tereſiæ conuerſio. Cap. 9.</u>	47
P. Franciſcus Borgia Soc. Ieſu Generalis, ſpiritum B. Virginis probat. Cap. 10.	50
Vt Confeſſarijs obtemperet, diuinis fauoribus relu- ætatur. Cap. 11.	55
P. F. Petro de Alcáſara diſcalceat. S. Frãciſci, rerũ ratio- nẽ exponit, & probatur, grauiterq. tẽtatur. Cap. 12.	59
<u>Occaſio prima, vt ageretur de Monafterio primo cõ- dendo, quod à Deo ſape iuſſum, ſed multæ aduerſi- tates obſtant. Cap. 13.</u>	61
<u>Confeſſarius à propoſito Virginem deterret, Chriſtus eam ſolatur, iterum de Monafterio agit. Cap. 14.</u>	66
Aedificatur Monafteriũ, eueniũt mira nõnulla. Ca. 15.	69
Parietem Monafterij dæmones diruunt, B. V. Tereſia Dei iuſſu Toletũ petit, tẽpeſtiue reuertitur. Ca. 16.	73
<u>Perferuntur litterę Apoſtolicę, Epiſcopus obedi- entiam admittit, Euchariftia in Monafterio reponi- tur, quatuor puellæ induuntur. Cap. 17.</u>	78

LIBER SECVNDVS.

S Copus, quem B. Virgo Tereſia ad Monafteria con- denda ſibi propoſuit. Cap. 1.	81
<u>Primẽuã Reg. obſeruandã B. V. Tereſia introducit. C. 2.</u>	84
<u>Subit animum grauiffima perturbatio, poſtea epa- ſcit.</u>	

scit. Cap. 3. 87

Diu sequit pugna, B. V. Tereſia in Monasteriũ victrix re-
dit, animi ad Monasteriũ vehemẽter afficiũtur. C. 4. 93

Nonnulla, quæ B. V. Tereſia in Monast. egit, initiũ vnde
ducta sunt alia Monasteria, venia Generalis. Ca. 5. 97

Incipit de condendis fratrum Carmelitarum Cœno-
bijs agere, Abula Medinam de Campo discedit, vt
secundam Monialiũ Monasteriũ construat. Ca. 6. 102

Peruenit Medinã, Monast. S. Ioseph condit. Cap. 7. 107

Grauis tentatio ingruit, mutatur domus, reparatur.
Cap. 8. 112

Agit de condendis fratribus, offertur ei Monasteriũ
Vallisoleti, venit Complutum. Cap. 9. 116

Condit Monasterium Malagoni. Cap. 10. 119

Conditur quartum Monasterium Vallisoleti, & do-
mus donatio compensatur. Cap. 11. 122

Quintum Monasterium Toleti conditur. Cap. 12. 125

Monasterium Toletanum demum conditur, difficulta-
tes ingruunt, omnia vincuntur. Cap. 13. 129

Sextum Monasterium conditur Paltranz, Cap. 14. 137

Conditur septimũ Monast. S. Ioseph. Salmaticæ. C. 15. 139

Conditur Monasterium octauum Albæ. Cap. 16. 145

Modus iter agendi, quo B. V. Tereſia vsa est. Ca. 17. 149

LIBER TERTIVS.

B. Virgo Tereſia præficitur Monasterio Abulæ mi-
tigato. Cap. 1. 152

Nonum Monasterium S. Ioseph Segobiæ conditur, Mo-
nasterium Paltranz deseritur. Cap. 2. 158

Conditur Monasterium X. Oppidi Veas. Cap. 3. 161

Conduntur duo Cœnobia Fratrum, Manzeræ, ac Pa-
stranz. Cap. 4. 168

Conditur Hispali XI. Monasterium S. Ioseph. Ca. 5. 173

Grauiâ perfert B. Virgo Tereſia, & ante discessum,
Moniales bene collocat. Cap. 6. 175

Conditur XII. Monasterium Carauacæ. Cap. 7. 178

Dum per annos quatuor à Monasterijs fundandis cef-

ſatur

fatur, grauiā mala ingruunt. Cap. 8.	180
Conditur Monasterium XIII. in oppido Villanouz de Xara. Cap. 9.	184
Conditur XIV. Monasterium Palentia. Cap. 10.	188
Conditur XV. Monasterium Numantia. Cap. 11.	191
B. V. Teresa Monasterio Abulæ præest, & inde Grana- tam, vt XVI, condatur mittit. Cap. 12.	193
Conditur XVII. & vltimū Monasteriū Burgis. Ca. 13.	194
Multa obstat, denique Monasteriū conditur. Ca. 14.	200
Recedit Burgis; Albam venit, moritur. Cap. 15.	203
Cadaveris obseruatio, sepultura, visa. Cap. 16.	209

LIBER QVARTVS.

D otes natiua B. Virginis Teresa d. Iesu. Ca. 1.	212
Gradus, per quos ad orationis sublimitatem as- cendit. Cap. 2.	215
Spiritus Prophetia. Cap. 3.	222
Libri sapientia pleni. Cap. 4.	225
Examen Spiritus B. Virginis Teresa. Cap. 5.	230
Fides B. Virginis Teresa. Cap. 6.	232
Amor Dei. Cap. 7.	234
Amor proximi. Cap. 8.	239
Cultus Eucharistia; & Sanctorum. Cap. 9.	241
Fiducia, & Magnanimitas. Cap. 10.	246
Humilitas. Cap. 11.	250
Patientia. Cap. 12.	253
Corporis castigatio, seu pœnitentia. Cap. 13.	257
Paupertas. Cap. 14.	260
Obedientia. Cap. 15.	261
Gratitudo. Cap. 16.	265
Prudentia. Cap. 17.	267

LIBER QVINTVS.

C orpus B. Virginis Teresa incorruptum inueni- tur, Abulam importatur. Cap. 1.	273
Corporis miraculum euulgatur, Albā refertur. C. 2.	277
Apparitiones. Cap. 3.	280
Miracula. Cap. 4.	285

COM-



B. VIRGO THERESIA A IESV. FVND. CARM. DIS.

COMPENDIUM VITAE

B. VIRGINIS
TERESIAE

A I E S V

Fundatricis Fratrum Discalceatorum, &
Monialium Beatissimæ Virginis Ma-
riæ de Monte Carmelo.

LIBER PRIMVS



*Elogia B. Virginis Teresa compendio
scripta. Cap. I.*

DECET fanè rerum maxima-
rum lectores sic ab ipso le-
ctionis primordio affici, vt
æstimare norint, quòd perlu-
strare decernūt. In eum quip-
pe modum lectio vtilior ac delectabilior
efficitur, dum res planè grandes, æqua æsti-
matione perpensæ altius imprimuntur.

A

Quo-

Quocirca è relectoris erit, antequam in
 historiæ campum pedem inferat, quid mū-
 dus penè vniuersus de B. Virgine Tereſia
 opinetur, accipere. In vndecim verò
 quaſi agmina, elogia diſcernere, conſilium
 eſt: quorum primum recensemus ſelecto-
 numero ampliſſimorum Antitiſtitum, qui
 facto periculo B. Virginem Tereſiam ſum-
 mopere laudarūt: cuiuſmodi ſunt D. Theu-
 tonius de Berganza Archiepiſcopus Ebo-
 renſis, Doct̃or Belasquez Archiepiſcopus
 Compoſtellanus, D. Aluarus de Mendoza
 Epicoſpus Palentinus, D. Chriſtophorus
 Roxas Archiepiſcopus Hiſpalenſis, D.
 Chriſtophorus Bela Archiepiſcopus Bur-
 gēſis, Didacus Couarruias Epicoſpus Se-
 gobiēſis, Doct̃or Manſus Epicoſpus Ca-
 laguritanus, P. F. Didacus Iepēs Epicoſpus
 Turiaſonenſis: è quibus hi duo nouiſſimi
 ſuperſtites ſunt, vt alios Præſules reticea-
 mus, qui B. Tereſiæ ſanctitatem ſummis
 acclamationibus aſtruxerunt.

Secundum agmen viris ſanctitate cele-
 berrimis inſtruimus. B. Pater F. Luyſius

Ber-

Bertran Ordinis Prædicatorum, quē in agmine secundo merito recensemus, cum de illius relatione inter Sanctos, apud Sedem Apostolicam tam seriò agatur; sic B. Virgini Terefiæ, à qua litteras acceperat, scripsit.

Litteras tuas Terefiæ Mater accepi. Et quia res, de qua sententiam rogasti, ad cultum Dei tanti ponderis est, responsum distuli, Deum oraturus, ac sacrificaturus. Nunc verò ipsius Dei nomine scribo, in re tanta, quam moliris, constanter agas: ipse quippe tibi opem feret. Eius pariter nomine te certiolem facio, ante annorum quinquaginta decursum, Reformationem hanc tuam fore vnam è clarissimis Religionibus totius Ecclesiæ Dei: qui te incolumem seruet. Valentia.

Epistola hæc facile indicat, quid vir ille sanctitatis gloria illustrissimus de B. Virginis Terefiæ probitate, cœptaq. reformatione censeret.

Pater magister Auila, vir hac tēpestare, orbe toto, à vitæ sanctimonia, à discretione

spirituum, à doctrinæ gravitate, ac salubritate laudatissimus, epistola vna, eruditionis diuinæ plena, satisq. longa, quam compendij huius angustia non fert, spiritum B. Virginis Teresiæ probat. Vbi crebrò verba huiusmodi repetit: Nihil non tutum inuenio: verba à Deo inspirata mihi videntur. & eiusmodi alia.

Pater Fr. Petrus de Alcantara Ordinis Sancti Francisci, qui sanctitate, ac vitæ austeritate incredibili priscos planè Sanctos æquasse videtur: quiq. Patrum Franciscanorum reformationem labore ac industria sua mirificè promouit, eo vsque B. Virginē Teresiam coluit, vt duo porrò mirabilia dictitaret. Vnum, Teresiæ animum proculdubio vnum esse ex ijs, qui in vniuerso terrarum orbe eximia sanctitate splenderent. Alterum, quod notatu dignius est, exceptis catholicæ fidei assertionibus, nihil sibi certius, quàm Teresiæ spiritum esse diuinum. Et quidem inauditus hic censendi modus historijs fide dignissimis consignatus est.

P. Fran-

P. Franciscus Borgia, Societatis Iesu Generalis, mundi contemptu, & vitæ totius sanctitate conspicuus, non modò spiritum B. Virginis Teresiæ absque vlla exceptione probauit; verùm adeò illam veneratus est, vt frequenti litterarum officio semel cognitam diutissimè salutauerit, ne vllum pateretur reciproca consuetudinis decrementum.

Possent huc plerique alij sanctimonie fama celebres intexi: vt P. Fr. Ludouicus Granatensis, Ordinis Prædicatorum, cuius pietas orbē totum peruagata est; Rodericus Aluarus, Iulianus de Auila, & alij, qui tamquam sidera in Ecclesiæ cælo intermigrant: verùm instituto nostro excursus adeò prolixus minimè congruit.

Tertium agmen doctrina cumulatissima instructum viros clarissimos habet.

P. Fr. Dominicus Bannes Ordinis Prædicatorum, cuius nomen numquam ignorari potest, ob scripta grauissima, & Salmanticensis cathedræ theologicæ famam, quam post annos plurimos, rude donatus insigni-

ter

ter auxit, B. Virginem Terefiā, cuius spiritum per annos circiter viginti quatuor accuratissimè explorauerat, tanti fecit; vt cum in eius funere in monasterio Discalceatarum Salmanticensi concionem haberet, palam dixerit, exstimare se, B. Virginem Terefiā, B. Catharinæ Senēsi sanctitate æqualem esse; Catharinæ verò ipsi diuina librorum suorum doctrina antecellere. Qua certè laude vix vlla maior ab homine grauissimò proferri potuit.

P. Fr. Bartholomæus de Medina, Ordinis Prædicatorum, Salmanticēsis item Academiae celeberrimus Theologicæ prælector, qui S. Thomæ commentarijs seipsum abundè commendauit, cum prius de B. Terefia non excelsè sensisset, postmodum è sacra confessione probè cognitā, spiritu perspicaciter explorato, scriptisq. B. Virginis Terefiæ perlustratis, & miratus est, & acerrimus eius propugnator euasit, dicereq. solebat experimento conuictus, nullam omnino aliam in orbe terrarum Terefiæ parem vitæ sanctitate reperiri.

D.P.

D.P.Frāciscus Ribera è Societate Iesu, vir facilè doctissimus, & inter sacra Scripturæ interpretes, quos ætas nostra tulit, profectò nemini posthabendus, inter grauiissimas functiones Ecclesiæ toti salutare, Deo gloriosum duxit, Vitam B. Terefiæ, heroicis virtutibus refertam stylo graui contexere, & eximiam sanctitatis, ac sapientiæ exemplar posteritati cōmendare.

D.P.Henricus Henriquez ex eadē Societate vir planè eruditissimus, vt ex theologicis eius scriptis nemo nō perspicit, vitā, mores, reuelationes B. Terefiæ diligentissimè perscrutatus, mirū de illius sanctitate, ac spiritu testimoniū perhibuit, atq. subscripsit.

Fuere & alij permulti è duobus lectissimis Ordinibus S. Dominici, ac Societatis Iesu, quorum catalogum in agmine quarto subijciemus.

Quantum agmen censoribus, qui spiritum B. Terefiæ subtiliùs disquisierunt, viris scilicet auctoritate, doctrina, ac rerum spiritualium peritia clarissimis constat, quorum catalogus hic est.

Ex

Ex Ordine S. Dominici, P. F. Vincētius Varron, P. F. Petrus Iuagnes, P. F. Didacus Chiaues, P. F. Petrus Fernandez, P. F. Ioannes Salinas, P. F. Lunar, P. F. Didacus Ian-gues, P. F. Dominicus Bannes, & P. F. Bartholomæus de Medina, quos ante meminimus, aliq. minimè pauci.

E Societate Iesu clariss. P. Borgia, quem inter viros sãctitate celebres retulimus; P. Araoz, P. Aegidius Gonzalez, P. Balthasar Aluarez, P. Salazar, P. Ripalda, P. Paulus Hernandez, P. Gutierrez, P. Barrholomæus Perez, atque alij rerum diuinarũ cõsultissimi. hi omnes vitam, spiritumq. B. Terefiæ oculatissimè explorarunt: penè omnes ei à sacris confefsionibus fuerunt: eius scripta pensitarunt: omnes eximiam eius sanctitatem obstupuerunt.

Quintum agmen cõstat historicis: quod profectò expensione dignum est: inter viros quippe doctrina excultissimos, qui hac ætate claruerunt, P. F. Dominicus Bannes Dominicanus P. F. Luyfius Legionensis Augustinianus, P. Ribera è Societate Iesu,

velut

velut in cohorte prætoria, ab idoneis huius militiæ existimatoribus enumerantur, quod eorum scripta orbe toto celebrata peruincunt. E. quibus primus historiam elucubrare, impensius optauit, sed grauissimis negotijs distentus nequiuit: secundus inchoauit, sed morte interceptus minime absoluit: tertius (vti superius diximus) recenti rerum memoria, historiam iustam, grauitate, eleganterq. contexuit. Episcopus quoque Turiasonensis P. E. Didacus Iepes Hieronymianus, vir pietate, ac doctrina insignis, vitam B. Virginis Teresiæ nouissime conscripsit. Et quidem viri tanti, non suorum Ordinum causam, sed vniuersalem pietatis cultum candidè promouere, absque vllò inuidentiæ stimulo certarunt.

Sextum agmen communi omnium nationum Christiani orbis acclamatione instruitur. Constat enim Teresiæ nomen tam late propemodum patere, quam longè cultus Christi procurrit. Nam præter Europæ regna, quæ B. Virginis Teresiæ sanctitas, & scripta ex Hispanico idiomate, Itali

cè Gallicè Germanicè Polonicè, Latine
versa peruaferunt, omnino compertum est,
in Africa, Asia, & Americæ vastissima re-
gna Teresiæ famam penetrasse. Nam &
P. Fr. Didacus de Soria Ordinis Prædicatorum
è Philippinis insulis, vbi Episcopatum
gerebat, litteris datis ad Clementem VIII.
testificatus est, Indos illos in Virginis Tere-
siæ cultum adeo fuisse propensos, vt Te-
resiæ nomen in sacro baptismo suis infan-
tulis imponi plerique postularent.

Septimum agmen libris cælesti sapientia
plenis armatur. Paret quippe mentem,
quæ toti Ecclesiæ cælo luce adeo mira
præluxit, purissima Diuinæ mentis luce mi-
nimè caruisse. Accedit huc præstantissi-
morum Theologorum, qui B. Teresiæ li-
bros discusserunt, admiratio, & præconia,
verbis, ac scriptis celebrata, quæ latere non
possunt. Etenim, vt paucos è plurimis com-
memorem, summis Theologis P. E. Domi-
nico Bannes, P. E. Bartholomæo de Medi-
na, Dominicanis; P. E. Luyfio Legionensi
Augustiniano, diligentissimis librorum Te-

resix exploratoribus, & preconibus, neque ignorantio, neque incogitantia, neque ratio aliqua politica obijci potest. Ignoratio quidem, quia Scholæ pene vniuersæ illorum trium scripta venerantur. Incogitantia verò, quia ut acres critici ex professo libros perlustrarunt. Ratio demum politica, quia neque eiusdē professionis erant, neque sibi aliquam laudem, aut lucrum ex scriptorum approbatione conflabant. Bene autem est, quòd nescio quis Theologus nonnulla Teresix dicta carpsit, ut S. D. N. Paulus V. hac occasione permotus, ea, quæ obijciebantur, peritissimis Theologis serio peruidenda commiserit, quemadmodū grauissimis in rebus fieri solet: facto quippe Romæ rerum accuratissimo scrutinio, doctissimi P. F. Didacus Aluarez Ordinis Predicatorum nunc Archiepiscopus Trannensis, & Fr. Ioannes de Rada, Ordinis S. Fracisci Episcopus Pactensis, quibus Summus Pontifex curā demādauerat, sic tandem scripserunt. Trannensis nempe, postquam obiecta argumenta diluerat, in hunc modum

conclufit : Ex his colligo , doctrinam Matris Teretiæ in propofitionibus prædictis , nihil continere doctrinæ catholicæ , aut bonis moribus aduerfum ; fed valde vtilem eſſe ijs , qui perfectam vitam ſpiritualẽ proſtitentur , vel ad eam tendunt : nec poſſe propter illam eius canonizationem impediri , aut retardari . Ita cenſeo , ſubmittens meum iudicium correptioni ſanctæ Sedis Apoſtolicæ . Frater D. electus Archiep. Tranſenſis . Pactenſis verò poſtquàm obiectiões reiecerat , ſic ſuam ſententiam abſoluit : Cenſeo ergo nihil eſſe cenſura dignũ in ijs , quæ cenſor obijcit contra Matrem Teretiã : ſed omnia ſaltem probabiliter defendi poſſe . Frater Ioannes de Rada Episcopus Pactenſis . Sic res ad Sũmũ Pontificẽ relata eſt , & libris Teretiæ maior hinc fides acceſſit . Ecce diuinę prouidentię flexuram : permisit videlicet Deus Theologum illum caligare , vt nebulas illius Romani Pontificis auctoritas noua Teretiæ illuſtratione diſpelleret .

Octauum agmen Carmeli reformatio-
nẽ

nè faustè cœpta, feliciterq. prouecta constituitur: Qui enim fieri potuit, vt mulier sanctimonia non insignis, adeò insignem sanctitatem procrearit? Profectò mirus diuinæ sapientiæ ordo, quò mundum administrat rebus ingenio cælestibus: origines quoque cælestes, diuinæ cuiusdam architecturę concinnitate coaptat. Iam verò Italia, Hispania, Gallia, Polonia, Occidentalis India Teresię partus virgineos à sanctitate laudarunt: neque candidatę proli fundatricem imparem, sed altiore certè senserunt.

Nonum agmen Virginei corporis in corruptione, liquoris destillatione, ac odore mirifico asseritur. Post annos quippe 25. mirabilis hæc integritas à Medicis, ac Theologis peritissimis in admiratione habita, & diuinę virtuti adscripta, & linteorū, quibus corpus, aut exigue quoque particulæ inuoluuntur, tinctura, & fragrantia profectò non leuia sanctitatis argumenta videntur.

Decimum verò agmen crebris sanè mi-

raculis componitur: quæ si forent singulatim percensenda, & iustum volumen exigent, & lectorem fortasse delassarent. At bene est, miracula ipsa, tamquam linguis celestibus prædita, seipsa euulgare.

Vndecimum agmen ex Ecclesijs, Regibus, Principibus, & Academicis B. Teresiæ relationē inter Sanctos flagitantibus componitur. Concilium quippe Taraconense, Cardinalis Toletanus, Congregatio Ecclesiarum regni Castellæ, ac Legionis, Patriarcha Antiochenus, qui & Archiepiscopus Valentinus, aliq. quindecim, aut sexdecim Archiepiscopi, ac Episcopi gravissimi, Rex Catholicus Philippus Secundus, Imperatrix eius soror, Rex Catholicus Philippus Tertius, & Regina eius coniux, Dux Lermæ, aliq. clarissimi Principes, Academia Salmanticensis & Complutensis, ipsaq. religio in primis quā condidit, Regnū Castellæ, & Aragoniæ, (vt Ciuitates, ac Principes multos prætereā,) apud Sūmos Pontifices pro B. Teresiæ inscriptione in album Sanctorum litteris supplicibus institerunt.

Ecce iam vndecim agmina satis instructa, etsi leuiter tacta, vt lectoris animum rationum pondere, ac efficacitate promoucant, ad B. Virginis Teresiæ vitam æquarum æstimatione lustrandam. Sed antequam Teresiæ historiam exordiar, origo Carmeli, ruina, & instauratio, duobus capitibus proximis lectoris oculis obijcienda est.

Religionis Carmelitarum origo.

Cap. II.



N N O ante faustissimū Christi ortum nongentesimo circiterque trigesimo, Elias Propheta clarissimus in Carmelo Syriæ monte, quem cultu suo fecit insignem, prima instituti monastici fundamenta defodit: quæ grauißimorum Patrum consensus est.

Postquam enim Dei iussu, primogenitum suum, & ex asse paternæ laudis here-

dem

S. Hieronymus ad Paulinum
To. Cassianus lib. 1.
c. 2. & alij.

Genebrar.
chronolog.
lib. 4. an-
no 5268.

dem Eliseum, ex agri cultura euocatum sibi sociavit; plurimos alios excelsum, & à fluxis mundi curis exemptum vitæ genus affectantes (quos filios Prophetarum appellatos Scriptura sacra demonstrat) in agmine illo primæuo recensuit: qui eius domum postruptum, in Oratorium tanti Vatis nomine decoratum in Carmelo dedicarunt.

Carl. Baro-
nius in An-
notar. ad
Martyrol.
Roma. 20.
die Iulij.

Genebrar-
dus in chro-
nol. lib. 1.
anno 3272.

Trithemius
de laudi-
bus Car-
mel. cap. 3.

Nec Palæstinæ, Syriæue tantum finibus cælestis institutio circumscripta est; in Aegyptum enim temporis excursu, lectissimæ gentis coloniæ, quos Essenos nuncupabāt, deductæ sunt, vt Eliæ imitatione Alexandria quoque claresceret.

Quidquid enim Orientis, Austriq. primores, quorum genere Monachorum cœtus gloriantur, tradidere: quidquid etiam ab Oriēte, in Occidentem extat inuectum, nō minima ex parte Institutionis Eliæ quædam expolitio, & ad nationes diuersas coaptatio est; siue contēplationis studium, siue solitudinem, siue austeritatem, siue paupertatem velimus expendere.

Omnia quippe capita hæc in cœnobijs laudatissima, sic in eo Propheta splenduerunt, vt Ioannis Baptistæ laudi Christus verterit, imaginem Eliæ ad viuum expressisse, quasi animi suspensio, eremus, asperitas, castimonia, inopia, ceteræque instituti monastici notæ, quibus Ioannes claruit, totidem Elię dotibus harmonicè consentirent.

Illi verò Prophetarum filij, Esseniue Palæstinam incolentes (quemadmodum & Esseni postea in Aegyptum traducti) miris exemplis cœptam institutionem, vsque ad Virginis partum produxerunt: neque enim Chaldæorum, aut aliorum hostium feritas, quæ vindictam, spoliaque sitiebat, in homines innoxios, & nihil mortale curantes defæuijt, Deo sic agente, vt tanti Vatis eruditio ad eum, cuius typum prætulit, illæsa pertingeret.

Ioan. Hierosolym. de institut. monach. c. 26.

Cum ergo gens diuinis rebus addicta, id in Carmelo; quod in Oriente tres illi reges Balaam posterius, modis licet diuersis, moli-retur, vt scilicet Deo intentissimè vacaret; mox vt Christi splendor illuxit, bene com-

C

parata

Armachas
Archie-
piscopus in
form. de se-
sio Concep.

Ioan. Hiero-
solymit. c.
21. & 36.
Polyd. lib.
7. c. 1. Ioan.
Hierosol. de
iustit. Mo-
nach. c. 36.
& alij.

parata Euangelicæ veritatis studiū arripuit,
& vna cū Apostolis in opus prædicationis
incubuit. Cui fidem astruit Sacellum,
quod in Beatissimæ Virginis honorem ab
ea exædificatum auctores nonnulli prodi-
derunt.

Nec sane decuit Prophetæ tanti poste-
ritatem ignauia torpescere, cū densas or-
bis terrarum tenebras lux noua discuteret:
sed antiquum pietatis cultum cum nouo
potius conciliare, quem & ipsa orbis domi-
na Roma suspiceret.

Strenuam ergo primæ Christi semen-
ti, & Virginis laudi cum Elię posteri
operam nauarent, illustrissimum cogno-
mentum adepti sunt, vt Virginis fratres ap-
pellarentur. Quem sanè honorificum ti-
tulum clementissima Regina, & visis, &
miraculis vti rem inuidiosam propagauit;
multisq. alijs prærogatiuis gentem auxit,
inter quas superhumeralis, seu scapulare,
temporis processu B. Simoni Anglicano
donatum mirifice lucet.

Noua igitur Christi agmina concepto

fidei

Ioan. Hiero-
solymit. de
iustit. Mo-
nach. c. 36.

fidei orthodoxę calore validius dimicantia Virginis auxilio feliciter egerunt: & Carmelus, celestibus iam viris, quàm plantis fœcundior, cœpit animos excelsos procreare, ac in hunc modum, non tam scripto, quàm traditione instructus vsque ad annum à Christi natali quatercentesium perduravit. An. 400.

Creuerat mirum in modum noua Virginis proles, quàm scriptis iam legibus temperari opus erat: quam obrem Ioannes Hierosolymitanus Patriarcha quadragesimus quartus (quē Molanus inter Sanctos refert) regulā ē Scripturæ sacre consilijs, & veterum Patrum, qui ab Eliæ tempore Carmelum incoluere, documentis contextam ei præscripsit. Ad annum 400.

Series verò longa, sub ea regula, per annos plurimos excurrit, multisq; laboribus & infestationibus Carmelus afflictus est: ad annum quippe sexcentesium vsque numerosa proles increuit: at posthac persecutionibus grauissimis Ecclesiæ hostium exagitata in patrio monte, quò se velut in asy- An. 600.

An. 800.

lum tota recepit, vsque ad octingentesimum annum perseuerauit.

An. 1078.

Post eum vero annum Pontifices Summi (à Leone illo, qui Pontificatum ad annum 848. gessit, vsque ad Gregorium VII.) statum rerum aduersarum commiserati, gentem afflictam priuilegijs augere perrexerunt.

Aymericus
anno 1120.

Verùm interlapsis annis aliquot, Aymericus Lemouicensis, Antiochenus Patriarcha, & Apostolicæ Sedis in Oriente Legatus, institutionẽ Elię penè collapsam conspicatus, regula Ioannis è Græco in Latinum traducta, & à multis Latinis, qui eò commigrauerant, exactiùs percepta, deiectos animos in auitam obseruationem erigere studuit: & Eremitas Carmeli ad communẽ vitę rationem Latinorum monachorum moribus consentaneam induxit.

Refecit pius Patriarcha sedulitate, ac auctoritate sua Carmeli vires, vt aliquandiu vigerent: at post nonnullos annos, cum multa intellectu difficilia è Ioannis regula emergerent, quæ explanatione indigebant,

B. Al-

B. Albertus Hierosolymorum Patriarcha breuiorem quandam regulam compendio, & perfectione laudatam edidit.

An. 1172.

Ceterum Eliæ posteritas à calore primo deferbuit, & excursu temporis, postquam fortiter egit, ab Innocentio IIII. mitigationem impetrauit.

An. 1248.


Nec tamen (quæ hominum imbecillitas est) satis propterea conquieuit ; sed post exactos annos circiter ducentos, ab Eugenio IIII. regulam rursus leniri curauit : quæ usque ad nouissimam reformationem à B. Virgine Teresia cœptam prolata est.

An. 1418.

Anno igitur millesimo quingentesimo sexagesimo secundo clarissima Virgo Teresia regulam Alberti ab Innocentio modice temperatam, & sub ipso temperamento pro primitiua habitam tam cupide amplexata est, vt primæuam illam obseruationē, quæ Innocentij mitigationem antecessit, excelluerit : & ad sui æmulationem Patres duos, & sãctitatē, & doctrina cōspicuos, deposita Eugenij mitigatione permulserit : quæ in historiæ processu luculētius ostēdemus.

An. 1561.

Re-



Restituti Carmeli progressio, & institutum. Cap. III.

NE historiae textum intercidere oporteat, æquum erit in hoc quasi vestibulo, instituti à B. Virgine Teresa instaurati rationē, ac progressionem exprimere; vt rerum exitum ab ipso lectionis exordio lector quisque perspiciat. Clementissimus ergo Deus hac ætate Virginem hanc excitauit, vt opus excelsum moliretur. Cum enim per annos plures inter moniales Carmelitanas egisset, nec illud mite viuendi genus sitim diuini amoris, quo flagrabat, expleisset: grandi ausu arctiorem vitæ disciplinam adeo faustè condidit, vt non Virgines plurimas tantum, sed eximios quoque viros ad imitationem allexerit, claustro egressa multas vrbes obierit, monasteria multa construxerit, eodemq. tempore Patres illos, qui eam æmulari cœperunt, ad cœnobia plura condenda permouerit.

Fuit

Fuit autem progressus, Deo propitio, tantus, vt Congregatio à Sixto V. in provincias distributa, & à Clemente Octauo Generalem proprium nacla fuerit, quæ postquàm Hispaniam impleuit, & ad Occidentales Indos palmites porrexit, nunc in Italia coalescens de Orientis, ac Septemtrionis missionibus serio cogitat.

Opportunum quippe, & suæ, & proximorum saluti proficitur institutum, ex cōtemplatione actioneque pia ita permixtum, vt primam, & potiolem partem contemplatio, secundam, & posteriorem actio sibi vendicet.

Vt verò partis vtriusque functiones perfectiùs obeat, licet vbique intactas eiusdem regulæ præscriptiones obseruet: sub regula tamen eadem quaterna cœnobiorum genera diuersis modis instituit. Ijs enim, qui recenter induuntur, monasteria à sæcularium commercio dissita condit: ijs, qui à concionibus, prælectione, scriptione, alijsue laboribus interquiescūt, alia in Eremitis assignat: ijs, qui Philosophiæ, ac Theologiæ

nauant operam, propria collegia tribuit: ijs qui prædicationi, sacramentorum administrationi, alijsq. pijs erga proximos operibus infudant, viciniora vrbibus cœnobia erigit: quæ tamen omnia in scopum eundem concinna varietate conspirant.

Denique vt saluti eorum, qui ab Ecclesia exulant, pro virili consulat, in Vrbe Seminarium extruit, vnde Religiosi feruentiores, doctrina, linguarum peritia, & alijs eiusmodi dotibus insignes, ad exteras nationes, iuxta Summi Pontificis arbitrium, pro Christo legatione fungantur.

Exercitia vero Congregationis, vtrique instituti parti, seu fini congruentia, hæc sunt.

Pro contemplatione tuenda, solitudo, silentium, ieiunium, asperitas vite, cura recessus adeò exacta, vt excepto Priore, Concionatore, Confessionario, Procuratore, ad opera necessaria prodeuntibus non solum domo egredi, sed neque intra Claustrum deambulare, nec verò nisi statis horis ad chori, cœnaculi, oratorij, & aliorum loco-

rum

rum communes actus, vel peculiaria officia
cuique iniuncta obeunda, cella vnquam
exire liceat.

Recessus autem minime otiosus est, re-
gula grauitè aiente: Maneât singuli in cel-
lulis suis, vel iuxta eas die ac nocte, in lege
Domini meditantes, & in orationibus vigi-
lantes, nisi alijs iustis occasionibus occupen-
tur. Oratio, quæ mentalis appellatur, &
contemplationi gradum struere debet, bi-
nis quotidie horis, altera mane, altera vespè-
ri exercetur, oratorio ad hoc opus destina-
to, quo Fratres vniuersi conueniunt.

Horæ vero Canonicae, quæ contempla-
tioni mentē adaptant, ita dicuntur, vt Ma-
tutinæ, nocte media, ceteræ statutis tempo-
ribus in choro sedate, & quoad fieri po-
test, religiosè soluantur.

Examen conscientiae, quo diuinæ con-
templationis impedimenta depelluntur, &
animus, vt niteat, & perspicacius cælestia sen-
sa concipiat, expurgatur, bis in commune
per singulos dies paulò antè prandium, &
noctis somnum habetur.

D

Silen-

Silentium, quod rebus caducis ostium oppilat, vt æternas ore clauso custodiat, religiosissimè colitur: neque enim Fratres, nisi de peculiari Superioris concessu, mutuò colloqui possunt: tantum abest, vt cum sæcularibus sine venia verba facere liceat; verum à prandio per annum integrum, & à cœna per æstatem, horam circiter vnam in loco vno Fratres comiter, ac modestè colloquuntur.

Corporis castigatio, quæ pondus carnis extenuat, vt agilius mens ad cælestia feratur, austera est: nam efus carnis, nisi morbus premat, interdicitur: ieiunium per septem continuos menses protenditur; vbi sextas anni totiùs ferias, & vigilias minimè recensemus.

Vestis rudis, nuditas pedum, lectulus tribus, quatuorve tabulis constructus, duabus lodicibus, & puluino laneo tantummodo stratus, terna per hebdomadas singulas verberatio, & paupertatis Apostolicæ cultura corpus animo subiugant, & ad expetenda diuinæ consuetudinis solatia, vbi tempo-

ranæa

anea defunt, acriter incendunt.

Quod verò ad piam spectat actionem, quæ posterior instituti pars est, omnibus festis per totius anni decursū, & per Quadragessimam, iuxta patriæ morem, concio habetur, & Sacramentorum frequentia commendatur, & alitur.

Societates laicorum annexæ cœnobijs eriguntur, vbi de morum correctione, idoneo Sacramentorū vsu, orationis exercitio, status electione, ac eiusmodi alijs admonentur, & ad Christianā perfectionē incitantur.

Trium autem votorum cultus accuratissimus est: obediencia quippe exiguum aquæ potum, sine Superioris expresso consensu, quasi graue piaculum horret: & in morem introductum est, vt omnes cordis latebræ Superioribus aperiantur, eorumq. consilio per omnia regi vniuersi Fratres impensè cupiant.

Castitas studiosissimè colitur, vt decet purissimæ Virginis filios: sunt enim actus Congregationis omnes ad eam perficiendam appositi.

Paupertatis Apostolicæ studium planè mirum est. Nemo quippe præter lectulum, libros è communi bibliotheca de Superioris venia depromptos, Crucem ligneam, duas, vel tres imagines papyraceas, vel pomum quidem vnum habere permittitur.

Humilitas (quam Congregatio velut reginam veneratur) præter exercitia familiaria, & obsequia Fratrum alterna, sancitur voto quarto, prælationem, vel officium intra Congregationē non ambiendi, & extra, nisi obstringente summo Pontifice, non accipiendi.

Charitas demum, quæ structuræ totius fastigium est, multa exercitiorum æmulatione succrescit. Clementissimus enim Deus ad hæc omnia peragenda cælestis gratiæ vim abunde largitur: quam ad gloriam immortalem suam, & animarum salutem, hac potissimum tempestate perficiat.

Institutum hoc leuiter à nobis adumbratū (quod exceptis functionibus, & ritibus, quos femineus sexus excludit, à Monialibus æquè colitur) B. Virgini Teresiæ

acce-

acceptum referendum est. Sed iam Deo propitio historiam auspicemur.

Patria, Parentes, & Natalis B. Virginis Teresia. Cap. IV.



A B V L A nobilis admodum, & perantiqua Hispaniæ ciuitas, in vetere Castella inter vrbes multas facilè clarissima, in paternis ædibus, è regione monasterij S. Dominici olim exstructis, B. Virginem Teresiam, insigne sue laudis ornamentum edidit: licet enim strenuos, ac sapientes viros quondam protulerit, minus tamen est, quod multorum fortitudo, vel doctrina parauit, quàm quod vniuersi mundi contemptu, mulier vna subegit.

Excæcato ergo densis peccatorum tenebris sæculo, anno à Virginis partu 1515. quintoq. kal. Aprilis Ioanna Caroli Quinti parente in Castella regnante, sed pro ea Catholico Rege Ferdinando eius patre, re-

gnum

Sub Leone
X. Pontifice
Max. & Imp.
Maximilia-
no. 28. Mar-
tij.

gnum administrante , B. Virgo Tereſia natali feliciffimo orbi terrarum aſſiſit .

Diuino prorfus conſilio imminenti Eccleſiæ malo prouiſum eſt : biennio quippe, antequam ſceleſtiſſimus Lutherus , armatis perfidia militibus in Eccleſiam rebellaret, is in lucem partus editus fuit , qui lectiora, quàm hoſtis ille , agmina pro Chriſtianæ Reip. tutamento poſſet inſtituere .

Virginis Pater Alphonſus Sancez de Cepeda, Mater D. Beatrix de Ahumada, & genere, & moribus ingenui, inter octo, ſeu nouem liberos Tereſiam natu tertiam, cæleſti dono procrearunt .

Generis verò claritatem à parentibus acceptam , nobiliſſima Virgo tam inſigniter auxit, quàm imperioſè deſpexit: quod vt ſe meliore conſilio feciſſe demonſtraret , natiuum cognomen clariore Ieſu cognomento permutauit, vt non iam D. Tereſia de Ahumada , ſed Tereſia à Ieſu nuncuparetur , ex eo ſanguine ingenuitatem altiorem acceptura , quo nouerat ſe fuiſſe redemptam .

Pue-

*Pueritia, & Educatio B. Virginis
Teresa. Cap. V.*



MOS Dei plane suauissimus est, rebus, quas in se ipsum quemque collimat, causas, & instrumenta opportuna prouidere, quibus eo pertingāt. Qua propter cum ad eximiam sanctitatem Virginē hanc prouehere decreuisset, parentes eius Christianis moribus expoliuit, quos in filiam velut hereditario iure deriuarent.

Mater honestate plurimum enituit: nam cum egregia forma præstaret, & ætate iunior esset (anno enim trigesimo tertio interiit) nec pulchritudo, nec ætatis feruor, nec vero nobilitas animum extulit, vt sibi multum tribueret; sed tamquam ætate prouectior, matura videlicet mente se modestissime gessit.

Pater pari honesti laude resplenduit: & cum pijs libris deditissimus esset, tenellam Virginem (quemadmodum & liberos
alios)

alios) simili studio vehementer addixit: quo certè consilio septennem puellam cle-
mentissimus Deus ad se allicere cœpit .

Erat ei tunc frater germanus, Roderi-
cus de Cepedâ, natu propemodum par, ce-
teris charior (qui postea militum ductor
apud Indos Occidentales obiit) Hic vna
cum sorore priorum librorum lectiōni im-
pensiùs vacabat, fructumque ætate maio-
rem vterque referebat . Nam cum histo-
rias martyrum, & felicem exitum atten-
tius lectitarent, exiguum sanè cruciatum,
amplissima verò præmia, diuino iam lumi-
ne perfusi censebant . Quamobrem ea bo-
na summis laboribus parare non tantum
optarunt, verum pro captu suo se ad opus
accinxerunt.

Condicta quippe die, clam patre, viati-
cum tenuissimum asportantes, & Maho-
metanorum regna petere, vt pro Christo
capite plecterentur, impensiùs, quàm dici
possit, cupientes, domo, ac vrbe excesse-
runt. Pergebant alacriter tenelli milites,
grauiora certamina, quàm ferret ætas, ausu

gran-

grandi cogitantes. Grande cœptum vrgebant, nemine multiplices animorum motus reprimente. Verùm ecce inopinatus, tristisque remorator. Patruus quippe quidam suus fortuito eis obuius, rem demiratus, viam carpentes intercipit: domumque non absque ipsorum mæstitia, sed cum singulari sollicitæ matris gratulatione reducit. Merito hic futuræ virtutis indicio planè maximo acclamandum esset.

Id autem, quo acerrimè ad hæc studia incitabantur, æternitatis cogitatio erat; quæ puerorum inertix, ac teneriori naturæ immensum calcar adegit. Iam enim Apostoli sensum compendio nacti fuerant, vt labores leues, ac momentaneos æterno gloriæ ponderi posthaberent.

At enim, cum res eis non pro voto succederent, vim animorum, maiora, sed vetita molientium, ad breuiora pietatis exercitia, quæ non prohibentur, reflexere. Eremiticas enim cellas, puerili certè schemate, sed cano sensu in hortis paternis construere cœperunt, Deo firmiora ædificia porten-

dente, quæ à Virgine postmodum essent extruenda . Verùm cellulis eremiticis ad solitudinis otium non satis aptatis, sed vel motu leui dirutis, aut inter manus sponte ruentibus, animi Deo vacandi iam inde cupidissimi , & quo se vertere nescientes æstuabant. Proderant tñ ea cellarum simulachra ad concepta desideria tuenda ; his enim & alijs calorìs interni fomentis in res diuinas Beatissimæ Virginis, & Sanctorum cultum, affectus alebatur . Inter omnia verò pietatis incitamenta, Samaritanæ imaginè, ac verbis illis (Domine da mihi aquam) mirificè puella capiebatur , & ea creberri- mè repetebat, vnde fructum vberimum reportabat .

Eleemosynas , quàm largè poterat , erogabat, & exercitijs ad pietatem excolendā exquisitis intenta, morum suauitate simul, & ætate ad annum duodecimum adoleuit: vbi D. Beatrix eius mater è vita migravit .

Perculit Virginem parentis præmatura mors , & anxia dolore coram Beatissimæ Virginis imagine , quasi meliorem paren-

tem

tem fortitura, multa lachrymarum vi adoptionē postulauit. Res cessit ex voto, quod in præsentissima tantę Matris ope, qua Cōgregationem condere potuit, orbis vniuersus agnouit.

In deteriora sensim labitur, sed a Deo eripitur. Cap. VI.



SAEVISSIMVS nostrę salutis hostis indolem Virginis contemplatus, & sua dāna præfagiens, cœptam Teresię pietatem, maximarum virtutum notis illustrem peruertere cogitauit.

Erat nimirum illa ingenio perspicax, prudens, magnanima, constans, quę si semel virtutum radices altè defigere sineretur, ingentem cladem hosti allatura, Deo summam gloriam esset paratura.

Quamobrem duobus illam incitamentis euertere tentauit, vt natiuis animi dotibus abuteretur.

Alterum, vanissima equestrium librorum lectio fuit, quæ in ædes honestiores, quò impudicitia penetrare nequit, solet irrepere, ac animos benè temperatos ad interitum pertrahere. Adeò verò lectioni huic, vnà cum Roderico se dedit, vt sermonis proprietates, ac tropos breui, sed longa cum temporis iactura perdiscens, eius generis librum elaborauerit; quo tam insolito fœminæ laborem multorum linguas excitauit.

Hinc ea damna familiarissima, vestis pretiosior, odoramenta, capillorum cura, manuum nitor, formæ ostentatio. Non tamen eo prorupit, vt ab aliquo turpiter amari vellet, vel culpam, quam quidem ipsa deprehenderet, palàm admitteret: sic enim præseruanda erat, quæ sanctitatis exemplar erat præbitura.

Alterum irritamentum, consanguineorum domum ex more ingredientium consuetudo fuit: cum enim essent ætate pares, & vanitate sæculi tacti, ipsismet verbis, quæ diutissimè producebant, Virginem à rebus melioribus diuertentes, periculum non leue

creabant . Verùm peiora imminebant à puella quadam sanguine coniuncta , non vsque adeò cordata, quæ Virginē quatuordecim tunc annos agentem, à primæua pietate abducere conata est .

Hinc Dei timoris obliuio, vani affectus, & aliorum nimia familiaritas, quamuis (quod ipsa scripto consignauit) numquam graue malum appetierit . Clementissimus enim Deus , ne contagio vllo sacrarium illud suū pollueretur, armatura duplici, hoc est natiuo libidinis odio, & honoris amore Virginem sepsit , vt omnes vitiorum ictus elideret .

Omnem videlicet turpitudinem auersabatur , licet comitate multa, & verborum dulcedine, quos alloquebatur, alliceret: honoris verò studium, & cuiusuis in eo genere iacturæ timor illam dire torquebat .

Etsi verò subtiliore polleret ingenio , quo suspicionem quamlibet præcauere posset, Deo sic agente, Patri (quæ illius solertia erat) nonnulla leuitatis suspicio suborta fuit .

Hic

Appellabatur D. nostra de gratia ex ordine S. Augustini.

Hic dæmon gestiebat : sed præda, quam sperabat, confestim euanuit. Exactis enim ea leuitate tribus dumtaxat mensibus, in monasterium, vbi puellæ ingenuæ educabantur, se recipit : & viribus animi resumptis, non solum modicam eam vanitatem, quam è sæculo hauserat, execrata, sed religionis amore, quem exuerat, affecta fuit, & internis exercitijs (quamuis, & cogitationibus importunis, & donis extrinsecus missis tentaretur) se deuouit: quousque graui morbo intercepta, domum paternam repetiuit.

*Induitur veste Beatissima Virginis
de monte Carmelo, & proficitur.
Cap. VII.*



POSTQVAM è morbo conualuit, cum in oppidulum, vbi morabatur eius soror D. Maria de Cepeda, deduceretur, obiter patrum quendam suum, in oppido, cui nomē Hortigosa, quod duodecim milliaria ab vrbe Abulensi distitum est,

est, inuifit : & librorum piorum lectionem, non tam sibi, quàm patruo audienti, qui eo studio magnopere delectabatur, gratificatura frequentauit.

Hoc autem saluberrimo exercitio veritatem illam in pueritia conceptam aliquandiu intermissam, penitiùs intellexit, omnia videlicet mundi bona ocyùs euanescere, æterna permanere: & per menses tres luctata secùm, statum Religiosum, quem nunquam seriò sibi persuaferat, arripere decreuit.

Hac verò ratione sibi potissimùm imperabat, status nempe illius labores igne purgatorio non esse acriores, ac propterea leniter secùm agi, quæ tartarum commeruisset, si leuiiores illos agones hac in vita perferret.

Cœpit ergo patrem suum, pro explendo desiderio, interdum vrgere : à quo cum inter liberos omnes tenerrimè amaretur, nihil impetrare potuit. Quod vt illa perspexit, mundi deliramentum experta, & ante actæ leuitatis memor, rem aggredi (vt quæ magnanimitate ad res arduas obeundas

prædi-

prædita erat) patre relicto cogitauit.

4. Non. No-
uemb. 1533.

Die igitur quadam summo mane, nemine conscio, præter Antonium de Ahumada eius fratrem germanum, in fuga comitem, domo erupit; & in monasterium Incarnationis, quod Abulæ inclytum, & Beatę Virgini de monte Carmelo sacrum est, se constantissimè abdidit.

Rem profectò grandem adorta est: nã præter contemptionem honoris, opulentię, voluptatumque, quibus certè bonis in sæculo largè frui poterat, in ipsomet egressu incredibilem animi dolorem, ac eam sensus pugnam persensit, vt singula corporis ossa eluxari, ac membra dissolui viderentur.

At cordis generositas ea fuit, vt hilari vultu, & suauissima comitate spectantibus imponeret: nihil enim nisi vehemens sacrę vestis desiderium, Virgines illę, quarum captabat societatem, suspicari potuerunt.

Extemplo verò (quæ Dei hausto labore solantis consuetudo est) penitissima lætitia, ob statum selectum, mundique neglectum, sic affecta fuit, vt in posterum per totius

vitaę

vitæ decursum, nullum passa fuerit decrementum.

Veste sacra suscepta, miris virtutum incrementis cœpit adolefcere, ac futuræ sanctitatis signa præferre. Vbi silentio minimè celandum, quod eo tempore Virgines illæ dictitabant: Ante multos scilicet annos Aquilègem quendam (genus hominum est, qui loca subterranea visus perspicacitate penetrant) thesauros exploraturum eò venisse, ac meliorem thesaurum vaticinatū fuisse: fore nimirum in eo Monasterio Monialem planè sanctam, nomine Teresiam: quod rei probauit euentus. Alij prophetiam cui-dam moniali, quæ Monasterio recenter cōdito claruit, tribuebant: quod ego verius existimo.

Annum ergo illum B. Virgo Teresia multis morbis obnoxia, sed inuictō animo alacris exegit, & quamuis aduentante professionis emittendæ die, ac in ipso propemodum actu solemnī, molestissimis tentationibus infestaretur, fortissimè præualuit, ac se ipsam deuouit.

Morbis diu obsidetur : sanitati restituitur : prima uiam leuitatem repetit : orandi studium intermittit : postea resumat .

Cap. VIII.



EXCREVERE morbi, syncope, comitialis, alijsque plures, qui sensu saepe intercepto illā diuexabant. Et cum Abulenses Medici Virgini remedium afferre nequirent, exit è claustro una cum moniali altera ei familiarissima, & in oppidum (cui nomen Becedas) ubi mulier quaedam morborum curatione celebrabatur, agra deducitur.

Exijt hyemis initio, & vsque ad Ver nouum, curatione dilata, in oppidum obuium ubi D. Maria de Cepeda eius soror agebat, grauitè affecta concessit. Extulerat secum tertium Osunnæ Abecedarium, pium scilicet librum, à patruo sibi traditum, quo per id tempus, quod in oppido sororis exegit,

vsā,

uſa, cæleſti orationis dono, ſublimiùs, quàm ipſa tunc intelligeret, aucta fuit: pertigit enim ad excelfos quietis & vnionis gradus ab ipſa poſtmodum diſertè deſcriptos.

Post meſes tres apud mulierem illam, curata quidem, ſed ſanitatē adeptā non fuit, & imbecilli corpore acrioribus medicamentis læſo, infirmior, quàm acceſſerat, domum paternam repetiuit: vbi ſalutē à Medicis Urbis deſperata, heſtica febris obnoxia iudicata eſt.

Festiuiſſimo verò die, qui Auguſto Mēſe Aſſumptioni dicatus eſt, ſpaſmo quodam immani, & in quatrīdium protracto correpta, & extrema vnctione ad obitum delibuta eſt. Iam ſepulchrū in Monasterio fuerat effoſſum: iam Moniales aliquot fere trum comitaturæ venerant.

Et quidem niſi Virginis pater, qui pulſum (cuius erat peritiſſimus) explorauerat, obſtitiſſet, aiens; filia hæc mea non ſic affecta eſt, vt ſepelienda ſit, tumultata proculdubio fuiſſet.

Sed elapſo quatrīduo, euigilauit: queſta

F 2 eſt,

Monasteriū Incarnationis.

est, quod fuisset excitata: se in cælis egille, tartarum quoque vidisse, aliaque planè mira protulit, quibus à viris grauissimis fides habetur. Cum enim doctissimus P. Fr. Dominicus Bannes, Ordinis Prædicatorū, qui primæ Theologorum cathedræ Salmantice præfidebat, die quodam festo apud P. P. Carmelitas Discalceatos concionaretur, illo quadriduo B. Virgini Teresiæ ostensum tartarum asseruit. Visum quoque hoc grauissimus Pater F. Didacus Iepes, Hieronymianus Episcopus Turiasonensis, qui Philippo secundo Hispaniæ Regi fuit à sacris confessionibus in vita B. Virginis Teresiæ, quam Hispanicè conscripsit, rei benè conscius sua auctoritate confirmat.

Experrecta ergo Teresia, pœnitentiæ, ac Eucharistiæ sacramenta vberissimo cum fletu recepit: & vsque ad Pascha doloribus acerrimis patienter exanthlatis, in paternis ædibus permansit.

Institit valde, vt iam ad Monasterium referretur: vbi contracta, grauiusq. quàm exprimi possit excruciat, octo mensibus iacuit;

cuit; sed morbus annos tres perdurauit: quibus nihil æquè iucundum, ac Dei sermo, pia lectio, sacrae confessiones, & panis Eucharisticus accidit. Si quam verò culpam leuè admisisset, orationem, non metu poenæ, sed ingenua quadam verecundia ex acceptis beneficijis orta (etsi consilio minùs bono) refugere consuevit.

Post annorum autem trium excursum, ope Sanctissimi Patris Nostri Ioseph, cui erat addictissima, à membrorum contractione soluta, coepit incedere.

Hostis verò tantæ laudis impatiens, primæ leuitatis experimento audax, aliam in abditiore loco, nocendi artem inuenit. Multi quippe, per id tempus, in Monasterium ventitabant, quos B. Virgo Terefia (vt erat sermone lepidissima, & actione venustissima) præsertim alliciebat; & pro gratitudine, & comitate natiua (licet non turpiter) redamabat.

His laqueis illam hostis inuidientissimus adeò compediuit, vt orandi exercitium intermitteret, indignitatis colore prætenso:

nefas enim ei videbatur, ad Christum accedere, quæ ab hominibus non longè recederet: præterquàm quod alias de quarum moribus bene opinabatur, id efficere cernebat, & nonnulli minùs sapientes Confessarij res lues non vsque adeò improbabant.

Perrexit ergo cœptis insistere, quæ periculo minimè vacabant. Quod cum illa nequitiam pertimesceret, sæpe indè damna referebat: tametsi non eò accederet, vt grauiterraret, ex præsentissima Dei tutela, qua vel in parùm laudata consuetudine non caruit.

Sub initium enim sermonis cuiusdã, colloquijs familiaris, quod inter omnia maxime nocuit, vidit internis oculis Christum grauißima specie, quanto perẽ ille sermo displiceret, ostendentem: quem & columnæ religatum, spectaculo ad cor emolliendum opportuno, nudum brachium laniatum exhibentem ibidem aspexit.

Hac fidissima custodia præseruabatur, etsi humanæ cõsuetudinis laqueis obligata, non se facile ab occasionibus expediret. An-

no tamen ab intermisso orādi studio perlapso, P. Fr. Vincentij Varroni Dominicani, prælectoris Theologi, qui ei erat à sacris confessionibus, consilio permota, studium illud resumpsit.

Hoc igitur more, per annos ferè viginti, leues interdum culpas admittens, crebrius autem inculpatissimè agens, modò arēs, modò solatijs perfusa diuinis, vitam contexit.

Illud tamen oculatè dispiciendum, nihil hic turpe, seu graue commissum, & paucissimos dies intercalatos, quibus non longissimè oraret.

Seria B. Virginis Tereſia conuerſio .

Cap. IX .



RATORIVM aliquando, ex more ingressa, & imaginem Christi fauciati conspicata, vehementer statim commota fuit: cœpitque intentius meditari, quàm parùm grata tot vulneribus, causa suę salutis acceptis, extitisset: vbi dolor tantoperè

toperè inualuit, vt cor intimi sensus ictibus scindi videretur.

Hoc acerrimo doloris sensu tacta, ad imaginis pedes se prouoluit, & vim lachrymarum effudit, illud testata, se inde non surrectura, n, quousque robur, ne in culpam relaberetur, impetraret; nec incassum: deinceps enim, mirabilibus augmentis virtutum increuit, nec præteritis lapsibus; quos potissimum exhorruit, simile quidquam admisit.

Profuit impendiò dulcissimus ille confessorum S. Augustini liber, quo tunc utebatur: cum enim peruenit ad vocem, quam ille, dum in horto iaceret, audiuit, eandem audire sibi visa est: quod immensa cordis motio, & fletus impotens astruxere.

Hinc ad sublimiorem sanctitatem studio. sius exquirendam incensa est: quod certè singulare bonum, se Beatissimæ Virginis, ac Sanctiss. Ioseph precibus (quemadmodum & reliqua omnia) obtinuisse peculiari reuelatione, quam scripto prodidit, accepit.

Inter alia verò cælestia dona, meritò re-

fertur

fertur timor quidam ingenuus, ne videlicet orationis gaudia, & animi suspensio, dæmonis imposturæ forent, ac inde hostis ille abserio, vtilique orandi studio vellet eam dimouere.

Torsit illam diu, grauiterque salutaris hic timor, nec requiescere posse sibi visa est, nisi cum reconsultis de illo conferret. Egit ergo cum viro vitæ sanctitate claro Francisco Salzedo (qui tametsi coniugatus, rebus diuinis deditissimus erat) vt Patrem quendam Theologum sanctitate insignem, eade reconueniret. Sed ille vnà cum Francisco ipso, re altè perpensa, censuit delusam esse, parumque tempestiuè Virginem cœpit nimis vrgere, & à nonnullis leuissimis rebus, quæ cum diuina consuetudine, coherere non videbantur, tamquàm violenter auellere.

Temperandus rigor erat: quamobrèm salubriore consilio censores ipsi monuerūt, vt cum Patrè quodam rerum perito è Societate Iesu rem totam communicaret. Obtemperauit è vestigio, & eum offendit, qui

G

animo

animo nimium affecto mederi nollet. Meditationē humanitatis Christi impensè commendauit : sed gustum , quem orando hauriebat, respuere præcepit, donec aliud iniungeret : & ad vitæ austeritatem, quam illucuscq. Virgo morbis vexata , parum exercuerat , hortatus est.

In eo verò Patris illius prudentia præsertim enituit , quod non confestim Virginem feueris legibus obstrinxit : sed cunctatus Dei opus obseruauit, natiuos mores inspexit, & sensim , præeunte Deo, ad ulteriora promouit.

Patuit autem primos illos censores, licèt animo candido , minùs benè iudicasse.

P. Franciscus Borgia Societatis Iesu Generalis, spiritum B. Virg. Tereſiæ probat. Cap. X.

PA T E R Franciscus Borgia, Societatis Iesu Generalis mundi cōtemptu, & rerum diuinarum experimento conspicuus , Abulam venit : Virginisq. Confessarius censuit,

cum

cum viro consultissimo rem conferri oportere. Accurrit illa, omniâque, vt erat veritatis studiosissima, retulit. P. verò Franciscus ingenuè respondit, diuini spiritus opus proculdubio esse: ne deinceps resisteret: sed à Christi passione orationem auspicaretur: quod si ad altiora subleuaretur, duci se finiret. Quo certè responso mirum in modum recreata fuit.

Sub id tempus eius Confessarius Abula discessit, quod eam non parùm afflixit ratam, vix alium ex sententia successurum. Affuit tamen alius ex eadem societate: qui cum animaduerneret. B. Virginem Tereciam pro ingenij nobilitate, ijs, à quibus diligebatur, amicitiae professione, vicem rependere, quæ affectû erga diuina diminuere posset; suadere cœpit, ijs necessitudinibus nuntium remitteret.

Res subaustera visa est, obtendebat enim ingritudinem: at Pater ille orandum dixit, & Spiritus sancti hymnum, per dies aliquot, ad lucem impetrandam iniunxit.

Auidè rem aggressa est: & die quadam,

cùm pro re lōgiùs orasset , subitaneo raptu, quem vsque ad id tempus experta non fuerat , propè sensibus alienata in animæ centro audiuit verba hæc: (Nolo iam cum hominibus , sed cum Angelis familiariter verferis.) Quæ sanè verba cordi Virginis robur tantum indiderunt, vt, quod annis plurimis, nauitate multa , consilijs opportunis nequiu-
erat , momento vno peregerit.

Hinc Clementissimus Deus eam alloqui cœpit, & creberrimè consuevit.

Non tamen proptereà inducias cum hoste pepigit: Ecce quippe sex viri pietate illustres , re vltro citroq. versata, Virginem delusam esse consentiunt. Confessarium admonent , qui Deo sic prouidente, ad animi illius generosissimi examen illis censoribus velut acquieuit.

Decernitur , ne sacram synaxim tam sæpe sumat : solitudinem vitet : quæ sanè præcepta , comitalem morbum , & timorem, quo satis ipsa premebatur , nimis auxerunt: maleq. habita , sub onere grauissimi mœoris è collegio S. Aegidij , dimissa fuit .

Inter-

Interdicto igitur hominū solatio, in orationem vehementer incubuit: & die quadā huius orbitatis, post exactas quatuor mœroris horas, sic Deus Clementissimus illam affatus est: (Ne timeas filia, ego sum, non te derelinquam.) Verba hæc, momēto vno, caliginem omnem discusserunt, animū innumeris motibus agitatum sedarunt, serenitatem cælestem, ac securitatem inuexerunt, vt dæmonis imposturam sibi persuadere nō valeret, quamuis totius orbis censores in sententiam aduersam conspirarent.

Eliquabatur dulcissimis lachrymis, & mutatum repentē cor ad cælestem pacem admirabatur.

Arripuit crucem fortissimo iam corde munita, & agmina dæmonū laceſſebat aiēs: Congredimini nunc omnes; experiri volo, an mihi potētissimi Dei famulæ nocere possitis. Ex quo excelsum dæmonum contemptum nacta est, vt, etsi eos nonnumquam videret, pro nihilo duceret, nulloque metu vexaretur: quod illa inter summa Dei beneficia posuit.

Multis iam reuelationibus illustrabatur, & multa virtutum lucra parabat, quæ ipsa, proprio tractatu digessit. At nō defuere importuna prælia multorum, in speciem prudentum, qui maiore synceritate, quàm sapientia imposturam ei obiectarent.

Quin etiam & ipsi Confessario molestè institerunt, caueret mulierem illam seductam, leuissimasq. rationes grauitè exag-gerantes, quidquid à pia Virgine syncerè factum sinistra interpretatione vitiarunt.

Tres hac infestatione anni fluxerunt: nec defuere, qui velut à dæmone obsessam adiurare cogitarent.

Illud verò inter omnia B. Virginem dirissimè torquebāt, quod viri sanctitate insignes rem hanc malè interpretarentur: at omnia vit-
cit, omnes aduersita-
tes excelsò cor-
de despe-
xit.

Vt Confessarijs obtemperet, diuinis fauoribus reluctatur. Cap. XI.



N medijs tot infectatorum incurfibus. Clemētissimus Deus internis blandimentis Virgine solabatur: cui amanter illa, vt mœrorem exhalaret, de obiectis calumnijs conqueri solebat, semperque ab oratione validior exhibat.

Nemini, præterquam Confessario P.M. Balthasari Aluarez e Societate Iesu Collegij S. Aegidij Rectori viro diuinarum affectionum perito, ac planè prudenti, qui ei plurimùm profuit, mæstitiæ sensum aperiebat: quem licèt tetricus esset, amabat.

Cum verò cælestium visionum sublimitas in dies augesceret, Confessarius quidam, qui P. Balthasare impedito, Virginem interdum audiebat, nescio, qua mente, apertè dixit, eam esse seductam: quamobrem, quoties quempiam sibi apparentem videret, ei illuderet, & se crucis signo muniret.

Acre

Acre nimis præceptum, quo velut iaculo traiecta fuit : cum enim Deo iam à viris prudentissimis res tota tributa fuisset, repentinum hoc telum illam acerbè fauciauit. Et tamen fidelissimè paruit : etsi enim, interim dum sacra visa cernebat, nihil ambigere posset ; simul tamen à Christo viso veniam postulabat, & crucis signum effingebat : quod cum præ lassitudine tamdiù nequiret, acceptam crucem manu ostendere consuevit, tanta fuit obedientiæ Religio .

Quapropter amātissimus Iesus Christus, qui, præ victimis, obedientiam probat, ereptam aliquando manibus crucem, quatuor prægrandibus gemmis constructam restituit : quo singulari dono diutissimè perfruita fuit : non enim primam crucis materiam, sed quam Christus formam induxit, imposterum vidit, tametsi ab alijs minimè conspiceretur : quale quiddam SS. Cecilie, Gertrudæ, Catharinæ Senensi, & alijs euenisse, memoriæ proditum est.

Frequentiora ergo, & altiora spectacula cor Virginis iam oblectabant : & Christi in

visu

visu quodam promissio suberat, fore, vt rei veritas pateretur, & qui malè opinabantur, resipiscerent. Et quidem cælestia visa, & promissa eam voluptatem pariebant, quæ omnem orbis terrarum eloquentiam facile vincat: tantum abest, vt historiæ compendio illa complecti liceat: nec enim, vel vnū è diuinis blandimentis Oratores disertissimi assequi possent: quod è subiecto patebit exemplo.

Cum Clementissimus Deus pollicitus fuisset veritatem detectum iri, cor Virginis amore vehementissimo inflammavit, vt ei sæpius anima diuelli videretur. Aestuabat, & præ sponsi desiderio, paulò minùs interibat: fauciauerat quippe illam grauißimo, sed dulcissimo amoris vulnere, quo carere timebat.

Repetebat crebrò illud Regij Prophetæ votum ardentissimum.

Quemadmodum desiderat ceruus ad fontes aquarum, ita desiderat anima mea ad te Deus. Psal. 42.

Hinc subiti raptus in ipsa hominum, cum

H

qui-

quibus agebat, frequentia, quibus, etsi validè conaretur, reniti nequibat : Deo sic prouidente, vt veritas inciperet elucescere.

Vnum inter multa laudatissimū, & suauissimum reticere nō licet : vidit sæpe iuxta se ad sinistrum latus Angelum statura breuem, forma elegantissimum, igneo aspectu flagrantem, quem ab ardore Seraphim existimauit. ferebat ille manu iaculum aureū, è cuius spiculo summo (vt apparebat) ignis eminebat modicus.

Hoc ergo cælesti iaculo cor Virginis tā fortiter vulnerabat, vt hærentia spiculo viscerum frustra extrahere videretur : Dolor acerrimus erat ; vt subtiles quosdam gemitus eius indices ederet, cum vires ad clamorem deficerent : nec tamen dolore carere, vlllo pacto cupiebat : erat enim ineffabili oblectamento permixtus.

Vulnera hæc vniuersis mūdi honoribus, opibus, ac voluptatibus meliora, incredibile amoris incendium excitarunt : vt ex absentia Christi, longo charitatis martyrio torqueretur.

P. F.

P. F. Petro de Alcàntara rerum rationem exponit, & probatur: graui-terq. tentatur. Cap. XII.



VISA illa dolorem acerbissimum, & suauissimam voluptatē pariter suggerentia, Virginis animum angebāt: nesciebat quippe quō pacto duæ illæ contrariæ affectiones ab radice vna prodire valerent: præterquàm quod non à quouis Theologo res tam sublimes capiebantur, vt anxiam sedare posset.

Tunc opportuna Dei prouidentia, P. F. Petrus de Alcàntara Fratrum Discalceatorum S. Francisci Commissarius, vitæ sanctitate, ac internarum affectionum experimento clarissimus Abulam venit; qui res altè perceptas tam seriò probauit, vt præter Fidei Catholicæ asserta, nihil sibi certius, quàm Virginem Teresiam, à Spiritu sancto duci asseueraret: quod hominis modestissimi elogium, meritò viris sapientibus notatu dignissimum videatur, necesse est.

Cælesti sapientia sua Pater ille mœrorem dissipauit, asseruitque ad B. Virginis Terefiæ encomium, vnum è summis totius vitæ laboribus ab ea, dum à censoribus exerce-retur, fuisse perlatum: Patremq. Baltha-sarem Aluarez alloquutus, omnem ab eo scrupulum abegit.

Verùm quod animi timorati argumen-tum, & experimentum fuit, etsi à viro tan-to testimonium omni exceptione maius ac-cepisset, molestissimo timore identidèm sic vexata fuit, vt per hebdomadas integras, anxietatis pressura, velut, præfocari videretur; & (quod remedium superesse videbatur) si ad angorem eleuandum Confes-sarios conuenisset, acrioribus verbis excep-ta, & seuerius dimissa rediret: quod illi se-creto Dei consilio acti (non enim id ex ani-mo agerent) se effecisse mirabantur.

Oportebat sanè, quæ alijs patientiam, & fortitudinem præceptura erat, tot prælijs impeti, & ad mortem vsque infestari: hoc tamē exercitio illud agebatur, vt inuicti ani-mi sanctitas multis ictibus tētata splēdèret.

Ve-

Vexatio nimirū vrgebat, vt viros sapientissimos consilij gratia perquireret : qui audita dona facile diuina, quæ Virgo exposnebat, demirati, alijs euulgabant, vt Tereſiæ nomen multa regna peruaderet.

Occasio prima, vt ageretur de Monasterio primo condendo : quod à Deo saepe iuſſum: sed multa aduersitates obſtāt. Cap. XIII.



V. M. affectionibus iam diuinis illustris in leniore illo Incarnationis Monasterio B. Virg. Tereſia ſibi minimè ſatisfaceret, oblatam auſterioris diſciplinæ occasionem ſic arripuit.

Erat ei neptis, quam ſemper amauit impenſè, D. Maria de Ocampo (quæ poſtea inter Diſcalceatas Monasterio Valliſoleti cum laude præfuit) quæ tunc corporis cultui, & formæ oſtentationi artiſcioſiſſimè ſtudebat, tametſi intra clauſtrum illud, educationis cauſa, maneret.

Nocte

Nocte igitur quadam cum hæc, & Ioanna Soaria Virginis amicissima simul agerēt, B. Virgo Tereſia inopina, & quaſi iocans, cœpit lepidè, vt ſolebat, ſtatum illum præſentem improbare, prætexens numeroſum eſſe Monasterium, ac proindè moleſtum. Extemplò D. Maria de Ocampo: Recedamus ergo quotquot hic exiſtimus, & eremitarum more, aliud vitæ genus abſtractius ineamus.

Nec incassum id extulit: Hinc enim in noctem totam ſermo productus, & ſeriò de votis illis explendis actum eſt. Pollicita eſt D. Maria mille aureos, quod ipſi ſummopere placuit: optabat quippe grandia adoriri: quod certè deſiderium hauſerat è terribili quodam viſu, vbi cruciatus æternus, ſi leuitatem primæuam proſequuta fuiſſet, inferendus eam exterruerat.

Cum ergo à ſempiterno dolore præſeruata, quippiam Dei clementiæ non prorsus indignum moliri cuperet, nouum arctioris vitæ propoſitum mente pertractabat, & fouebat. Eo verò tempore familiaris quædam

&

Legatur 32
c in B. Vir.
Tereſia vi-
ta.

& ingenua mulier D. Guiomar Virginem inuifit, quam fic experiri cœpit: Nuper (inquit) Iuuenes hæ (aderant enim duæ illæ) de arctiore Monasterio cōſtruendo agebāt. Excepit hoc illa ſatis cupidè, inſtititq. vt extrueretur, & assignandorum reddituum modum expoſuit.

Optabat hoc impensè B. Virg. Tereſia, tametſi Monasterium Incarnationis non diſpliceret. Conuènit ergo inter illas, vt Deo preces offerrent: pauloq. poſt, Euchariſtia percepta, Chriſtus Virgini iuſſit, rem totis viribus obiret, Monasterium Sanctiſſ. Ioseph nomine inſigniret, pollicitus rem pro voto ſueceſſuram, ſe cum ſacris Virginibus intra clauſtrum verſaturū, Cæli Reginam vni, Ioseph alteri Ianuæ præfuturum, Monasterium velut ſtellam ſplendore conſpicuum orbi lucem allaturum. Præcepit etiam, vt Confeſſario viſa referret.

Vim concepit inuictam. ſed cum aduerſitates ſequituras Virgo proſpiceret, ægrè ferebat, pace, qua fruebatur, excluſa, ſe mundi fluctibus committere.

Defert rem ad P. Balthàsarem Aluarez è Societate Iesu, qui cū esset prudēs, noluit acriter respuere, tametsi exitu carituram existimaret. Monuit tamen, vt Prouincia lem suum P.F. Angelum de Salazar, Virum laudatum consuleret: quod, vbi per D. Guiomar factum est, Prouincialis pro insigni pietate sua, propositum commendauit, opē tulit, se Monasterium admissurū promisit.

Ante hanc verò Prouincialis facilitatem B. Virgo Terefia integerrimo P.F. Petro de Alcàntara Franciscano rem scripto trāsmisserat, qui eam validè confirmauit, & Episcopum Vrbis admonuit.

Principia tamen non malè fulta dæmon horruit, & Vrbem totam ad maledicentiā, & derisum adeo excitauit, vt cum manè Natalis Christi D. Guiomar Confessarium adiisset, ab eo, velut absolutione indigna, repelleretur.

Visum est hominum auctoritate, ad hominum impetum coërcendum, vti oportere: & ne PP. Societatis Iesu nuper in Vrbē ingressi, inopes, ac fauore indigentes, pro-

positi

positi huius tuitione vexarentur; cœnobii S. Thomæ, ex Ordine S. Dominici B. Virgo Teresia, & D. Guiomar petunt, & P.F. Didaco Iuagnez, viro doctrina, & probitate claro (suppressis tamen reuelationibus; communi quippe Theologorum doctrina, vbi nihil suspectum est, decidi cupiebant) rem totam exponunt.

Paterille (licet in totius Urbis opinionē incumberet) tempus ad deliberandum exposcit: & quamuis à Patritio quodam, ne opem ferret admonitus, mox vt rem animo versare cœpit, cæleste consilium omnino visum est. Respondet ergo, maturent opus, et si quis obluetetur, ad eum remittant.

Animos erexit graue responsum: domus pacto pretio cū scribæ fide perendie emenda erat: verum Urbis, & Monasterij æstus adeò efferbuit, vt Prouincialis, ne solus cum tot agminibus confligeret, modicos redditus, nec (vt dicebat) tutos prætexens, veniam promissam dare noluerit.

Et si verò B. Virgo Teresia, vt rem eò perduceret, tot agones pertulisset, mox, vt

Prouincialis renutum cognouit, sine vlla controuersia conquieuit : qui obedientiæ cultus eximius fuit .

Hinc Vrbs tota peiùs de illa , quasi leui capite laboraret, opinata , multa maledicta congeffit : Monasterium verò Incarnationis grauitèr excauit , ac si nouo proposito, bonam illarum Virginum existimationē obscurasset : nec defuere, quibus in carcerē trudenda videretur .

Omnia tamē patiētissimè tulit, se Deo fecisse satis arbitrata , & huius fidei consciētia satis gauisa : &, tametsi opus deponeret, animum tamen nunquā à fiducia firmitudine de explēda Christi pollicitatione despōdit.

Confessarius à proposito Virginem deterret: Christus eam solatur: iterum de Monasterio agit. Cap. X IV.



ATER Balthasar Aluarez è Societate Iesu Virginem de mutando consilio per scriptum hortatur, exigens , ne in posterum quidquam attentet , perspiciatq. quàm fue-

rit

rit inane propositum, quāta Urbis offensio.

Vulnus hoc Virginem afflixit ambigere incipientem, an peccati alicuius ansam prae-
buisset, an visa non vera fuissent: inde quip-
pe de totius anteaetæ vitæ reuelationibus
cœpit hæsitare.

Affuit indulgentissimus Deus, qui adeò
illam tenerè amabat, vt longam eius vexa-
tionem ferre non posse videretur. Blandi-
tus est: monuit sedatè ageret (nullam enim
culpam admiserat) Confessario ad tempus
morem gereret.

Interea P.F. Petrus Iuagnez, Virgine (ne
Prouinciali minùs obtēperaret) intra Mo-
nasterium per sex menses quiescente, ac di-
uini amoris è Christi consuetudine vim in-
gentem hauriente, cum D. Guiomar de Mo-
nasterio condendo, literis quoque Romā
missis, contentè agit: & sex mensibus ela-
p-
sis, nouus Rector Collegio Societatis Ie-
su præficitur, Deo meliora prouidente, cum
à præcessore Virginis rem improbante P.
Balthasar Aluarez præpediretur.

Nouus Rector P. Gaspar de Salazara vir

prudens , ac perspicax , qui P. Balthasari Aluarez per omnia congruit , B. Virginem Tereſiam feſſam recreauit .

Ceterum antequam ille Abulam perueniret , cum die quadam maerentiſſime affecta oraret , exiſtimans ſibi à Confefſario fidem non commodari , Chriſtus , ne moreretur , citò afflictionem ceſſaturam , amantiſſime dixit , quo aduentum Rectoris præſignauit .

At P. Balthaſar Aluarez Dei conſilium hoc modo dignouit . Chriſtus B. Virgini Tereſiæ oranti ſic præcepit : Dices Confefſario , meditetur cràs verſum illum : Quàm magnificata ſunt opera tua Domine : nimis profundæ factæ ſunt cogitationes tuæ .

Dum ergo die proximo ſic ille meditaretur , ea lux oborta eſt , quæ omnem prorſus nebulam diſiecit : ſtatimq. inſtitit acriter , vt ad opus Virgo feſtinaret .

Coegit illa quam pecuniam potuit : & vt prudenter opus ſimularet , ſororem ſuam D. Ioannam de Ahumada per literas monuit , vt Ioannes de Oualle , cui nupſerat , Abulam , Albà veniens , domum Mona-

ſterio

sterio destinata, velut vsui proprio, emerret: quod ille comiter præstitit: dieq. Augusti 10. anno verò 1361. cœptum est ædificium.

Venit paulò post Virginis soror D. Ioanna, quam dum frequentius viseret, Monasterij opus expediebat: vbi inter alia multa (mirum dictu) cum die quadam cœmentarijs egeret, nec (ob inopiam) conducere posset, Beatissimus Ioseph per visum iniunxit, cum mercenarijs pacisceretur, pecuniã neutiquam defuturam: quod sanè visum ab ea firmissimè creditum, exitus comprobavit.

Aedificatur Monasterium: eueniunt mira nonnulla. Cap. XV.



Venerabilis M. nauaretur opera domui extruendæ, & Virgini exigua videretur, die quadam, statim à sacra synaxi sumpta, Christus sic anxiam affatus est: Iam te monui, vt quæ possis, incipias: O gene-

ris

ris humani cupiditas, quæ te sic afficit, ut terram tibi defuturam existimes?

Quoties ego abnoctavi, cum tecto carerem?

Remansit B. Virgo Tereſia hinc erudita, & ſummoperè mirata eſt, eoq. affectu domum circumſpexit, ut iam idonea, & ſatis ampla Monafterio videretur; nec (quod prius cogitauerat) ampliorem coëmere vellet. Enixa potius eſt, ut ædificium rude inopiam Chriſti repræſentaret.

Die verò quadam Virgini Euchariftiam ſumere paranti B. Clara, cui dies ille facer erat, pulcherrima forma inſignis apparuit, opemq. pollicita vehementer illam ad opus incendit.

Cum verò de reddenda obedientia, poſt extructum Monafterium, ad nouam inſtitutionem auſpicandam cogitaret, & ad ſuum Prouincialem propenderet; viſu Chriſti illam Epifcopo deferendam, Romamq. mittendam, ut Monafterij adminiſtratio ei demandaretur, accepit.

Per id quoque tempus, (Aſſumptionis feſtum

festum erat) cum in Monasterio S. Thomæ forsitan esset , ac peccata præterita recole-
ret , raptu quodam ferè sensibus abstracta,
se candidissima, & splendidissima veste ami-
ciri animaduertit : & quamuis initio nemi-
nem conspexisset, mox tamen à dextera
Beatissimam Virginem, ac sinistra Sanctissi-
mum Ioseph , à quibus induebatur, aspexit.
Vbi serenissima Cæli Regina manum illius
tenuit , & sibi acceptissimum esse sponsi sui
cultum significauit . Hortata est , ne time-
ret , opus sine intermissione absoluendum,
se ac eius sponsum loci illius tutelares , eius
filium, ceu promiserat, præsidem futurum:
in quorum fidem donum illud (iniiciebat
autem collo monile pretiosissimum , cruce
immensæ æstimationis appensa) fidēter ac-
ciperet . E vestigio in cælum efferri Regi-
na multo Angelorum comitatu visa est : &
Virgo per longum tempus immota, stupēs,
ac multiplici amoris impetu concussa re-
mansit.

Non est vlllo pacto reticendum, quod in
Ioannis de Oualle filio infantulo , eo tem-

minim

pore

pore accidit. Rediens pater à negotijs domum, iuxta limen portæ transuersum, gelidumq. iacentem offendit; corruerat quippe paries quidam, & illum opprefferat: subleuat illum, amplectitur, appellat: nihil tamen sensus, aut motus puellus præfert. Ex templò pater ad B. Virginem Teresiam illū defert: mater pueruli strepitum domesticorum deprehendens, quamuis ob comitatem, præsentē quadam ingenua muliere, quæ ad eam forte venerat, simulasset, se vltius continere non valens, suspicata quod erat, vocem dolens effert, & ad Virginem accurrit. Iacebat autem infantulus in gremio Virginis: quæ matrem impotenter perturbatam conspicata, quiescēdum monuit. Aderant multi, taciti rei exitum præstolantes. Illa demisso velo, quo caput obtegebat, caput infantulo admouet, & aliquantulum immorata, internis gemitibus (nam externè, vt Moses olim ad litus Rubri maris filebat) validissimè Deum clementissimum pulsat, ne illos, quibus ad Monasterij opus vti vult, tanto mœrore conficiat.

Mirum

Mirum est valde, statim infantulus à morte expergiscitur, & manibus vultum Virginis quasi gratulaturus blâ de contrectat. Tunc prudentissima Virgo, quasi puellus à somno naturali, & quotidiano excitaretur, matrem comiter velut reprehendens, Summe Deus, inquit, per quod genus perturbationis te obruit soror? Ecce puellus, illum amplectere.

Huc miraculo communit fama in re-
no Hisc-
nie admi-
struit.

Aliâ planè insolita per id tempus contingere, quibus B. Virgo Teresia coepit luculentius emicare.

Parietem Monasterij daemones diruunt:

B. Virgo Teresia Dei iussu Tole-

tum petit : tempestive reuer-

titur. Cap. XVI.



AESERAT in dubio, cui-
nam obedientia reddenda fo-
ret, Provinciali; an Episcopo;
monituq. Dei Episcopo D.
Aluaro de Mendòza paren-
dum intellexit : qui seriò rem aggressus ad

Summum Pontificem pro deferenda sibi prælatione transmisit.

Feruebat opus: at bonorum cœptorum hostis inuidentiſſimus dirè torquebatur, & ſe vlciſci cupiens, parietem alto fundamento firmiter extructum, angulis lateritijs benè nixum, & præaltum, nocte quadam euerit.

Succenſit cemētarijs Ioannes de Qualle, & ad reſtituendum proprijs ſumptibus cogendos putauit. Sed B. Virginis monitu, dæmonum impetum miratus deſtitit.

At D. Guionâr hac parietis ruina deiecta Virginem conuenit, ſubdens fortasſe opus non probari Deo, quòd firmiſſimus paries, præter opinionem, ac naturalem rationem coruiſſet. Reſpondit lepidè, graui-ter, ac ſedatè admodum Virgo: ſi cecidit, ſubleuetur. Miſit confeſſim nuntium D. Guionâr, in oppidum nomine Taurum, vbi eius mater agebat, expetens pecuniam pro ruina reſcienda: abſentèq. nuntio B. Virgo Tereſia traditam ei pecuniam diuinitus agnouit.

Nihil

Nihil animum inuictum frangere potuit: vnum dumtaxat extinuit; ne Prouincialis euentum resciret, ac opus interdiceret. At huic timori appositum à Deo remedium prouisum est.

Obijt Toleti sub id tempus Arias Pardus Vir Illustrissimus, Malagoni, aliorumq. oppidorum dominus; cuius vxor D. Luyfia de Cerda, soror Ducis Medinæceli, orbitate illa tantoperè languit, vt ad solatium captandum, B. Virginem Teresiã, cuius fama percrebuerat, à Prouinciali impetrauerit.

Pridie igitur Natalis Christi, anno 1561. præceptum Prouincialis innotuit, & in ipso die faustissimo viam carpere cœpit. Idoneū sanè viaticum Christi vim adepta est: sic enim illam profecturam fuit affatus: Ito prorsus, ne aliorum sententijs pareas: pauci quippe de hac re sine temeritate consilium dare poterunt: perge, tametsi labores perlatura sis; mihi enim rem gratissimam facies. Nam & ad hoc ipsum ædificij opus, donec Apostolicæ literæ referatur, abesse te proculdubio expedit.

Re cum sancti Aegidij Rectore communicata, erecto animo, Ioannis de Oualle comitatu, Toletū venit: vbi in ædibus D. Luyfia, ad pietatis cultum, vniuersæ familiæ mirificè profuit: ibiq. per dies aliquot cum Maria de Iesu, muliere quadam, sanctitate clara, quæ à Deo eodem, quo B. Virgo Tereſia, anno, ac mense simili proposito vocata, distractis facultatibus Romam petierat, & litteras Apostolicas impetrauerat, de ratione condendi Monasteria contulit. Hæc tamen vnum tantummodò Monasterium Archiepiscopo Toletano subiectum Compluti construxit, & meritis locuples è vita migravit.

Mansit ergo B. Virgo Tereſia Toleti, apud D. Luyfiam, per sex menses, quibus Mariam à S. Ioseph, Virginem virtutibus illustrem, quæ postea multis præfuit Monasterijs, sic affecit, vt occasione captata, secū illam abduceret.

A Prouinciale verò copia discedendi facta Abulam reuerti pertinuit: agebatur quippe in Monasterio Incarnationis de

Sup-

Superiore eligenda & in eam vnam Monasterij suffragia conspirabant.

Sed interim, dum timor Virginem remoratur, sic illam Christus hortatus est: Neutiquàm ab itinere supersedeas: quin potius, quandoquidem crucis desiderio teneris, festina; grauis enim tibi crux imminet: ne illam detrectes: perge fortiter, ac statim: ego tibi opitulabor.

Confessarium ergo è Societate Iesu hac de re conuenit, verita, ne crux illa grauis, esset fortasse prælatio: à quo, licet ob temporis inclementiam (æstas quippe vigeat) itineris induciæ permitterentur, cum pacare conscientiam minimè valeret, denique dimittitur. Fuit autem accessus ille festinus, adeò ad extruendi Monasterij rem, vt itinere paululùm dilato omnia (quantùm conijci potest) intercepta fuissent.

Perferuntur literæ Apostolicæ : Episcopus obedientiam admittit : Eucharistia in Monasterio reponitur : quatuor puella induuntur .

Cap. XVII.



ON prælatio veteris, sed noui Monasterij institutio festinationem requirebat : litteræ quippe Apostolicæ, per quas Episcopus Monasterio præficiebatur, eadem, qua B. Virgo Teresa nocte, Abulam peruenerunt : ubi tunc vir ille mirabilis P.F. Petrus de Alcantara Franciscanus, quem Franciscus Salzedo domo exceperat, agebat : qui auctoritate sua apud omnes, & Episcopum præsertim maxima rem promouit : & post dies paucos cumulatissima corona donandus, animam efflauit .

Eousque videlicet dilatus videbatur, vt Virgini adesset : quemadmodum & Ioannes de Oualle, qui Abula recedere cogitabat, repentino morbo correptus, tamdiu iacuit

cuit

cuit, quamdiu opus fuit, vt ipsa illius inuifendi gratia, honestius Monasterio, & frequentius egressa, nouum ædificium vrgeret. D. enim Guiomar Abula excesserat, nec suberat, qui operi instaret. Quapropter statim ac res eò perducta fuit, vt Ioannis opera non requireretur, facete sic B. Virginem Terefiam interpellauit: Eia mater, opus iam non est, vltcrius ægrotem: ac statim non sine stupore conualuit.

Re igitur maturata; impensius Virgo de spirituali ædificio, quàm de materiato sollicita, quatuor Virgines inopes, sola virtutum dote opulentas, Antoniam à Spiritu Sancto, Mariã à Cruce, Vrsulam à Sanctis, Mariam à S. Ioseph, velut quatuor lapides angulares in Monasterij fundamento ponendas elegit: quas 24. Augusti anno 1562. die, qui B. Apostolo Bartholomæo sacer erat, Magister Daza, qui Eucharistiam in Ecclesia recenter dedicata collocauit, lætissimo præfagio induit: ac in hunc modum primum Sanctiss. Patris nostri Ioseph Monasterium conditum est.

B.verò

B. vero Virgo Tereſia quaterno partu,
fœcunda tempus captabat opportunum,
vt in Monafterium Incarnationis reuer-
teretur, in nouum cœptæ reformationis clau-
ſtrum, ex Prouincialis venia reditura.

Quidquid autem in hoc genere attenta-
uit, non ſine nobilium Theologo-
rum cenſura vnquam aggreſſa
fuit: ne quid minùs inculpa-
tè committeret.



LIBER SECVNDVS.

Scopus, quem B. Virgo Tereſia ad Monasteria condenda ſibi propoſuit.

Cap. 1.

NON fuit modèſtiſſima Virginis mens nouam Religionem condere, ſed ſuam inſtaurare; quam obrem eum vitę modum ſelegit, qui ad finem aſſequendum eſſet appoſitiſſimus, vt ex hiſtoria tota liquebit.

Verũ quo grande opus hoc, propoſito grandi tẽliciũs expleret, ſcopũ quendam ſibi tam ſublimem, & cœleſti prudentia dignum præfixit, vt à mulieris ingenio nihil altius potuerit excogitari.

Acceperat prudentiſſima Virgo, cladem funeſtam à Lutheranis Gallię tunc illatam (vt ipſa c. i. in itinere perfectionis expreſſit) & charitatis immenſę incendio conflagrauit: optaſſet quippe millies occumbere vel pro ſalute vnius ex illo infelici numero: nec tamen votum explere valebat. Sed in-

L uento

uento miro diuinitus inspirato, decreuit, crandi studio perenni, ceterisque pijs operibus, quibus institutum cœptæ vitæ contexitur, sic vti, vt pro ijs, qui hæreticorum salutem nauarent operam, doctoribus, concionatoribus, fidei propugnatoribus Deum iugiter interpelleret: vt quæ sexus imparitate in opus virile nequiret incumbere, virili certe animo viros iuaret.

Artificiosè quidem opera suæ gentis expoliuit, & excelsi finis altitudine subuexit. Si enim, vt Angelicus Doctor asseruit, eæ Religiones perfectiores sunt, quæ præter propriam salutis culturam, ea quæ contemplatur in proximos quoque deriuât: necesse est B. Virginis Teresiæ scopum, vltra quæ fœmineum genus ferri nequiuisset, eò perfectionis suum institutum prouexisse, vt altius promoueri non posset. Cum enim pro fide mulieres pugnare non valerent, proximè ad pugnatorum dignitatem, illos iuuandi conatus accessit. Qua ex re maturum certè iudicium ferri possit, quid Teresia à viris, quos condidit, erga fidei hostes fieri vellet, quæ

quæ fœmineos quoque labores in hoc ipsū opus direxit . Profectò strenuos milites optasse, & iugi orandi tenore à Christo impetrasse, ex eius scriptis non leuiter coniscitur .

Non sanè quod nouum sit Teresiæ inuentum, viros contemplationi addictos, exquirendæ proximorum saluti destinare . Constat quippe classicorum historicorum, primæuum Carmeli florem describentium relatu, insignium Sanctorum nostrorū exemplis; Summorum Pontificum formam ex contemplatione, ac spirituali actione compositam apprimè laudantium priuilegijs, institutum Carmeli mira contemplatricis, & actuosæ vitæ varietate ab origine fuisse contentum . Ex quo certè liquet, priscam formam Carmeli integram reuixisse . At enim in eo flore antiquæ formæ renascentis, laus Teresiæ summa fuit, quod ampliore quodam mentis proposito, pristinum institutum exornauerit, & in genere proprio, altiore gradu perfecit .

Ex quo sanè perspicitur, reformationis

huius cultores, non satis instituto suo, Virginisq. proposito facere si dumtaxat contēplentur, seq. ipsos perficere studeant: nisi ad infidelium conuersionem aspirēt, operaque sua in eum scopum peculiari directione colliment.

Primæuam Regulam obseruandam B.

Virgo Tereſia introducit.

Cap. II.



EX primo libri primi capite liquet, quam sit primæua Carmelitarum Regula, quibus temporibus, causisque lenita.

Priscam ergo Regulam, quæ, dum olim Carmelus floreret, exactissime obseruabatur, temporum, & animorum iniuria laxatam, non modò ad primū decorem B. Virgo Tereſia reſtituit, ſed plura non miſſa, ſtudio perfectionis adiecit.

Nam præter votorum, ieiuniorum, verberum, lecti, orationis, frugalitatis, ſilentij

enit

s. d.

reces-

recessus, ruditatis vestium, & aliorum præscriptionum capita, secundo primi libri capite recensita (quæ Fratribus, & Monialibus communia sunt) exercitia, tum spiritua-
lia, tum corporalia muliebri sexui sic at-
temperauit, vt se à Spiritu sancto duci, ijs
præceptionibus facillè demonstrarit.

Quod verò ad reliqua spectat, suauissi-
mo regendi more animos quo volebat, fle-
xit: ita seueritatem lenitati permisit, vt
austeritas non angeret, suauitas non remit-
teret.

Numerum modicum in vnoquoque Mo-
nasterio perscripsit, vt cuiusque mores, &
indigentiam ea, quæ præesset, explorare, cu-
rareque valeret.

Laborem diurnum fœminis vsitatū ita
temperauit, vt à contemplationis studio
corpus lassum animos minimè præpediret.

Lectionis passum opportunū, ipso quo-
que cōmunium laborū tēpore præscripsit.

Mortificationes varias, vt animos à crea-
tis rebus sensim ablaetaret, prudentissimè
docuit.

Puellarum, eum statum expetentium nō opes, sed mores pensitandos dixit: & ingenio pollentes plurimū commendauit.

Arctissimam clausuram præscripsit, & ad cancellos, parentum, & consanguineorum, vel aliorum, quibus iustis de causis sermonis copia fieri deberet, colloquia parcissime permisit.

Orationis, & Sacramentorum frequentiam in morem induxit.

Denique sic omnia moderata est, vt perfectionis Christianæ scholā omnibus ornamentis instructam instituerit. Cuius præscripta, Apostolicarum Pij III. literarū auctoritate edita, à Patribus eiusdem reformationis, auctoritate quoque Apostolica, in Comitijis Compluti celebratis, probata, & à Reuerendiss. D. Cæsare Spetiano Episcopo Nouariensi Nuntio Apostolico, Madriti confirmata, quasi totidem oracula colluntur.

Literæ Apostolicæ datæ 17 Iulij. 1555.

An. 1581.

An. 1585. 20. Octobris.

Su-

Subit animum grauissima perturbationio: postea euanesceat .

Cap. III.

POSTQVAM ergo fausta
cœpta B. Virgo Teresa pers-
pexit, vix lætitiæ vim exul-
tantē cohibere poterat. Chri-
sti promissio expleta, Sanctis-
simi Ioseph titulus Ecclesiæ inditus, qua-
tuor puellæ sanctitate diuites gaudium ex-
aggerebāt: & quasi iugi mentis suspensione
gestiebat .

Hæc hostis infestissimus cum ægrè fer-
ret, subitanea irruptione Virginis animum
(sinente Deo) caligine teterrima obruit.
Erumpunt immoderati motus, timores, du-
bitationes, mœrores .

Succurrit anxietas molestissima, an con-
tra Prouincialis mentem, ac proinde virtute
obedientiæ contempta, opus illud exple-
set; an puellæ illæ austeritatem tantam ef-
sent perlaturę; an victus defuturus; an & ip-

fa

sa egrotans, sine societate aliarum, quibus in Monasterio primo familiarissimè utebatur, esset perseveratura; an dolus hostis esset, qui eam quiete multa fruentem, ac diuinis rebus in claustro commodiore intentam interturbasset. Paulò antè latitiam, postea mœstitiam capere nequibat: omnia Christi blandimenta, & promissa, omnia sapientum responsa, omnia Dei propitij significatio memoria excidere, ac si nunquam concepta fuissent. Quippe in hunc modum fortes animos Deus experitur. Cruciatu certè vnus è totius vitæ grauissimis fuit.

At intra atras nubes has radius quidam diuinus illuxit, quo procella residente, turbinis auctorem internosceret. Meminit antea actę firmitudinis, ac propositi, quo per sudores, & agones Deo famulari cupierat: & quamuis luctam intra se diram pateretur, coram Sacramento viriliter pollicetur, se, quàm diligentissimè posset, enixuram, vt cum Superioris venia, in Monasterium recenter conditum se quantocyùs reciperet: vouetque clausuram.

Sta-

Statim, ac vouit, serenitas lætissima redijt, & hoste cum probro aufugiente, de nuncupato voto gaudium succreuit immensum, quod in posterum nulla aduersitate decreuit.

Mox verò ac euulgatum est, Monasterium fuisse institutum, multiplex Deo laus in Vrbe reddita: sed intra horas paucas tumultu coorto, & primoribus malè ominantibus, ac opinantibus Urbem destruendam, nisi Monasterium dirueretur, intercisa fuit.

Interea Virgo tumultus ignara, proximæ noctis vigilia fessa, voluit à prandio tantillum requiescere; sed ei permissum non fuit: cum enim in Vrbe tota, quod mane illo contigerat, rescitum esset, quæ Monasterio Incarnationis præerat, quasi æstum sedatura per nuntium præcepit, vt confestim ad ipsam reuerteretur.

Vix præceptum audiuit, cum valere iussis quatuor puellis inde nimium afflictis, & Vrsula (vna scilicet è quatuor) eis præposita, Monasterium Incarnationis repetijt: vbi ratione de rebus gestis reddita,

Superior illa aliquantùm deferbuit.

Mittitur verò ad Prouincialem nuntius: accedit Pater ille: vocat Virginem imagine iudicij adeò gaudentem, vt risum continere non posset, sed corripitur, culpæque ab alijs malè affectis exaggerantur. Et cum nihil pro se responderet (sic enim apud se statuerat) à Prouinciali iussa, tam cordatè rem exposuit, vt nec à Prouinciali, nec à Monialibus quidquã vlteriùs obijceretur.

Occasione autem captata, conuenit postea seorsim Prouincialem, & rem totam luculentiùs aperuit: à quo liberaliter habita, promissum accepit, illum noui Monasterij copiam facturum, vt primum ciuitas commota sedaretur.

Exacto triduo (per q̃ Vrbis flagrauit, quasi sæuissimorū hostium obsidione premere-
tur) Gubernator, optimates, Theologi, Iuris prudentes conueniunt, & de re noua, velut de causa inuidiosissima, disceptant: decernuntque ad Vrbis salutem, sublata è loco Eucharistia, Monasteriũ euertere oportere.

Rem

Rem è vestigio fuissent vehementer aggressi, nisi grauissimus P. F. Dominicus Bannes Ordinis S. Dominici, primæ Theologorum cathedræ Salmanticæ postea præles, in medio concilio exurgens, obstitisset, causatus, non esse rem ita vrgendam, debere maturiùs expendi, superesse satis temporis, ad Episcopi iudicium spectare, aliaque non pauca, tam prudenter, suauiterque digesta, vt subitum diruendi Monasterij decretum impedierit.

Feruebat Vrbs: B. Virgo Terefia, & comites operis, multis maledictis proscindebantur; dæmon omnes Urbis angulos percurrebat, vt peiores tragœdias excitaret: ipsa orationis anchoram tenuit, & tametsi, quæ in illam intorquebantur maledicta resciret, nihilo magis angebatur, quàm si ad se minimè pertinerent. Cuius nobilitatis argumentum fuit, faceta illa Epistola, quâ ad D. Guiomar Tauri existentem, postridiè illius concilij, transmisit, postulans campanulam, ac aliquot libros Missales emeret, ac sibi mitteret.

Nihilo feciùs tamen, nonnullis timoris motibus intercalatis agitabatur, verita, ne Monasterio noceretur: & cùm aliquandò sic mœreret, ita clementissimus Deus illam solatus est. *Nonne scis me omnia posse & quid times? certò noueris, Monasterium neutiquam destruendum: quidquid sum pollicitus explebo.*

Vrbs tamen apud Gubernatorem instabat: qui omnia peruia ratus, in Monasterium sancti Ioseph grauitèr venit, quatuor-que puellis iubet, extemplò egrediantur, aliter portas perrumpet. Respondent illæ fortiter B. Virginis Terefiæ generositatem edoctæ, non esse Gubernatoris, sed Prælati sic iubere: proptercà se statim exituras, vbi à Prælato id præciperetur.

Efficax responsum Gubernatorem fregit: quapropter recedit, & amota vi, ad iudicium res tota perfertur. At cum nemo esset, qui Monasterij causam agere vellet; quod Vrbs totà in illud coniurasset: Iulianus de Abula Sacerdos in Vrbe rem vrgerè incipit. Et cum pro Monasterio ad regium Consilium esset appellatum, regiùs à

Cu-

Curia Commissarius Abulam mittitur, qui
vtriusque partis rationes perdiscit.

Cœpta lite, Vrbe pro se, per nuntios,
apud regium tribunal agente, cum Mona-
sterium, nec pecuniam, nec nuntios habe-
ret, Superiore Monasterij Incarnationis in-
stante, ne B. Virgo Tereſia cœptis insiste-
ret, ad vnum Deum (quod suum erat asy-
lū) conuerſa sic orat: Clementissime Deus,
cauſa hæc mea non eſt: tua res agitur: om-
nes mihi refragantur: oportet à te rem to-
tam absolui: qua certè intentissima oratio-
ne, ſic animo conquieuit, ac ſi orbe vniuer-
ſo ſuffragante cauſam obtinuiffet.

*Diū ſeuit pugna: B. Virgo Tereſia in
Monasterium victrix redit: animi
ad Monasterium vehementer
afficiuntur. Cap. IIII.*



IDES orationis enituit: ſtatim
quippe Magiſter Daza, Franci-
ſcus Salzedo, Gonzalus Aranda,
(qui pro Virgine Madritum pe-

tijt)causam velut propriam arripiunt: & cū concilium Vrbis iterum coactum in Monasterij ruinam incumberet, Magister Daza, singulari prudentia & eloquentia animos sedauit: tametsi paulò post recrudescerēt.

Sæuijt, annum dimidium, procella hæc, B. Virgine Teresia, crucem à Christo Toleti prædictam, animosè gestante. Magister verò Daza, ne quatuor illæ tenellæ plantæ in Monasterio S. Ioseph aliquod educationis detrimentum paterentur, Episcopi auctoritate strenuè curauit, quod acceptissimus Deo Virginis animus precibus obtinuit.

Inter fluctus autem hos, vir quidam maiore affectu, quam prudentia, vt animos conciliaret, proposuit, consilium salubre fore, si res hæc tota viris aliquot doctis velut arbitris iudicibus committeretur, & decisioni pareretur: quod B. Virgo Teresia minime probauit. Sed altiore consilio factum, vt P.F. Didacus Iuagnes Ordinis Prædicatorum, qui auctoritate in Vrbe plurimum valebat, eo tempore Abulam veniret: à quo

mul-

multorum animi correcti, & ad meliorem sensum traducti sunt.

Mox verò sub Patris huius discessum, cum Episcopo impensè actum est, vt Prouincialis veniam redeundi ad S. Ioseph Monasterium B. Virgini Teresiæ daret: quod licet tunc impossibile factu videretur, Deo tamen propitio, impetratum est.

Anno igitur 1563. Prouincialis concessu, ad mediam ferè Quadragesimam, non sola, sed quatuor aliæ, Anna à S. Ioanne, Anna ab Angelis, Maria Elisabetha, Elisabetha à S. Paulo, quæ B. Virginis Teresiæ consanguinea erat, in S. Ioseph Monasterium incredibili gratulatione venerunt. Ex quibus certè quatuor, cum Virgo præesse nollet, Annam à S. Ioanne, Monasterio præfecit.

Successu verò temporis Prælatus Virginis prudentiam gubernationi opportunissimam contemplatus, ad curam Monasterij summa omnium lætitia promouit. At penitior alia lætitia successit: nam postquàm sex circiter menses in Monasterio Incarnationis egerat; eo ipso die, quo in Monasteriū

S. Io-

S. Ioseph reuertebatur, dum oraret in templo, antequàm in claustrum ingrederetur, raptu suspensa, Christum ipsam excipientē, & pretiosam capiti coronam imponentem, ac pro labore clementissimæ Cæli Regine causa suscepto gratificantē aspexit: alioque die Reginam ipsam splendidissimam, gloria insignem, candidissima veste Moniales protegentem intuita est.

Cùm ergo res ita compositæ, ac fortunatæ fuissent; Vrbs cœpit à lite desistere: iam enim se causa cecidisse cernebat: ij verò ardentius amarunt, qui proteruius oderant, facile confessi, tot aduersitatum victoriam, signum diuini consilij esse manifestum.

Hinc eleemosynæ multorum millium: hinc multarum Virginum nobilium, stupente mundo, in Monasterium ingressus, inter quas potissimùm enituere neptes duæ B. Virginis Teresiæ, altera D. Maria de Ocã. po, altera D. Maria de Abula, nobilitate, opibus, ac pulchritudine, sed interna forma præsertim commendatæ.

Quamdiù verò B. Virgo Teresia in eo

Mo-

Monasterio mansit (per annos videlicet quinque) P. F. Dominici Bannes Ordinis Prædicatorum consilijs vsa est : nihil enim doctrina, & sanctitate (quæ duo in viro illo splendebant) ei fuit acceptius.

Nonnulla, quæ B. Virgo Teresia in Monasterio egit : initium, unde ducta sunt alia Monasteria : Venia Generalis. Cap V.



X I G V O septa claustro B. Virgo Teresia post exactos mundi turbines, tranquillissimè agebat: paradisus amœnissimus non ei tantum, sed ipsi quoque Christo (vt per visum asseruit) videbatur : nihil mortale, nihil temporaneum animos tredecim (tot enim erant) à iugi rerum diuinarum studio dimouebat. Omnes auitam priscorum Patrum sanctitatē sub tanta ductrice æmulabantur : vniuersarum virtutum inuicta cultura vige-
bat: paupertas Apostolica religiosissimè co-
ebatur : & mira multa narratione digna

N

con-

contigebant, quæ, ne vnus Virginis historiam interfecemus, oportet reticere.

Vnum verò fidei planè firmissimæ argumentum, velut ceterorum eius temporis indicem prodere, rationi consentaneum est.

Emerat B. Virgo aream domui contiguam, vbi erat puteus altus, & turbulentus, vt ne iumentis aqua illa foret haurienda: eam tamen aquæductu in atriolum domus corriuare cogitauit, vt ad potum (sicut aiebat) vsui esset: at ob putei altitudinem fieri non posse videbatur, vt aqua fulco duceretur. Accersuntur periti, & irrident: impensam malè collocandam obijciunt. Conuocat illa sorores, è quibus vna, nempe Maria Baptista, rationem, quam fides, non sæculi prudentia suggererat, sic profert.

Aqua huc al. undè importanda, eiusque pretium à Deo maiore sumptu, nobis omnino prouidendum est: minoris autem illi cōstabit aqua putei ab eo purgata, & domum fulco ducta: hanc ergo è proximo puteo nobis ducet, ac salutarem efficiet.

Efficacissima B. Virgini Teresiæ ratio

vifa

visa est, & contra periti cuiusdam opinionem operi iubet manum admoueri. Sulcus aquæ tantus, tamq. salutaris eductus est, vt omnium degustantiũ sententia (ipsius etiam Episcopi, qui puteum prius explorauerat, & multos postea testes aquæ conciuuit) aliorum fontium aquis præponeretur. Quæ velut inclytæ fidei nomine, aqua sororis Mariæ Baptistæ appellata est: fluxitque, donec temporis processu, Vrbs alium puteũ hortu Monasterij dono dedit: tunc enim vbi aqua naturæ cursu suppetijt, fidei aqua pene fluere cessauit.

Cum ergo B. Virgo Teresia per quadriennium in eo Monasterio lætissimè demorata fuisset, Virginum illarum progressionem admirabatur, & se, velut compeditam, opulentiam illam virtutum heroicarum cum alijs communicare non posse, vt indè animarum multa salus existeret, ægrè ferebat: proptereaque vires suas, & suarum contrahens, pro salute aliorum (qui suus scopus erat) studiosissimè precabatur.

Quintus agebatur annus, cum P. F. Al-

phonfus Maldonatus ex Ordine S. Francisci paulò ante ex India in Hispaniam appulsus Abula transijt, qui cum B. Virginem Tereſiam de innumeris Ethnicorum milibus, quæ in dies peribant, certioſorem feciſſet, ſummo dolore illam perculit.

Hoc ergo ſtimulo percita in vnam è cellulis eremiticis, quas in horto ad orandum extruxerat, ſe abdidit: de tot animarum interitu, graui lachrymarum impetu, apud clementiſſimum Deum cauſam egit: patere ſibi aliquam ſemitam, qua eam ſalutem procuraret, petijt: inſtititque per dies multos, donec nocte quadam, more ſolito, ſic per viſum amantiſſimè dicentem audiuit: paulū expecta filia, & grandia cernes. Quæ ſanè verba cordi tam firmiter impreſſa fuerunt, vt nunquam per eos dies euaneſcerent.

Cogitabat illa, quanam grandia Deus portenderet, nec tamen capere poterat: omninò verò ſperabat; verba exitum ſortitura.

Oportebat certè lucem illam hominum ſaluti natam orbe toto diffundi: tempus in-

ſtabat

stabat: & ecce grauissimus P. F. Ioannes Baptista Rubeus Rauennas Ordinis Generalis (quod illuc usque nunquam acciderat) Abulam ingreditur. Subijt quidam timor, ne fortè cœptum destrueret, cum non ei, sed Episcopo Monasterium illud obedientiam reddidisset. At cum nihil illa in eo genere peccasset, conscientię securitate erecta, non modo non latebras (vt Adę filia) quęsiuit, sed vt Generalis Monasterium inuiferet, operam dedit.

Accessit ille, & B. Virginis Terefię omnia candide narrantis prudentiam, & leporem admiratus, non modò cœpta non improbauit, verum literis (quas Patentes appellant) ad alia Monasteria condenda, quod ei nunquam in mentem venerat, amplissimè fauit, & ne quis Prouincialis obstreperet, seuerè interdixit.

Cū enim priscorū Patrū, quibus Carmelus olim floruit, restitutā ibi disciplinā animaduenteret; optauit potius propagari, & quoties per negotia licuit B. Virg. Terefiā reuisit, & amore singulari prosecutus est.

cacissimis rationibus, quibus aduersa quæque argumēta conuellebat, armatas mittit.

Annuīt Generalis statim, rationibus mirificè flexus : & duo cœnobīa (accedente Prouincialium præsentis, & præcessoris cōsensu) extrui finit : quod licet ægrè Patres illi probaturi viderentur, Episcopo rem urgente, concesserunt.

Gaudium insigniter creuit : quāuis enim necdum Fratres ad arctiorem vitam aspirantes, modumvè auspicandi operis Virgo nosset ; animi tamen magnitudinē omnia sibi prospera pollicebatur : Deumq̃. intensissimè orabat, vnum saltem excitaret, qui rem aggredi posset.

Hæc dum mente pertractat (vt dum de sacrarum Virginum bono cogitat, in virorum primordia, diuinæ prouidentię Męandris duceretur) de Monialium propagatione, tempestiua cogitatio à Deo suggeritur : & Medina de Campo, oppidum scilicet vicinum, & opulentum, primæ colonię aptū videtur.

Erat tunc ibi P. Balthasar Aluarez eius

Confes-

Confessarius, cui per Iulianum de Abula Sacerdotem de Generalis ampla facultate scripsit, ut cum Abbate, qui oppido præest, de loco ad Monasterium designando, emendoque conferret: quod per dies quindecim sedulitate Iuliani, qui domum conduxit, expeditum est.

Scripsit quoque P. F. Antonio de Heredia, Cœnobij Carmelitarum eius oppidi Priori, domum Monasterio idoneam emeret: quod ille meliori ædificio destinatus præstitit.

Binas iam domos, nummum verò ne vnum quidem, B. Virgo Teresa spe diues, habebat: nec verò ad iter arripiendum necessarius suppetebat commeatus. Tunc puella, quæ Abulæ in Monasterium S. Ioseph, quod præscriptus numerus fuisset, expletus, excipi nequiverat, ut nouit Medinæ Monasterium designari, se, ac exiguam, quam habebat pecuniam ad opus obtulit: quam Virgo libenter admisit, & Medinæ inter omnes primam sacra veste donauit.

Rebus ergo ad iter comparatis, è Monasterio S. Ioseph Mariam Baptistam eius ne-

ptem,

ptem, & Annam de Angelis, ex Incarnationis verò Monasterio (e quo quæ vellent, vt Superiores concefferant, ad reformatum transire poterant) D. Agnetem de Tapia, quæ postea Anna de Incarnatione, D. Elisabethâ Ariâ, quæ postea Elisabetha à Cruce, & D. Terefiâ de Quesada secū abduxit.

Mox erat discessura, & relictas Abulæ Virgines mœror obruerat : sed recedendi sensu animi magnitudine simulato, & in vna è cellis horti Monasterio plurimùm Deo commendato, 13. Augusti anno 1567. exacto habitationis quinquennio, Abula cum sex Virginibus, Iuliano, & alijs comitibus discedit.

Discessum latere sedulò curatum est : at fieri nequiuit : & (quod est hominum ingenium) nunc B. Virgo Terefia parum sani capitis, nunc audax, nunc imprudens visa, & indignis nominibus appellata fuit. At illa mentis senectus, nō sæculi prudentia regēda, nec à proposito maledictis absterreda erat.

Ergo ire pergit, & obiter, ecce nuntius profert literas à domino domus Medinæ

per Iulianum conductæ, vbi se ait domum locare non posse, quod Patres Augustiniani loco contigui, quos amabat, id molestè ferrent, ac propterea cunctarentur Abulæ quousque res dirimeretur.

Hoc nuntio ipsa grauius affecta fuit: monuitque silentium, ne Virgines illæ ictibus non assuetæ, animo caderent. Sed re perpensa fortius conualuit, salutem ex aduersitate præfagiens.

Vt vero in oppidum, nomine Arèualum peruentum est, P. F. Dominicum Bannes Dominicanum, qui fortè aderat, accersit, cuius auctoritate rem citò componeret. Res faciliè expedienda illi visa, sed Virgo sollicita noctem duxit insomnem, donec mane Patrum Carmelitarum Prior P. F. Antonius de Heredia eo venit, & animi anxietatē leuauit, aiens, domū, quā ipse emerat, ad ruderē principiū satis esse, habere porticum, quæ tapetibus ornari, & in facellam, vbi Eucharistia reponeretur, dedicatio posset.

Prudenter dixisse visus est, & re collata decernunt, quatuor è sex Virginitibus in op-

ido

pido vicino, cui nomen Villā noua de Arē-
rāl, cuius Ecclesiā præerat Vincentius de
Ahumada, Aghetis à Iesu, & Annæ de Incar
natione frater germanus, per dies aliquot
remanere, donec reuocarentur.

Duabus ergò secum deductis, Vlmeto,
quo in oppido Episcopus Abulensis fortè
agebat, transire constituunt, præterquàm
quod eo itinere obuiam erat locus, vbi mo-
rabatur domina domus illius Medinæ, quā
petebant: quam cum B. Virgo conuenisset,
œconomosup, ut domo exeat, ornet, au-
leā, lecti cortinas damascenas ad rem, ut
postea liquebat, valde opportunas com-
modet, mandata mittit.

*Secundum Monasterium Monialū Me-
dinæ construitur. Cap. VII.*



ESPERI illius diei Vlmetum
perueniunt, vbi Episcopus hu-
maniter exceptam Virginem,
neque cunctari volentem cur-
ru comdato, quò veheretur honestius,

dimittit : eodēque die ad mediā ferē noctem Medinam peruehitur .

Præcucurrerat Iulianus, Patresque Carmelitas de Virginis aduentu, propositoque monuerat : qui ornamenta loci , sacras vestes festinē compararunt . Pertingit Virgo, & ad minorem strepitum , ad Monasterij fores curru descendit : E. vestigio sedulus Carmelitarum Prior vna cum quatuor alijs, Virgines ipsæ loci apparatus humeris exportant .

Clarissima Virgo non segniter instat : quin potius more strenui ducis milites hortantis, & antequā hostes impetum explorent, irruptionem maturantis, omnia mouet, ac incitat . Nox brevis, proximi diei festiuissimi (nempe Assumptionis) præludia, oppidum ea nocte ob tauros agitandos excitatum, obuij multi, qui Sacerdotes sæculares, Religiosos, Mōiales onera gestantes demirati, noctis licentia, parū modeste verbis iocabantur, aliaque multa Virginis animum vexabant .

Omnes ergo domum, vbi iacebat æco-

nomus , agminatim contendunt , & obuia prætereuntium conuicia taciti vincunt : forēs acriter pulsant : exilit lecto œconomus , oblatas literas legit , & obtemperat .

Ingreditur totum agmen in atriolum proximum . Et ecce diruti parietes , tectum vnum non benè factum , solum ruderibus oblitum , parietes , quæ extabant , scabri : indignus certè Sacramento locus visus est . offert œconomus aulæa , & lecti damasceni cortinas , quibus squalidus locus obtegeretur : quo animos magnoperè exhilarauit .

At deerant clauis , & à quibus emerentur : circumspiciunt vetustos parietes , clauos rarò eminentes inueniunt , ac extorquent : aulæis Fratres locum instruere festinant , Moniales terram exportant .

Iam ferè dilucescebat : Vicariusque oppidi conueniendus erat , vt scribam eo destinarèt fidem scripto facturum , Monasterium illud non sine Abbatis venia institui , ne quis obstaret : accurritur ad Vicarium , euocatur scriba , fidem astruit : peristromatis locus honestatur : campanula in altiore

ædium

edum loco suspenditur : & ad primum auroræ splendorem ad sacrum pulsatur .

Tota vicinia frequens confluit, stupetq. nocte vna cœptum, & absolutum Monasterium . Quo se vertant ignari oppidani mirantur, modicoque tempore adest frequentia, quam locus capere nequit .

Opus fuit , Moniales è regione altaris in scalam, quæ sola inter collapsa perstabat, se recipere, vt ostio clauso per rimas sacrum audirent, irrumpentique turbæ cederent .

Sic ergo Monasterium S. Ioseph Medinæ latissimo Assumptionis festo , anno 1667. ad immortalem B. Virginis Teresie laudem conditum est .

Hic verò quibus acclamationibus fortissime Virginis huius nomen celebretur ? Quinquaginta tres annos nata, egra, tentata, ieiuna, infomnis, labori, & oneribus intēta, oppido numerofo rerum ignaro, opus tantum, tam citò, immò prius absolutum, quàm cognitum, prius oppidum illustri victoria, quàm inspectum, quem non admiratione suspendant ?

Cæsar

Cæſar quinto poſt aduentum die, cum Pharnacem Ponti Regem, vno dumtaxat horarum quatuor prælio ſuperaffet, dum triumphum ageret, hoc prodidit inſcriptum: Veni, vidi, vici, quantò verò æquius ſtrenuiſſimæ Virgini Teretiæ hoc quadret inſigne, quæ non quinque, ſed duorum dierum interuallo, antequàm Medinam cerneret (quippe nox erat) non quatuor, ſed duarum horarum periodo venit, & vicit?

Quibus oculis illam Chriſtus intueretur, qui mulierem ſuo cordi congenerem inuenerat? Profecto Salomoni ſciſcitant; Mulierem fortem quis inueniet? fidenter reſpondi queat, Virginem hanc orbe toto clariffimam, viris fortio-
torem euafiſſe.

*Grauis tentatio ingruit: mutatur domus:
reparatur. Cap. VIII.*



VANDAM Abulensis procellæ imaginem dæmon instaurat. Nouo quippe sacello, vbi Eucharistia coleretur, B. Virgo Tereſia mirificè oblectabatur: sed copia tentandi facta, hostis animum illū inuictissimum aggreditur atque perturbat.

Facto enim sacro, domum inspectura Virgo è latebra prodit, ruinam, quam nocte satis nequiuera, explorat: doloreque corripitur, ac timore, ne quis occultus hæreticus, qui ad illius oppidi emporium celeberrimum fortè venisset, Eucharistiæ, quæ sine munimento parietum dereptioni patebat, vllam iniuriam irrogaret.

Excreuit animi mœror, & perturbatio, dæmone aliorum dicta exaggerante, ac rei promouendæ desperationem suggerente: lux cælestis aberat: multiplices importunæ cogitationes de parum prudenti cœpto

(vt tunc apparebat) incurfabant: dubitatio, an à Deo inspiratum rei propositum fuisset, oboriebatur; ac indè, de totius vitæ decursu ambiguitas subibat: ex vna quippe illusione, totam proindè vitam, imposturam quandam esse, conijciebat.

Nec mirum, animum illum illustrissimum repentè sic excæcatum, ac deiectum, vt qui paulò ante ardua contemnebat, cogitatas modò difficultates exhorreat. Mos quippe diuinæ sapientiæ est, eximios sanctitate viros, ne efferantur, interdum derelinquere, vt quid ex se, quid ex diuina fortitudine valeant, internoscant. Profectò enim idem Paulus erat, qui ad Romanos 8. se ne ab Angelis ipsis à charitate Christi separari posse gloriatur, & qui ad Corinthios, Asiæ vexatione, se vitæ quoque tædio deiectum apertè fatetur: at ibi Deus Paulum agebat, hic Paulum propriæ fragilitati permittebat.

Tacuit ergò, & procellam, ne Virgines exanimaret, intra se coercuit: donec vespere P. Balthasar Alvarez è Societate Iesu (de

P quo

quo mentio sæpe facta) quendam alium, qui Virginem inuiferet, destinauit : cuius sermonibus illa vim resumpsit, & cum eo de alia domo coëmenda contulit . Res vrgetur : sed intereà custodes Eucharistię in singulas noctes nō solū assignat; sed præ sollicitudine crebro ipsa expergiscitur, & explorat : lunę quippe luce locum cernere poterat, cum omnia ruinis paterent .

Hebdomada his custodijs exacta, Blasius de Medina, vir planè pius, è domo ampla sua dimidiã partē B. Virgini Teresię cōmodat, donec Monasterium reparetur . Eodemque tempore mulier ingenua D. Helena de Quirōga, quæ vnā cum filia postea in Monasterium spreto sæculo se abdidit, Virginem inuisit, pecuniamque ad extruendū sacellum, & Monialium claustrum (vterat pia) pollicetur . Cum verò P. F. Antonius de Heredia Carmelita rem diligenter vrgeret, intra menses duos, in Monasterium Virgo reuertitur : cui amplas eleemosynas multi erogant, quibus debita dissoluuntur, & ædificiū promouetur .

Inspi-

Inspirauit, per id tempus, clementissimus Deus, nonnullis Virginibus statum illum, quem miræ virtutes ijs, quas in Monasterio Abulensi Vrbs laudabat, simillimæ, optabilem efficiebant: quas & ipsa Virgo admirabatur, & exemplo prouehebat.

Aegrotauit autem aliquandiū ipsa, & aliæ, quas Abula eduxerat, vt nihil ad perfectarum virtutum experimentum desideraretur: patientia nimirum testis omni exceptione maior est.

Vnum hic perspicaciter annotandū videtur, quod Virgini per visum accidit, cum in Malagoni Monasterio posthac extracto Christus præcepit, Monasteriorum foundationes scripto digereret. Cogitabat enim illa, quid sibi vellet silentium Christi, in hoc Medinæ opere, nihil ei iniungentis. cui Christus: quid ultra desideras? An satis non sit, opus illud miraculosum extitisse?

*Agit de condendis Fratribus: offertur ei
Monasterium Vallisoleti: venit
Complutum. Cap. IX.*

NON poterat generosum Virgini-
nis cor, grandibus deditum, grā-
dia non moliri: quapropter de
viris instituendis, exhausta Me-
dinæ difficultate, cogitans, cum P. F. Anto-
nio de Heredia Carmelitarum Priore secre-
tò rem contulit.

Excepit illā alacriter Pater: at cū eum nō
valde firma corporis constitutione ad la-
bores austerioris vitæ perferendos animad-
uerteret, non admodum vrgebat. Subie-
cit Pater, se multò antè de re sua (quod ad
arctiorem disciplinam pertineret) delibera-
se, ac institutum Carthusianorum amplecti
decreuisse: lætata est mirum in modum, &
impensiùs hortata, vt se ipsum arctiore di-
sciplina experiretur.

Morem gessit, & annum integrum ex-
periendo prælusit, Deo quoque labores

alios,

alios, & insectationes immittente, vt lapidē viuum expoliret. Sed accessit nouum gaudiij incitamentum : eo quippe venit Pater alius Carmelita, nomine Fl. Ioannes à Cruce, Salmanticae tunc studijs intentus, cuius probitatem P. F. Antonio laudatam B. Virgo expetiuit. Contulit ergo cum eo de grandi proposito : quod ille auidē amplexus, festinationem requisit : agebat enim de Carthusiano quoque statu deligendo.

Duos ad basim, electos lapides, B. Virgo Teresia nacta, impendiō gauisa est : rem tamen aliquantum procrastinari placebat ; quod P. F. Antonio, quem experiri malebat, non tam fideret, quàm Ioanni, quem summo perē dilexit.

Sub idē verò tempus, quatuor ferē menses, antequàm Medina Malagonum peteret, conuenit illam Iuuenis quidam genere illustris, qui à Deo actus Medinam veniens pollicitus est, donaturum se amplam domum, contiguum viridarium, latamque vineam, si Vallisoleti Monasterium conde-
re vellet. Insistitque, vt quàm citissimē ex-

pedire-

pediretur, possessioque mox iniretur: quā in re sibi, licet tunc ignarus, prudentissime prospexit.

Erat hic D. Bernardinus de Mendoza, filius Comitis Ribadauiæ, fraterq. germanus Abulensis Episcopi: qui Abulæ, antequam B. Virgo Teresa Medinam discederet, de donatione agere cœperat. Cum verò eo tempore D. Maria de Mendoza D. Bernardini soror Vbedam esset migratura, Virginem rogavit, ut secum Complutum usque veniret, utpotè quæ eò alijs de causis omnino esset itura: & obiter scripta (ut mos est) fide, domus Vallisoleti à D. Bernardino donata est.

Complutum ventum est: quò B. Virgo Teresa per illustres D. Leonore Mascaranę precibus acta se contulit, ut Virgines Monasterij, quod ibi Maria de Iesu condiderat, erudiret: quòd ubi per menses duos absoluit, Toletum, ac deinceps Malagonum (ut postmodum dicemus) ad noua lucra discessit.

*Condit Monasterium Malagoni.**Cap. X.*

V A M erat sollicita de gloria Dei amplificanda; tam ipse clementissimus Deus erat intentus Teresiæ disciplinæ propagandæ: duo quippe Monasteria, Vallisoletanum, & Malagonense illam sibi certatim vendicabant.

Pro Malagonensi verò acriter instabat D. Luyfia de Cerda soror Ducis Medinaceli, apud quam Toleti B. Virgo Teresia demorata fuerat, ut i. lib. narratū est. Optabat sanè nobilissimæ illi mulieri obsequi: verum exiguo in oppido redditus admittere oportebat, & respuere cœpit. At re pum Theologis P. præsertim F. Dominico Bannes Dominicano ex more collata, cum Concilij Tridentini redditus probantis decretum laudaretur, multis alim de precibus pulsata consensit.

Rebus igitur pactis, ex Abulæ Monaste-

rio nonnullas Moniales per nuntium euocat:& præfecta Monasterio Medinae Agnetæ à Iesu, secum Annam ab Angelis, Mariam à Sacramento (quæ cum virtutum, ac patientiæ laude Albæ obiit) Mariam Magdalenam, Elisabetham à Iesu, Elisabetham à S.Ioseph secum educens, anno 1568. ad mediam Quadragesimam Medina discedit.

Toletum ego venit, vnde D. Luyfia de Cerda Virginem Malagonum deducit: Monasterioq. nondum coaptato, in oppidi arcem per dies octo secedit: ex qua Dominica Palmarum solemnī supplicatione Moniales in templum deductæ, sacrum, & concionem audiunt; & Eucharistiam comitantes, velis nigris ex more tectæ, oppido mirante, in tertium Monasterium ingrediuntur, quod S.Ioseph titulo insignitum est.

Locus erat incommodus, & studio orationis ob proximæ plateæ strepitum infestus; quapropter alium commodiorem, D. Luyfiæ liberalibus expensis per dies quatuordecim (quamvis architecti annum dimidium interfluxurum censuissent B. Vir-

gine Teresia per orationem, ac laborem (exportabat quippe onera, & cæmentarijs quotidie instabat) rem à Deo impetrante, Moniales transferunt.

Verùm quod intermittendum non est, mox ac Malagonum B. Virgo Teresia peruenit, membris contractis grauissimè affecta fuit; cum verò oportuit illam operi instare, statim conualuit: at opere perfectò (vt Dei prouidentia claresceret) iterum contracta decubuit.

Opus absolutum est, at redditus illi, quibus alia Monasteria carebant, Virginis animum laniabant: etsi enim doctissimorum Theologorum sententiæ paruisset, Apostolicæ tamen paupertatis amor sollicitudinè generabat: & propterea studiosissimè cultum paupertatis condidit, & à redditibus animos alienauit.

Clementissimus verò Deus, vt præstitam viris sapientibus obedientiam, propriæque iudicij abnegationem probaret, sacra synaxi sumpta, die quadam illam solatus est, aiens id Monasterium sibi fore acceptis-

Q

simum

simum: quod ipsa scripto consignauit.

Elapsis verò duobus mensibus, Anna ab Angelis Monasterio præposita, B. Virgo Teresia stimulo amoris plura, & maiora sistentis acta recessit.

Conditur quartum Monasterium Vallisoleti; & domus donatio compensatur. Cap. XI.



VOS circiter menses à domus Vallisoletanæ dono D. Bernardinus de Mendoza Vbeda repentina morte, dum B. Virgo Teresia Compluti esset, interijt: intercepto quippe sermone, vix confessionem sacram absoluit, licet apertissima pœnitentiæ signa exhiberet.

Acer dolor incescit: verita est quippe, ne Iuuenis ille damnatus fuisset, pro quo dum anxie precaretur, sælicem illi sortem contigisse, ac pro dono æternam mercedem obtinuisse, Christus ostendit: subiunxitque animam illam ex igne Purgatorij liberandam,

quo

quo die in Monasterio nouo primum fieret sacrificium.

Vt latum nuntium audiuit, pro immensa qua flagrabat charitate, acerrimo animæ illius cruciatu mentis oculis obuersante, & ad iter extimulâte, conquiescere nequibat.

Quamobrem omisso Toleti, quod extruere cupiebat, Monasterio, cum Abula, Medinaque transisset, quàm celeriter potuit, Vallisoletum peruenit.

Quain re, vt & clementia diuina elucescat, & horror ignis Purgatorij concipiatur, minimè reticendum est, Christum die quadam Virginem orantem, fatis per se sollicitam, ad iter incitasse, vt tempus anteuertere: anima enim illa (vt dixit) seuerè torquebatur.

Secum ergo ducens D. Elisabethâ Ariâ, quam postea Monasterio illi præfecit, Antoniam à Spiritu sancto, Mariam à Cruce, Iulianam à sancta Magdalena, Mariam à Visitatione (Maria verò Baptista post quinque menses accessit) 10. die Augusti 1568. Vallisoletum ingreditur.

Displicuit locus quantumuis amoenus: multi quippe sumptus necessarij forent, & fluuius præterfluens sanitati noceret. At filet, & sedulitate Iuliani de Auila, qui eò ad rem expediendam præcesserat, primo die Dominico, facta per Abbatem Vrbi præsentem copia, ab ipso Iuliano sacrificium offertur: qui cum Eucharistiam Virgini porrigeret, ecstasi raptam cernit.

Cum enim ad Sacramentum sumendum accederet, apparuit Bernardinus lætus, ac splendidus, commissis manibus impensè gratus pro sollicitudine, vt ab igne liberaretur, adhibita: quo certè visu penitissimè (quia præter opinionem) exhilarata fuit: arbitrabatur enim primum sacrificium à Christo prædictum fore illud, quod Monasterio perfectò, primum offerretur.

Posse ergo loco 15. Augusti die, qui est Assumptioni sacratus, Monasterium Cōceptionis B. Mariæ de Carminè erectum est. Verùm loco sanitati infenso, cum penè omnes agrotarent, Illustrissima D. Maria de Mendoza, nobilitate, ac largitione in

pau-

pauperes laudatissima domum eam sibi tradi, alia salubriore donata poposcit : & sumptus multos erogavit.

Meliori igitur consilio domum sancti Blasij (sic enim vocabatur) frequenti supplicatione Moniales deductæ sunt: quæ suauissimum virtutum efflarunt odorem, qui animos Urbis mirificè oblectauit, & Virgines multas ingenuas ad eum statum allexit.

Paucis verò diebus exactis, literæ pro Monasterio condendo, ad Virginem Toletam perferuntur, & præfecta Monasterio Vallisoleti Elisabetha à Cruce, olim Elisabetha Aria, Abulam, inde Toletum festinat.

Quintum Monasterium Toleti conditur. Cap. XII.



VAMVIS itinere cœpto ad Monialium opus B. Virgo Terefiaproperaret; cœnobiam tamē Fratrum mente peruoluens, aliquam in eo genere operam obiter nauauit :

interit

quam

quam ne historiæ seriem obturbemus, in proprium locum reijcere, consultius est.

Erat ergo Toleti ciuis sine liberis opulentus, Martinus Ramirez : qui pium quidpiam suis opibus instituere cupiens, cum morte præreptus nequiret, rem totam fratri germano Alphonso Alvarez mandat. Adstiterat morienti P. Paulus Hernandez è Societate Iesu, qui cum esset B. Virgini deditus, obeuntem monuit, si cuperet quid Deo acceptum efficere, vteretur opportunitate noui Monasterij construendi, quod Deo acceptissimum fore proculdubio sentiendum esset.

Missæ sunt ergo literæ B. Virgini Terefiæ Vallisoletum, vnde Toletum 24. Martij anno 1569. vnà cum Elisabetha à sancto Dominico, & Elisabetha à S. Paulo, quas Abula eduxerat, peruenit, & à D. Luyfia de Cerda excepta est. Verùm ob iniquas conditiones, quas Alphonsus Alvarez ad opus exquirebat, & multos patritios infestos, ipsumq. in primis D. Gomez Tello Giron, qui, cum Archiepiscopus abesset, loco

præerat

præerat, p̄ duos mēses nihil efficere potuit, etsi graues admodū, & illustres viri negotiū procurarent. Molestè rē ferebat, nec re infecta discedere æquū videbatur. At quid ageret, cū secretò quoque Gubernatoris animū ab aduersarijs alienari, rescisset?

Positis ergo curis alijs, nobilissima Virgo in templum ædibus Gubernatoris propinquum se recipit, & per nuntium, vt eam audiat precatur.

Venit ille: & B. Virgo Tereſia pro ſua generoſitate, grauiffima, & modeſtiſſima ſimul libertate, rationibus illum aggreditur.

Homine, inquit doctrina, dignitate, virtute ſublīmi dignum erat, rem hanc Deo glorioſam tueri: & tamen duos meſes exigi, poſtquam ad Urbis bonum huc acceſſi, & nihil in cauſa iuſtiſſima impetrare potui. Durum eſt fanè, Virginibus, vitæ genus auſterum affectantibus, non modò non auxilium porrigi, ſed ab ijs, qui ſæculo libenter indulgent, vehementer obſtari. Meditetur obſecro, quid Chriſto rationem exacturo reſponſurus ſit: ego enim nullam excuſatio-

nem ab homine, qui bono communi prospicere debet, obtendi posse perspicio.

Hæc B. Virgo Tereſia diſertiùs amplificauit, & (vt erat lepore, & energia prædita) ſic illum domuit, vt ſtatim facultatem (licet non quàm amplam ipſa vellet) impertitus fuerit: excepit quippe ille, vt nec redditus, nec fundatorem haberet. At illa, opus ſibi abſoluiffe viſa eſt, cum quatuor tantum haberet aureos: quapropter nec aliam pecuniam contrahere, neque verò modicam illam ſeruare cogitans, duas in agines, & nonnulla leuiſſima ſupellectilia emit: domus verò comparandæ nulla imago ſubibat.

Venerat per id tempus Toletum P. F. Martinus à Cruce ex Ordine ſancti Franciſci, vir pius, qui B. Virgini Tereſiæ addictus erat. Et cum optaret ei præſto eſſe, quâ poſſet, ſub diſceſſum ex Vrbe, mittit Virgini Iuuenem quendam, cognomine Andradam, quem ex ſacris confeſſionibus probauerat, vt obſequia iniuncta ad Monaſterium condendum expediret.

Ha-

Habuit illa gratiam : sed res cum risu ab alijs excepta est : erat enim ille inops, & ad opus vrgendum, vbi auctoritas, & prudentia requirebatur, omnino videbatur ineptus. At Tereſia, quæ hominem à viro religioso commendatum, inutilem eſſe nequire, altiore prudentia ſibi perſuaſerat, illo uti cœpit.

Mandat, vt domum conducat (quod viri graues non valuerant) poſtridieque, ecce Andrada, opportuna domus à ſe conductæ inſperatas clauſes ipſo mane Virgini affert. Perluſtrat illa domum, & cum placeret, ſupelleſtilia, quæ puer vnus omnia exportare poſſet, contra multorum prudentum conſilia, eò iubet inferri.

Monasterium Toletanum demum conditur: difficultates ingruunt: omnia vincuntur. Cap. XIII.



IS ergo peractis, B. Virgo Tereſia apparatus ad ſacrum faciendum exquirat: fabrum lignarium eò ducit; & campanulam, qua,

R dum

dum Eucharistia in altum tollitur, yti mos est(nec enim grandiorē habebat) defert, vt ius nouæ domus exerceat.

Nox illa in somnis acta est: nec nisi cubiculum quoddam, quò per domum exiguā ingrediendum esset, in sacellum dedicari posse cernit.

Sed appetente iam aurora, cū ipsa, comitesque omnia parassent, portam sacelli lateribus obstructā diruere incipiūt. Quod mulierculæ, proximam domum incolentes, parū tempestiuē excitatæ, ac vociferantes ægerrimè ferunt: quæ tamen, & verborum blandimentis, & oblata pecunia, aliisque domus ei reddendæ promisso placantur.

Sub hoc P. F. Ioannes à S. Magdalena P. P. Carmelitarū Prior, vt sacrum faceret, maturè satis accedit: & campanula testibus idoneis accersitis, pulsata, die S. Bonifacij Martyris 14. Maij anno 1569, initur possessio, & Monasterio S. Ioseph titulus inditur.

Hic pro historiæ compendij angustia,

cor-

cordatus quisque pensitare posset, quid Vrbs
tota nouum illud Dei inuentum summo
mane mirata sentiret.

Terruerat animos prædictio quædam
(prognosticum dicunt) fore scilicet, ut eo-
dem die, Vrbs tota terræ hiatu absorbere-
tur; & plurimi sacra se confessione, ac Eu-
charistiæ viatico comparauerant. Quid er-
go, cum sine illa ruina nouum ædificium,
quo ciuitas tota erigi posset, intuerentur, at-
toniti ciues efferrent? Alios sanè pietas,
alios iracommouit.

Succensuit conductæ domus domina: li-
cet enim domum in templum uersam ino-
pina miraretur, iacturam pertimuit: mox
tamen lucri spe lata conualuit. Inter uni-
uersos autem aduersarios, Auditores consi-
lij Archiepiscopi (cum Gubernator, à quo
B. Virgo Teresia facultatem obtinuerat,
tunc abesset) grauissimè excanduerunt,
obiicientes imprudentiæ genus esse, mulier-
culam eis inuitis, Monasterium auspiciari tē-
tasse; acriterque comminati sunt.

Respondet B. Virgo, se facultate integra

instructam, opus cœpisse: quam illi, interdicto in Ecclesia noua, sacrificio, se explorare velle causantes, grauius indignantur, donec res comperta, iā viris illustribus admoniti quiescunt.

Iam ergo sacrae Virgines in Monasterio planè Apostolico, non extrinsecus vexatae latebant; sed extrema intrinsecus inopia laborabant, nocte præsertim, cum frigore premerentur, & præter vnum stragulum, saccos duos, & vestes, quibus tegebantur, nihil haberent. Non ligna, non culinæ instrumenta, non ullus alius apparatus suppetebat: primique diei opiparum conuiuium, paucis halecibus instructum est.

Nocte verò quadam, cum B. Virgo Teresa frigore obrigesceret, aliquo integumento se operiri poposcit: quod festiuissimo risu sorores acceperunt, aientes ipsam omnibus, quotquot in Monasterio essent, stragulis, hoc est earum pallijs obtectam esse: quod certè responsum lepidè illa celebrare solebat.

Ceterum fortasse hic sciscitetur, qui fie-

ri potuerit, vt in Vrbe opibus affluente, vbi præcipuè D. Luyfia de Cerda libentiffimè necessaria prouidiffet, extremam indigentiam Terefia pateretur? Non abs re fic rogat, & miratur: omninò quippe fateri necesse est, non fortuitam inopiam, sed à Deo, ad experimentum illarum Virginum immiffam odoris fuauiffimi fuffitum reddidiffe. Inde enim effectum est, vt nemini, ne illi quidem locupletiffimæ mulieri in mentem veniret, quam tantifaciebat, Virginem frigore, fameq. torqueri.

Inopiæ vero fuccellit larga eleemofynarum erogatio: quæ multo mœrore Virgines paupertatis studiosiffimas affecit: quem vbi B. Virgo Terefia mutatis vultibusprehendit, rogauit quanam causa subeffet? cui illæ: An mœrere non deceat, cum iam inopes non fimus? Mirum est enim quantopere placeret inopia, ipsi potiffimum Virgini, quæ pinguiffimo contemplationis pafu, per eos dies, alebatur.

Alphonfus autem Aluarez (cuius ante meminimus) non modo inopiæ fuccurrit,

sed instaurato Monasterij proposito, iterū de pacto ineundo sic egit; vt B. Virgini Teresiæ ad rem videretur, sacellum Ecclesiæ summum (quam Capellam maiorem appellant) in posteritatis sepulchrum ei permittere. At obstitere multi, aientes, homini non valde illustri honorem illustrioribus tribui solitum, in præclara Vrbe, non debere deferri. Christus verò veræ nobilitatis auctor contra opinatus, per visum sic Virginem monet: Dementaberis ò filia, si mundi legibus obtemperare velis: inspice me à mundo contemptum: an quos mundus extollit, apud me magni erunt? num de vobis ex generis claritate, non verò potius ex virtutum cultu existimatio concipienda?

Consilium ergo B. Virginis Teresiæ, quo mundi leges aspernata est, fuisse diuinum, rei exitus ostendit: multum quippe bono tum animorum, tum corporum profuit: certis Sanctorum festis solemni ritu celebrandis, sacrisque faciendis Alphonti pacto decretis, & ampla domo duodecim aureorum millibus empta.

Vt

Vt primum ergo Monasterium condidit, Annam à Iesu, Elisabetham à S. Ioseph è Malagoni Monasterio; alias verò Abula è Monasterio Incarnationis euocauit: quæ tamen ferè omnes, partim ex morbo, partim ex imparitate virium eò, vnde prodierant, redierunt. Quamobrem Constitutionem edidit, ne qua Monialis ex ordine alio, ne ex ipsis quidem Carmelitanis mitigatis, in posterum reciperetur.

Crescebat mirum in modum austerior noui Monasterij disciplina, & cultus obedientiæ adeò exactè reddebatur, vt oporteret eam, quæ præerat, oculatè, quid præciperet, præmeditari. Quidquid enim vel ioco ab ea moneretur, vel præsagiretur, Virgines illæ tam seriò amplectabantur, vt cum aliquandò prope foueam aquæ plenâ existerent, quædam, id Superiori (vt ad experiendum fieri solet) leuiter iocanti, ac dicenti, quid si iuberem, te demergeres? gratum arbitrata, se confestim demerserit: vt postquàm emerfit, opus fuerit sordidam eluere, vestesque mutare.

Vnum verò , quod ad solatium spectat, præterire non licet. Agente Toleti B. Virgine Tereſia, quædam Monialis morti proxima lætiſſimè obitum expectabat; Virgo verò ab oratione, vbi pro ſælici eius exitu Deum precata fuerat, in egrotæ cellam reuerſa, Chriſtum ad puluini medium extendiſ brachiſ, quaſi morientem ab infeſtatoribus tuiturum (quo habitu B. Gertrudæ moribundæ apparuit) conſpicata, ab eo accepit ex clementia ſua, ſe Moniales omnes ad eū modum, ſub obitum, deſenſurum, ne tentamenta timerent. Quod ſic accipiendum, omnes videlicet ei, quæ tunc obibat, ſimiles, hoc eſt, veras eius inſtituti cultrices ab eo tunc propugnandas, & grauioreſ tentationeſ arcendāſ: quod prouidentia, & equitati diuinæ maximè conſonum eſt.

Hinc B. Virgo Tereſia earum, quæ poſt hac obierunt, mortem contemplata, tranquillitatem miram, quaſi Chriſto præſente, deprehendit.

*Sextum Monasterium conditur
Pastrana. Cap. XIII.*



ROFESTVM Pentecostes erat, à Toleti Monasterio cōdito quindecim diebus elapsis, vbi cum B. Teresia in cœnaculo vnà cum alijs præsura federet, incredibili gaudio, de re peracta gestiens, existimabat se in festo omniū lætissimo diuinis rebus sine interpellatione vacaturam.

Sed pulsantur fores, & adest nuntius à D. Anna de Mendoza Eubuli Principe nobilissima, Principis Ruygomez de Sylua vxore, instante, vt quantocyùs Pastranam Monasterium fundatura migraret. Aegrè nuntium excepit: videbatur enim intemptius, cum Toleti plantarium tenellum, & infestatum eius præsentiam requireret.

Aliùde verò vrgebatur: oportebat quippe tantos Principes habere propitios, vt Regem quoque illorum precibus sibi con-

S

cilia-

ciliaret, ob aduersa multa, quæ cœptis imminebant. Consulit oraculum; Christusq. migrationem sic iniungit: Filia ito prorsus, alia quippe de causa, quæ modò latet, eò destinatis: tecum Regulam, & Constitutiones effer. Hæc vt audiuit, Confessarium ex more conuenit, & re (suppressa reuelatione) proposita, censet ille migrandum: ac propterea secundo Paschatis die Maij 30. anno 1569. præfecta Monasterio Toletano Elisabetha à S. Dominico, duabus secum eductis proficiscitur.

Humanissimè igitur à Principibus excepta, sed tres ibi menses demorata, cum conditiones aliquæ parùm sententia sua salutaris peterentur, re infecta discedere decernit. At cum Principis vxor rem vehementer expeteret, lenita est: Monasteriumque, cui, Domina nostra de Conceptione, nomen indidit, 9. Iulij anno 1569. conditum, & tres aliæ Moniales Abula, & Medina eò vocatæ sunt. Sed quod hic præterea B. Virgo Teresa gessit, loco decreto, cum alijs, quæ ad Fratrum cœnobia spectant, reponetur.

Re-

Reuertitur Toletum , Elifabetham à S. Dominico , vt præsit Pastranę Monasterio mittit, & aliquot alias, vt prudentia monet, diuersis locis temporibusque permutat .

Conditur septimum Monasterium sancti Joseph Salmantice. Cap. XV.



V M B. Virgo Tereſia Toleti ageret, P. Martinus Gutierrez è Societate Ieſu, vir ſanctitate, doctrina, & prudentia inſignis, Collegij Salmaticęſis Rector, per literas monet , è re ſua fore , Monasterium Salmanticę extruere , quod illa iam fuerat meditata : & hoc hortatu iter aggreditur .

Venit autem obiter Abulam, vnde Patri Gutierrez ſcribit, ab Epifcopo Salmaticenſi veniam impetret, qui tunc erat D. Petrus Gonzalez de Mendoza: quem de inſtituto Monialium certioſorem factum facile in ſententiam perduxit .

Conducitur ergo domus cautò , ne res

euulgaretur (semper enim institit, vt nisi re absoluta, nemo propositi conscius esset, ne sibi conflaret inuidiam) Abulaque cum comite dumtaxat vna, Maria à Sacramento, discedit: satiùs enim ei iam videbatur, quàm paucissimas, vsque ad opus nouum perfectum, euocare.

Pecuniam penè nullam, spem ferè immensam secum effert, & Salmanticam in omnium Sanctorum profesto anno 1569. ad meridiem, post longum proximæ noctis iter, & laborem, ingreditur. Tunc ex hospitio ipso Nicolaum Gutierrez mercatorem aliundè sibi notum, vt conductam domum expediat, celerrimè accersit. Obsequitur ille, & ad crepusculum noctis eo se B. Virgo Terefia confert. E Collegio verò Societatis Iesu P. Gutierrez sacrum apparatus ad Ecclesiam instruendam, & aliquot Fratres, qui ei operam nauent, sedulò mittit: summoque mane proximo, possessio initur, sacrum fit, Monasterio S. Ioseph titulus imponitur. Abula, deindè, ac Medina nonnullæ Moniales euocantur, &

Anna

Anna de Incarnatione , quæ Medina venit,
Monasterio præficitur .

Nocte verò illa , quæ omnium Sancto-
rum festum, & proximã defunctorum com-
memorationem intercurrit , in ædibus illis
latis, & malè munitis sola B. Virgo, cum so-
cia, intra cubiculum palea stratum (quæ pri-
ma supellex erat) se modico sōno indulta-
ra recepit . Angebatur metu socia, ne quis
intra domum lateret : funestè, ac diù cam-
panæ pulsabantur : mortis imago, ex proxi-
mo die subibat: dæmon instigabat: quamob-
rẽm B. Virgo Terefia sociam velut atto-
nitam, nescio quid spectantem rogat , quid
intueatur? Respondet illa, vt suam anxietatẽ
proderet : Cogitabam, inquit, Mater,
quid hic sola efficeret , si ego repentè in-
terirem? Tunc illa aliquantũ cogitans
substitit , ob comitalem quippe mor-
bum mortua corpora quæ non timebat,
tamen cogitata nocere cœperant : sed
pro lepore , ac animi sui magnitudine
facetè respondit : soror mea , si hoc ac-
ciderit , tunc quid facto opus sit , medi-

tabor , nunc me somno indulgere sinas .

Domus inepta, & ex proximo fluuio noxia erat : quamobrem post trium annorum decursum, cum Virgo Abulæ existeret, & incommoditas filiarum quasi præsentem malè haberet; pecunia corrasa contra multorum sententiam , molestissimis Augusti ardoribus ardentiore charitate neglectis, cū focia, & comitibus eò ire pergit .

Oportebat noctu iter agere : obscuritas, & viæ asperitas oberant : cumque in hospitium nocte media peruenissent , equum, cui pecuniam , & alia onera imposuerant, abesse conspiciunt: quem vt diluxit, mirabili diuinæ prouidentiae anfractu , puer quidā extra viam iacentem inuenit , rebusque intactis, in hospitium egit .

Nocte verò proxima , B. Virgo Teresia tristiore iactura abfuit : tam densa quippe obscuritas concreuerat , vt comites alij ab alijs sensim gradiendo seiuncti exerrarent .

Ad ingressum ergo cuiusdam oppiduli Pater quidam Virginis comes indiuiduus, monet ibi cum focia subsistat, donec comi-

tes

tes alios aberrantes reuocet , vt simul reliquum iter conficiant . Discedit alios inuestigaturus , & cum perquisitos vellet eò reducere, vbi Virgo remanserat, præ caligine densa nequiuuit . Quamòbrem errabundus, & quò se verteret ignarus , cœpit suspicari illam, quæ non apparebat, præisse: ac iter vrget , donec illi omnes in hospitio sine pretiosissimo thesauro pertingunt. Sed exemplo diuisi, & anxij hac , illac peruestigaturi, recurrunt . Virgines ergo duæ diutissime præ oppidulo illo cunctantes, quod acciderat, facile opinatæ, viam carpere pergunt: & cæcis exploratoribus cum homine quodam rustico , quem quatuor argenteis domo viæ ducem eduxerant , gratulantibus occurrunt .

Vbi Salmanticam peruentum est , rebus difficillimis Virginis prudentia , supra opinionem, facile, breuique compositis, pridie festi S. Michaelis anno 1573. domus incolæ cœpit . Cum verò ad proximum diem celebritas ad sacrum , & concionem indicta fuisset , & immensa pluuia, perfluensque sacellum

cellum spem frustraſſe videretur , proximi diei ſerenitas mira frequentiffimum populum conciuir .

Cœpit igitur odore ſanctitatis domus noua fragrare, multorum affectum permouere, multas puellas nobiles accire : inter quas D. Anna de Solis , poſtea Anna à Trinitate, glorioſè mundū, ac prædigiſe aſpernata fuit . A ſeptimo enim uſque ad decimum ſextum ætatis annū, ex apoſtemate quodam, grauiffimos perpeſſa cruciatus, demū à Medicis brachium ſecundum monita fuerat .

Verò Catharina de Anaia eius conſanguinea, S. Elifabethæ Monialis aſſeueratione inſolita, puellam à Deo perſanandam, non incidendam ait : quod à Chriſto proculdubio acceperat .

Puella ergo incipit multis auſterioris vitæ deſiderijs æſtuare : quod quaſi deliramētum à viris quoque pijs, & prudentibus reſpuebatur : neque enim, vel diem vnum ab eſu carnis poterat abſtinere. At die quadam ſe inſperato robore diuinitus fulciri ſentiēs,

vouet, si fanitas à Deo restituatur, nouo se Monasterio abdituram. Quin, & feruente animo subiungit, se in voti signum, nolle vllis Medicorum remedijs vti: quod sanè præstitit, licet brachium marcescere videretur. Præualente verò fide cœpit sanari sensim, tametsi cauteria duo remanerent.

Hæc illa contemplata, consanguineos vrget, vt copiam ineundi noui status faciant; valere se. Non habetur ei fides; donec nudum brachium spectandū producat. Exhibet igitur fide inuictissima brachium persanatum, neque cauteria vlla cōspiciuntur. Vicit mundum: & statu fælici potita est.

*Conditur Monasterium octauum
Albæ. Cap. XVI.*

FRANCISCVS Velazquez,
& Teresia de Layz nobiles
coniuges, Albæ agentes, apud
B. Virginem Tereciam non
segniter institere, vellet Mo-
nasterio vno illos donare: quod licet mul-

T tis

tis difficultatibus prætexeretur, verbis habitis, ac scriptis, vltro citroque relatis, denique conclusum est. Quam in re licet multa notatu digna contigerint, vnum præsertim exprimendum videtur, quod ad Teresiæ de Layz infantiam quodam prodigio velut obsignatam spectat.

Erat infantula triduana, nec parentibus chara, diem propè integrum sola neglecta fuerat. Tunc mulier eius nutrix vicem commiserata accurrit; & amplexatur, fletuque profuso, sic eam alloquitur. Num filiola mea Christiana non es, alludens ad crudelē eius neglectum. Erigit prodigiosè caput infans, & ait: sum certè (die quippe natali baptismo sacro lustrata fuerat) quod à multis stupentibus auditum fuit: nec postea vsque ad tempus, alijs infantulis solitum verba fecit.

Mater infantis obstupuit, & ardentissimè amare cœpit, passa optare se vitam producere, vt exitum prodigij cernat. Accedente verò eam nuptui tradendi tempore, restitit: vt autem se à Francisco Velazquez

expeti nouit, tametsi neq. virū, neque tā facilis assensus causam nosset, assensū præstitit .

Erant coniuges locupletes, ac nobiles; orbitas displicebat : Teresaque precibus instabat, vt liberos procrearet: Apostolumque Andream plurimū ad fœcunditatem valere monita, illum crebrò pulsabat . Nōcte verò quadam in lecto iacens vocem audivit : Ne liberos cupias, quia damnaberis .

Perculit illam terribilis vox: verū non propterea ab Apostolo interpellando destitit, donec visum latissimum (an vigilans, an dormiens nescit) occurrit . Obuersabatur animo domus cum atrio, cui eminebat ambulatio quædam, sub qua puteus, & prætium latissimo virore, floribusque omnem orbis amoenitatem pulchritudine, atque candore superantibus sparsum: & propè puteum Apostolus Andreas aspectu decorus, & venerabilis admodum, qui Teresiam inuentem mirificè oblectabat, & sic alloquebatur: Meliores sanè filij sunt hi, quàm quos expetis: quo certè visu liberorum desiderium extinctum est.

Vocatur ergo Albam, vt vnà cum Francisco coniuge ibi moretur, nam inde priùs aberat, & domum ab illo fortuitò emptam intuita, eandem prorsus esse, quam per visum Andreas Apostolus indicarat, demirata, in Monasterium deniquè à sacris Virginitibus incolendum donat, quod 25. Ianuarij anno 1571. conditur.

Sic pratum cælesti virore virtutum, quæ nunquam elanguent, & purissimo Virginitatis candore, B. Virgo Terefia exornauit: & coniuges pij locum donis auxerunt, vbi sepulti iacent.

Deductæ sunt eò Moniales Agnes à Iesu, Ioanna à Spiritu sancto, quæ loco præfeta fuit, Guiomâr à Iesu, Maria à Sacramento, Thomafina Baptista,

Maria à S. Francisco, & multa

virtutum æmulatione

certatum est. Biennio

hic à condendis

Mona-

sterijs, Albæ negotio per-

acto, cessatur.

Mo-

*Modus iter agendi, quo B. Virgo Tere-
sia vſa eſt. Cap. XVII.*

RA T mos B. Virgini Tere-
ſiæ viam inituræ, niſi peculia-
ris neceſſitas perurgeret, eas
tantum ſorores ſecum ducere,
quæ impenſius id optarent:
quibus ſuauiſſimis verbis gratias agebat, &
ſacra ſynaxi ſub diſceſſum roborabat.

Ne verò procacibus iuuenum verbis (vt
fieri ſolet) impeterentur, ſi detectæ, aut ino-
piam multam exhibentes, apparerent; ex-
quirebat currus vrbanos, aut lecticas, vel ſi
deſſent, plauſtra benè teſta, veloſque de-
miſſo, cum opus eſſet, loqui præſcribebat.

Efferebat ſecum campanulam, qua ſi-
gnum orationis, & ſilentij æquè ac in ipſo
Monasterio daret, comiteſque omnes, ne
dum orabant oſtreperent, auctoritate, ac
muneribus agebat.

Vt in hoſpitiū peruentum erat, ianuā
præſciebat vnam ex ſororibus: quod ſi ho-
ſpitiū

spitium esset inops, qua poterat stragulis, pannouè rudi prætenso, socias includebat; & qui sacrum faceret, ac sacras confessiones audiret, nunquam deesse, studiosissimè curabat.

Profectò Monasterij perfectam repræsentabat imaginem, in ipsis quoque locis veræ pietatis expertibus: cum tamen rebus diuinis cor adeò gereret intentum; vt nisi socias curaret, quod ad ipsam attinebat, potius diuerticulo aliquo ad animum relaxandum, quàm religionis incitamenti indigeret.

Semper enim Dei præsentiam sublimissimam menti altiùs impressam pertractabat, nec hominum societate, vel solatijs egebat. Omnium tamen laborem, & itineris tædium, arrepta vndecunque diuinorum sermonum occasione, lepidissimè eleuabat.

Et quidem tametsi libentius latuisset (erat enim solitudinis auidissima) Generalis tamen, vt quotquot liceret, Monasteria construeret, iniunxerat: & quod pluris est, Christus ipse itinera persuade-

bat,

bat . Præter eam quippe adhortationem, qua Malagoni Virginem ad Monasteria maturanda impulit , anno quoque 1571. ad medium Februarium sic currentem incitauit . Conare , expende , quale tibi auxilium porrigam : volo coronam hanc pares : antequàm obeas , Virginis ordinem valde prouectum intueberis .

At multi, qui æternum illud incendium, quo eius animus ardebat , vt Christi gloriam amplificaret , ignorabant , & sexum fœmineum (non virilem animum latentem) expendebant , identidem de tot itineribus perperam opinabātur, & obtrectabāt .

Verùm hoc , antequàm Virgo testatissimam mundo sanctitatem exhibuisset , licet non laudari , excusatione tamen aliqua obumbrari potuit : nunc verò illustrissimum sanctitatis , & magnanimitatis exemplar in muliere vna, totus ferè orbis , ab ijs præsertim itineribus laudat, quorum fructus vberimos carpit .

LIBER TERTIVS.

*B. Virgo Tereſia præſcitur Monafterio
Abula mitigato. Cap. I.*



NNO 1571. Abulæ Mo-
naſterio condito, B. Virgo
Tereſia Salmanticam re-
greſſa, Moniales illas indi-
gas admodum ſolata eſt:
vnde Medinam petijt, vt
litem quandam componeret. Vbi cum Pa-
tres mitigati, quibus Monafterium ſuberat,
diuerſè opinarentur; Prouincialis, cuius opi-
nio multis ex capitibus B. Virgini Tereſiæ
probata non fuerat, ſub acribus pœnis (ne-
ſcio quo ſpiritu affatus) illam vnà cum alia,
quam contra ipſius Prouincialis ſententiam
Monafterio, vti ea functione dignam, præ-
fecerat, Medina intra eundem lati præce-
pti diem excedere iubet: quandam aliam
Monialem ſententia ſua ad modicum tem-

pus

pus alijs præponit : ac per annum dimidium Monasterium Superiore vacat .

Obtemperat euestigio obedientiæ deditiſſima Virgo, eodemque die vesp̄eri, quantumvis serum incumberet, temporisq̄ inclemētia (summa quippe hyems erat,) morbi graues, sacrarumque Virginum parentē suam dulcissimam abire ægrē ferentium lachrymæ obstarēt, Albam discedit. Destinauerat autem per id tempus Summus Pontifex Pius V. Ordinum Visitatores, & P.F. Petrus Fernandez ex Dominicanis, vir sanctitate, prudentia, & doctrina celebratus Carmelitanis Visitator obtigerat : qui tametsi B. Virginem Teresiam ex fama nosset, visam tamen impotenter amauit, & non quasi mulierem, sed tanquam virum fortē commendauit. Patri quippe F. Dominico Bannes Dominicano sic aliquando facetè respondit : Acceperam Teresiam fœminam esse, at vir bene barbatus est, virilem scilicet animum, & mores eò tropo significans . Qui tanti eam in posterum fecit, vt cum viros graues illi, die quadam, detra-

Alij respon-
sum hoc Pa-
tri F. Ioan-
ni Salinas
Prouincia-
li Domini-
cano tribu-
unt

V hentes

hentes audiret : Non inquit , hoc feram : quod si obrectare pergatis , abscedam .

Pater hic planè grauiſſimus , cum Medi-
næ Patres Carmelitas viſitaſſet , & parùm
liberales erga Virginem comperiſſet , Abu-
lam venit , & Virginem ſuffragijs Monialiũ
Medinæ Monasterio , à quo eiecta fuerat ,
præponit : vbi tres duntaxat menſes præfuit .

Idem quippe Viſitator , Incarnationis
Monasterio mitigato illã præſecturus Abu-
lam reuocauit : quod ægerrimè tulit . Cum
enim in nouos fœtus ſuos alendos incum-
beret , ad diſciplinam leniorem elimandam ,
nouo labore , alieniore , ac moleſtiore re-
trahi durum fanè videbatur .

At à Chriſto ſic extimulatur . Orabat
illa in eremitica cella pro Fratre quodam
ſuo ad ſalutis diſcrimen adducto , & ſic cõ-
queſta eſt : Profectò Domine , ſi fratrem
quempiam tuum in hæc pericula coniectũ
intuerer , quiduis arduum pro eo liberando
ſtatim adorirer . Cepit illam Chriſtus ar-
gumento ſuo argutè reuictam : Fratres mei
ſunt , ò filia , animi , qui in Monasterio Incar-

natio-

nationis agunt, & tamen tu eò ire, ac salutis eorum curam gerere cunctaris. Nunc ergo aude: expende rem mihi gratam te facturam: nec tam esse arduam, quam existimas: & hoc ipso Monasterijs mitigatis, & ipsis recentibus, quorum iacturam pertimescis, maius bonum accessurum: ne provinciam recules, omnia quippe possum.

His hortationibus erecta, Visitatori expeditè obtemperavit, & post quatrimum in Monasterio S. Ioseph. (licet iam idem antè vouisset) ne quid ex Monasterio mitigato, quò ibat, hæreret, his verbis conceptis, quibusuis regulæ mitigationibus per Summos Pontifices indultis ritè renunciavit.

Ego Tereſia à Iesu Monialis Dominae nostræ de Carmine in Monasterio Incarnationis olim professa, nunc verò in Monasterio sancti Ioseph, Abulæ degens, vbi regula primæua obseruatur, quam Reuerendissimi P. Ioannis Baptistæ concessu, hucusque obseruavi, & vt vbique (tametsi ad Incarnationem à Superioribus reuocarer) obseruarem impetraui, profiteor meum ani-

munum esse , per totius vitæ cursum in hoc proposito persistere , ac ita voueo ; mitigationibus vniuersis , quas Summi Pontifices indulserunt , nuntium remitto . Deoque fauente , ad mortem vsque sic perseverare decerno : ac ita subscribo 13. Iulij 1571. Tere-
sia à Iesu Carmelitana .

Professionem hanc P. Visitator admisit , & à Monasterio Incarnationis exemptam recenti Salmanticæ Monasterio inter reli-
quas (quas appellant conuentuales) ascrip-
sit , tametsi Monasterio Incarnationis Vi-
sitatoris ipsius , & Patrum Carmelitarum
suffragijs creata præesset .

Ducitur ergo ad Monasterium mitiga-
tum , vbi mirum dictum est , quantum fuerit
excitatum incendium . Nonnullæ ex mo-
destioribus obtemperant , aliæ validè relu-
ctantur , vocem extollunt , conqueruntur , à
viris Urbis nobilibus adiutæ reclamant :
Prouincialis verò , qui Virginem deduxe-
rat , Monialibus in Chorum conuocatis , le-
cto præcepto , animos compescit .

Incendiū sensim deferbuit , & cana Vir-

ginis

ginis prudentia sic animos infestiores, temporis processu, sibi conciliauit; vt cum accessus non omnibus placuisset, instantis discessus omnes pœniteret.

Laborabat victus penuria, & animorum tepore Monasterium, & (quod olim domui Laban ob Iacob, & Putipharis ob Ioseph accidit) bonorum cœlestium, & familiarum copia ob Virginem præsentem affluxit.

Gen. 30.
Gen. 39.

Vt primùm verò Monasterij curam suscepit, Beatissimæ Virginis imaginem, in ea chori sede, quæ Superioribus decreta est, collocavit: quod acceptissimum sibi fuisse Cæli Regina, latissimo visu, domus fœlicitatem pollicita, demonstravit. Pridie quippe festi clarissimi Martyris Sebastiani, dum Antiphona (Salve Regina) in choro cani inciperet, in sedem ipsam, vbi posuerat imaginem, clementissimam Cæli Reginam plurimorum Angelorum comitatu septam è cælo labentem, atque in sede quiescentem vidit. Angelos sedium aliarum capitibus incumbentes, & velut spectaculo miro intentos conspexit. Vbi Cæli Regina dul-

cif.

cissimo sermone sic Tereſiam affata eſt: Rectè egifti, dum in ſede hac me collocati. Ego ſanè interero laudibus, quæ Filio meo hic reddentur, eaſque illi ego ipſa offeram: & hac certè ope munita ad arduum gubernationis opus animum erexit.

Etiſi verò noua hæc adminiſtratio curam, & ſollicitudinem multam ad ruinarū inſtaurationem exigeret; animus tamen ille Apoſtolicus omnia ex eo clauſtro loca perlustra- bat, omnibus proſpiciebat, omnia foecundabat.

*Nouum Monasterium S. Ioseph
Segobiae conditur: Monasteriū
Paſtranae deſeritur. Cap. II.*



OST annos illius adminiſtrationis duos, flagitantibus Sal-
manticæ Monialibus, quas
multæ incommoditates obſi-
debant, P. Viſitatoris iuſſu eò
migravit: ubi cum oraret, Chriſtus præce-
pit, Segobiam commearet.

Res

Res penè inaccessa videbatur: scribit tamen P. Visitatori, qui tametsi diuersè censuisset, literis lectis statim annuit. Et Episcopi Segobiensis D. Didaci Couarruias facultate impetrata, domoque conductâ, mense Martio, Elisabetham à Iesu, & Mariam à Iesu Segobienses secum abducens, Alba, Abulaque pertransiens, vndè duas alias euocauit, Segobiam, pridie quàm Monasterium conderet, ingreditur.

Die igitur, qui sanctissimo P. nostro Ioseph sacer est, anno 1573. primo sacro factò, & Eucharistia ibi reposita, Sanctique nomine indito, Monasterium erectum est.

Aberat Episcopus, & Vicarius rerum ignarus, vt quæ contigerant, rescivit, vehementer excanduit. Festinat, & Sacerdotè, qui fortuitò sacrificabat, obiurgat. Iulianus de Auila indiuiduus B. Virginis Teresiæ comes sub scalam se abdit, irritamentum iræ subtracturus. Patrem demùm F. Ioannem à Cruce, qui eò cum B. Virgine Teresia venerat, iratus increpuit: quem (nisi per sacros canones exemptus foret) in

car-

carcerem proculdubio detrudi iussisset. At interdicat locum, & Sacerdotem, qui Sacramentum absumat, quantocyùs mittit.

Monet B. Virgo Tereſia Rectorem è Societate Ieſu, qui Vicarium, implacabilè offendit. Accedunt primores aliqui, & aliquantum miteſcit, aiens, velle ſibi teſtes facultatis ab Epifcopo obtentæ produci: quo denique conquieſcit, ſed Sacramentum ibi aſſeruari vetat.

Sedata ergo procella, Iulianum de Aui-la, & Antonium Gaytan, itineris comites modeſtiſſimos, & fidiſſimos Paſtranam B. Virgo Tereſia deſtinat, vt omnes indè Moniales Segobiam deducant. Erat quippe Monasterium illud laxitatis periculo obnoxium, ob Principum licentiam, quibus inſtantibus ægrè repugnari poſſet: & alto mundi deſpectu ſæculi legibus parere nollens, liberrimè Monasterium deſeruit.

Vt ergo Paſtranam peruentum eſt, vnus è duobus Sacerdotibus Sacramentum ſumit, & captato noctis mediæ tempore, plauſtris in loco tuto aduentum præſtolan-

tibus

tibus Moniales loco deserto recedunt, & Segobiam peruectæ latissimè excipiuntur.

Annum dimidium ibi demorata, toti Vrbi summoperè profuit. Virtutis decor animos cepit: puellas multas ingenuas, quarum dotibus breui propria domus empta, & instructa est, suauissimè allexit.

Cum verò paucissimi dies, ad curæ quæ in Monasterio Incarnationis susceperat, tēpus explendum superessent; licet ægrè proficisceretur, Elisabetha tamen à S. Dominico, quæ Pastranæ præfuerat, Segobiæ præfecta, Abulam discedens, curam loci mitigati deponit: & Monasterio S. Ioseph, multa gratulatione præponitur.

*Conditur Monasterium decimum oppidi
Véas. Cap. III.*



INTERIM dum B. Virgo Tereſia adhuc Monasterio Incarnationis præpoſita, Salmaticæ verfabatur, D. Catharina Godinez, ex oppido Véas,

X quod

quod ad Baticæ confinia situm est enixe postulavit, eò contenderet, ut Monasteriū institueret.

Res difficillima visa est: at ne antiquo Generalis præcepto, quod animo hæserat, reniti videretur, P. Visitatori easdem literas, quas ea de re acceperat, mittit.

Respondet tam pijs votis annuendum esse, at scriberet, se post obtentam ordinarij veniam ituram, quod Visitator desperabat; alioqui fortasse non assensurus: sed venia obtenta est.

Prodigiosa multa contingere, quæ à suo sunt ducenda principio. Erat in oppido vir perillustis Sancier Rodoriguez de Sándoual, cui vxor D. Catharina Godinez, ex qua suscepit filias duas D. Catharinam Godinez, & D. Mariam de Sandoual, quæ Monasterium instituerunt.

D. Catharina ergo, quæ natu maior erat, quatuordecim annos agens, mundo additissima (quæ quantamvis nobilitatem, ac opulentiam, velut imparem sibi aspernaretur) quo tempore pater eam nuptui trade-

re parabat, die quadam, præter spem, crucis è qua effigies Christi pendeat, titulum legens, & effigiem contuens, adeò vehemēter commota fuit, vt momento penè vno, vanitatem exueret, nouam Christi formam indueret.

Lux mentis clarissima, penitissima propria fragilitatis cognitio, ardentissimum patiendi desiderium, humilitas altissima, sui que tædium intimum vno velut agmine, vno cōmisu extiterunt. Eodē calore castitatem, & paupertatem diuinitus impulsa voluit, & obedientiæ amor tantus erupit, vt libentissimè ad Saracenos se pateretur abduci, modò posset ibi aliorū voluntati parere.

His motibus diuinis, vno partu editis, cū illa agitaretur, strepitus, loci tremores, mugitus supra cubiculum, vbi latebat, paulò minus, domum labefactarunt, vt non abs re pater in proximo cubiculo terreretur: dæmones enim subitam illius cordis mutationem ferre nequibant.

Ex eo die faustissimo, per triennium statis horis, orationi vacare, corpus quā seue-

rè poterat, affligere, vultum aqua perfusum soli expositum deformare, & sublimem mundi contemptum præferre curauit.

Impresserat eo momento Deus animo illi ardentissimum status monastici desiderium: at incassum à parentibus consensum expetebat. Exactis ergo annis tribus, die quadam insperata, ne quis prohiberet, vestem modestissimam die sanctissimi P. nostri Ioseph induta petijt Ecclesiam, & per quadriennium asperissime carnem maceravit: vt aliquando lorica ferrea, pro subucula puella fortis vteretur: & crebro in oratione pernoctaret, cum ea quies, per diem, interdiceretur.

Post hæc quoque clementissimus Deus, vt opus illud suum absolueret, morbos grauissimos, comitiālem, hydropem, febrem perennem, carbunculum, & alias affectiones molestissimas immisit, quæ per septēdecim annos, paucorum dierum inducias permiserunt.

Quinquennio verò à primis morbis elapso, pater obiit, mater (vt erat pia) ad mundi

despe-

despectum, copiam latissimam fecit, vt spreta nobilitate, puellas inopes educaret. Interijt autem, & mater.

D. Catharina ergo de statu monastico ferio agit, & per annos quatuor, vt veniam Monasterij condendi ab ordinum consilio impetret, luctatur: cum tamen hectica febre laboraret, phthifica, & hydropica esset, & hepatis incredibili ardore, arthritide, & ischiade affecta per annos octo, in lecto, ne vertere se, quò vellet, potuisset.

Irridetur propositū à consanguineis, aie-
tibus à nullo Monasterio mulierem grauissimè ægotantem admissum iri.

Respondet fortissimè, si Deo propitio, intra mensem conualeo, perspicietis certè, quod expeto, Deo probari: Monasterium extruatur: ego ipsa in regiam curiam, veniā obtentura, contendam. Orat ergo impensissimè, vt Deus, vel Monasterij desiderium, vel morbos extinguat. Audit interiùs, certò sperandum se, quò dixit ituram: & ante mensem expletum, pridie festi S. Sebastiani, subito tremore, quo animam efflare vi-

deba-

debatur, correpta, ferè temporis puncto (mirum sanè dictu) perfectissimè conualuit.

Vt autem in curiam peruenit, cum per menses tres nihil à consilio impetrasset, supplici libello Regem ad sua vota perduxit.

Reuersa iterum ægrotat, vt res desperanda videretur: iterum orat, vt aut vota, aut morbi expungantur, & vocem intrinsecùs audit: crede, ac spera: omnia possum: & alia quibus cor erectum est, literasque B. Virgini Teresiæ mittit.

Festinat illa, Abula, Toletoque transiēs, & aliquot Moniales educens, eò ire pergit.

Sed cum graui estuans febre Malagono in oppidum Vèas se conferret, quo pacto, inquit, Domine (Deum quippe orabat) estū hunc ferre potero? & extemplò ad præsensissimum Dei auxilium constanti fide postulatum febris euanuit.

Vt verò domum D. Catharinę, ac fororiseius, quam idem Monasterij tenebat desiderium, ventum est; dici nequit, quàm lætę gratulationes, quot gaudia concreuerint. Tunc enim D. Catharina eam Religionem

audivit.

avidiffimè ſpectauit, quam ante annos multos per viſum cognitam ardentè amaue-
rat.

Die igitur S. Apoſtoli Matthiæ, anno 1574. Monafterium S. Ioseph de Saluatore erectum eſt. Duę ſorores (opibus Monasterio ſic donatis, vt tametſi admitti nol-
lent, eas minimè repetere poſſent) eodem die indutę : altera Catharina à Ieſu, altera natu minor Maria à Ieſu nuncupata eſt :

Catharina vegeta iam, & valida inter eas (quas laicas, ſeu conuerſas vocant) recenſeri maluiſſet, ſed à B. Virgine Tereſia correpta fuit : & poſthac dum præeſſet illi loco, ſan-
ctitate clara è vita migravit.

Monasterio ergo recenſerè inſtituto

Annam à Ieſu B. Virgo Tere-

ſia præfecit, & opus mi-
rum abſoluit.

*Conduntur duo cœnobia Fratrum Man-
Zera, ac Pastrana. Cap. IIII.*



VM structura hæc, architec-
tonica B. Virginis Teresię ar-
te confurgens, sexu constet
vtrouque, & res ipsę mutuò
consertę, non possint in sedes
longè separatas abduci, quamuis animus ef-
fet, Fratrum cœnobia Monialium Mona-
sterijs non intercalare, historię potiùs per-
spicuitati seruiendum est.

Illud verò in primis ponendum, ab ea-
dem Virgine Fratrum quoque fuisse funda-
ta primordia, quemadmodum è cap. 6 ac 9.
secundi libri, vbi duos Patres excitauit, per-
spici potest.

Cum ergo Medinæ agens P. F. Antoniũ
de Heredia, postea F. Antonium à Iesu, &
P. F. Ioannem à Cruce suscitasset, anxie
Deum orabat, loca opportuna principijs
prouideret: & anno 1568. antequàm Valli-
soletum peteret: cum esset Abulæ vir illu-

stris

stris D. Raphael de Abula Mexia, qui Fratrum cœnobia parari cognouerat, B. Virgini Teresiæ exiguam domum in oppido Duruelo Abulæ vicino, promittit.

Excepit rem exiguam libenter: & Medinam tendens locum inopem, tribus, quatuorue cubiculis breuibus discretum obiter explorat: ex quibus vnum sacello, alterum choro, aliud cœnaculo, aliud denique cellis assignat.

Vt vero Medinam venit, cum P. Antonio de ineundo nouo statu agit. Annuat lubens ille; Patrem verò F. Ioannem à Cruce secum Vallisoletum ducit: interimque dum domuncula instruitur, de Monialium disciplina illum viæ comitem disertè certiore facit, ac monet, vt eandem in virorum cœtibus accuratissimo culturæ genere serat.

Veniam verò à duobus Prouincialibus (quod Generalis iusserat) ad nouum incœptum, victis plerisque difficultatibus, impetrat. Rebus ergo maturatis, P. F. Ioannem à Cruce, vt filium primogenitum, in oppidulum Duruelum præmittit, vbi fide ac lē-

titia incredibili domunculam instruit : mitioreque antea actæ vitæ veste posita, rudiorum Discalceatorum vestem induit : quam usque ad supremum halitum gestare decernit. Mox P. F. Antonius prælationi suæ (erat enim Carmelitarum Medinæ Prior) renuntians, latus in nouum cœnobium venit, vestemque permutat : atque ideo uterque regulam primæuam se obseruaturum vouet. In hunc ergo modum, primū virorum cœnobium conditur, vbi B. Virginis Teresiæ auspicijs, tertia Dominica Aduentus 1568: primum sacrum factum est.

Ex eo verò loco exiguo, ac nimis incommodo, vbi aliquandiū orationi, ac austeriori disciplinæ, cum proximorum bono minime vulgari, duo Patres institere, Manzeram, oppidū scilicet propinquum commigrant, vbi D. Luysius de Toletus, Ecclesiam cum Beatissimæ Virginis imagine pulcherrima, e Flandria eò perlata dono dedit. Atque ita Duruelo relicto, Manzeræ cœnobium conditum est.

At deerat aqua : de quo cum P. F. Anto-

nus

nus à Iesu Prior in clauſtro cum Fratribus ageret, baculo, quem manu tenebat, terræ illiſo, ait: effodite hic terram: & inde aquam copioſam, & ſalutarem hauerunt.

Anno autem 1369. cum B. Virgo Tereſia Paſtranam, ad Monafterium (de quo ſuperius egimus) inſtruendum peteret, Madrito tranſiens, à D. Leonora Maſcarenas in Monafterio Ordinis ſancti Franciſci excepta, accepit, aſſeſſe Eremitam quendam, natione Italum, virum doctum, ac prudentē, nomine Marianum à ſancto Benedicto, ac Fratrem quendam eius comitem, cui nomen Ioannes à Miſeria, qui in Eremo Tardon Hiſpali vicino commorati, cum illud inſtitutum à Concilio Tridentino interdiceretur, Romam, vt veniam, ibi perſiſtendi obtinerent, iter facere decreuerant.

Conuenit igitur P. F. Marianum B. Virgo Tereſia, regulaque, & Conſtitutionibus oſtenſis, efficaciter rationibus conuiſtum, conſilio mutato, locum à Principe Ruygomez Paſtranae ad cellas Eremiticas illi Patri donatum, cœnobio deſtinat: & duo-

rum Prouincialium Carmelitarum consensu impetrato , P. F. Antonium à Iesu Manzera euocat , vt operi nouo lætus interfit .

Tunc ergo à P. F. Balthasare à Iesu (qui erat è mitigatis, & vt cœnobij propositum cognouit, sponte sua Pastranam venerat, vt nouum institutum arriperet quod statim præstitit) F. Marianus, & F. Ioannes, vt Fratres laici induuntur : neque enim P. F. Marianus , vt altiora cogitaret , induci potuit , donec temporis excursu à Superioribus coactus fuit . Ac ita & Conuentus Fratrum, & noui fœtus, dum B. Virgo Teresa in eodem oppido Monialium Monasterio erigendo vacat, Pastranæ dedicantur.

Cœnobia hæc duo fœcundissima fuere; modicoque tempore interlapso , Patres aliquot doctrina, & prudētia clari nouum institutum illustrarunt: quo in agmine

P. F. Hieronymus à Matre Dei, P.

F. Ioannes à Iesu, P. F. Gre-

gorius Naziāzenus,

cū laude recen-

sentur .

Con-

*Conditur Hispali undecimum Mo-
nasterium S. Ioseph. Cap. V.*

NO. V Agens Prælato proprio ca-
rebat, Patribusque mitigatis ob-
temperabat: Deique consilio, P.
F. Hieronymus à Matre Dei,
quæ nuper meminimus, licet non valde an-
tiquus instituti Monastici cultor, doctrina
tamen, & alijs dotibus insignis, Patribus
Carmelitis Beticæ Prouinciæ Commissa-
rius, & Visitator Apostolicus decernitur.
Qui cum B. Virginem Teresiam in oppido
Véas existentem inuiseret, ex eo loco à
Nuntio Apostolico accersitus, eisdem Pa-
tribus Prouinciæ Castellæ Visitator quo-
que præficitur.

Antè verò quàm Nuntium adiret, B.
Virginem Teresiam, vt Hispali Monaste-
rium conderet, rogauit, hoc à se postulātū,
cleemosynas affuturas, Archiepiscopū fau-
tutum causatus: cui (etsi non admodum id
antèa probasset) vt morem gereret, annuit:

& ob

& ob æstum proximum, profectionem maturavit. Ille igitur Madritum, B. Virgo Tereſia cum ſex Monialibus virtutum teſtimonio laudatis, quæ futuras aduerſitates eſſent exhauſtura, vnà cum P. F. Gregorio Nazianzeno, qui in oppido Vêas à P. F. Hieronymo indutus fuerat, & alijs itineris comitibus Hiſpalim migrat.

Plurima; & moleſtiſſima incommoda obiter ingruerunt, quibus patientia reſplenduit: Hiſpalimque triduò ante feſtum Trinitatis pertigerunt, vbi P. F. Marianus domum conduxerat: verùm negotium non ita conſeſtim abſolui potuit, quàm B. Virgo Tereſia exiſtimauerat.

Nolebat quippe Archiepiſcopus Monasteria ſine redditibus erigi; quod illa ægrè audiebat. Vrgebatur tamen à P. F. Mariano res, qui Antiſtitem precum improbitate flexit: ac ita, vt ſacrum fieret ipſa Trinitatis Dominica 29. Maij 1575. conceſſit: nomenque S. Joſeph, in ita loci poſſeſſione loco impoſitum eſt.

Parce Archiepiſcopus D. Chriſtophorus

Roxas

Roxas veniam impertitus fuerat: sed (P. F. Mariano constanter instante) mox ac B. Virginem Tereſſam inuiſit, & eius prudentiam, ac leporem agnouit, quidquid vellet, ſe præſtiturum liberaliter pollicitus eſt.

Gravia perſert B. Virgo Tereſſa: & ante diſceſſum Montales bene collocat.

Cap. VI.



MIRVM eſt, Hiſpalim Urbem opulentiffimam, vnde Indicum aurum Europa tota mituat, ſolis Virginibus Apoſtolicis, diuino conſilio, ſe inopem exhibuiſſe: vix enim alibi tam inauditarerum inopia laboratum eſt. Subeunt, morbi taedia, ſiniſtra opinionēs, neglectus, aliaque acerrima experientia, quibus illud ſynceriſſimum virtutis aurum frequenter ictum eſt hituio. Interalia quippe tentamenta puella quædam ſanctitatis opinione celebris Monasterium ingreſſa, & quod mores diuerſos didiciſſet,

cillet, ad meliorem eruditionem obdurata, omnes Virgines illas grauitè afflixit, donec disciplinæ impatiens, loco cedens, inculpatum Monasterium in boni nominis discrimen, præiudicata sanctimonia sua, vocauit. At opitulante Deo, veritas compressa, oppressa non fuit.

Quin etiam eò multorum licentia debacchata est, vt innoxiam Virginem sacro Inquisitionis senatui denuntiarent: at testibus productis integritas vitæ præualuit.

Ipse quoque clementissimus Deus, qui Virginem amantissimè solari consueuerat, arcano cōsilio, eam hic velut oblitus interarescere pusillanimum, exanimem, ac à se longè alienam finebat.

Longum fanè tempus à mense Maio ad Quadragesimā proximi anni procurrerat, & penè nihil commoditatis, vel auxiliij suppetebat: tempus discessus instabat, solitum ergo asylum orandi validissimè repetens, sic dicte quadam Deum dicentem audiuit: Iam vos exaudiui: mihi fidē habete: quibus fanè verbis rē totā absoluisse sibi visa est.

Eò

Eò verò per id tempus appulerat ex India Occidentali Laurentius Cepèda B. Virginis. Terefiæ germanus frater, qui follicite ac liberaliter ei, multis sumptibus præstò fuit. Domus exquisita est: frequentissima Urbis supplicatione, Eucharistia ex alio tēplo, eò illata Archiepiscopus ipse amplissimo loci ornatu sacrum fecit, 3. Iunij 1576. & locus festiuiffimè dedicatus est.

Accidit res mira: multi turbines ignei, ex more festorum percrepabant: & cū puluis sulphureus, quem quidam inopinus ferebat, ignem repentinum, nescio vnde, concepisset (præterquàm quod mirum fuit, illum igne correptum non interimì) ignis flāma in altum eleuata fornices clauſtri aduſtos, ac nigros, fericū quo tegebantur, quod leuiſſima flammula conſumpſiſſet, illæſum, nitidumque reliquit.

Monialibus ergo honeſtiùs, & commodiùs collocatis, B. Virgo Tereſia, ne proximo eſtu malè afficeretur, Marià à S. Joſeph Monasterio præpoſita ſūmo cū Virg. illarū mœrore, ad labores nouos Hiſpali diſcedit.

*Conditur duodecim Monasterium
Carauàca. Cap. VII.*



Catharina de Otolora , vxor
Licentiati Muñoz, vnus ex Au-
ditoribus Consilij Indiarum cū
B. Virgo Tereſia Abula in oppi-
dum Vēas proficiſci pararet , literas miſit,
impenſè precans locum illum Monasterio
vno dignaretur .

Cum enim Patris cuiusdam è Societate
Ieſu concionantis energia tres puellæ no-
biles, & conſanguineæ omnes nomine Fran-
ciſcæ, vehementer commotæ mundū abiur-
raſſēt, & in ædibus ipſius D. Catharinæ, quæ
ad opus, opem ſuam pollicita eſt, ſecretiore
loco clauſæ ſacrarum Virginum more , di-
uinis rebus ſe totas deditiſſent, B. Virginisq.
Tereſiæ fama eò penetraſſet ; ardentiffimis
votis inter eius ſorores recenſeri cupierunt.

Hæc vt B. Virgo Tereſia per nūtiū ac-
cepit , mirificè gauiſa , ſtatim ire , & oppidi
Vēas negotio peracto , eò feſtinare conſti-

tuit

tuit. At P. Visitatori, Hispalim potius eundem Carauaccæ opus procrastinandum visum est; quo nihil mœstius clausis puellis potuit nuntiari.

Venia à Rege obtenta, & difficultates intereà superatæ sunt: & cum Hispali cunctari oporteret, B. Virgo Terefia, & P. Visitator, Moniales Carauaccam destinare condicunt. Mittiturque Hispali, vt præsit Anna à S. Alberto (quam secum B. Virgo Terefia, eo animo ex oppido Veas eduxerat) quæ ex Monasterio Malagoni quatuor alias designatas Carauaccam ducit: & octo ante latissimum Christi natalem diebus ingressæ, rebus compositis, Circumcisionis festo anno 1576. Monasterij, cui nomen S. Ioseph impositum est, iure potiuntur.

Tres ergo puellæ sanctitate prouectæ Francisca à Matre Dei, Francisca à Cruce, Francisca à S. Ioseph, veste sacra induuntur, & tempore decreto profitentur. An-

nos verò quatuor à condendis Monasterijs cessatum est.

*Dum per annos quatuor à Monasterijs
fundandis cessatur: grauiamala in-
gruunt. Cap. VIII.*



NON se continere valebat huma-
ni generis sæuissimus hostis, &
ædificium, quod æquis lateri-
bus faustè surgebat, euertere ni-
tebatur.

Dedit literas ad Generalem B. Virgo
Teresia, ne plura Monasteria construeret:
at renuit ille, malle tot conderentur, quot
capillos haberet.

Patres verò mitigati comitia interim ge-
neralia celebrant, & præcipiunt, ne vltius
pergat: optet quod malit Monasterium, ibi-
que resideat: multa que minùs æqua ad Ge-
neralem perferuntur.

Exegerat B. Virgo Teresia tres (vt dixi-
mus, p̃lationis annos, & Incarnationis Mo-
niales, quæ ingressui validè obstitērāt, egres-
sum tātoperè timuerūt, vt rursus penè om-
nibus suffragijs sibi præponi cōspirauerint.

Expleuerat officium P. F. Petrus Fernandez Visitator, à quo facile res impetrata fuisset: Patres verò mitigati, quibus tunc parendum erat, iustis fortasse de causis abnuerunt. Moniales instant apud Regem, & Nuntium Apostolicum, sed nihil obtinent.

Cum verò P. F. Hieronymus à Matre Dei Hispali cœnobium extruendum curaret, Nuntius ex Summi Pontificis mandato Visitatores decreturus, eundem Patrem totius Beticæ Patribus Carmelitanis præfexit: quod ille munus præclare gessit eodem tempore, quo B. Virgo Terefia Hispali agebat.

Patres verò illi parum decere arbitrati sunt, se inter quos viri doctrina, & prudentia nobiles sunt, à iuniore admoneri. Quod licet P. F. Hieronymus, ut eis gratum faceret, libenter accepisset, tantum abfuit ut à Nuntio permitteretur, ut consulto accersitum Provinciae Castellæ Discalceatis sexus utriusque præposuerit.

Dum hanc functionem strenuè obit, &

Vallisoletum petit , Patres Carmelitani à Philippo Ep̃o Placen.ac Nūtio(illius, qui P. F. Hieronymum præfecerat , successore) prætexentes Discalceatos nolle Generali obedire , ac excommunicationis vinculo innexos esse, literas obtinent, vt eos ad obedientię obsequium adigant . Quod vt P.F. Hieronymus rescit , Nūntium conuenit , à quo seuerè obiurgatus , se in terrā proster-nens , sine vlla prorsùs excusatione correptionem admittit:& in cœnobium quoad-usque lis dirimatur , se abdere iubetur .

Rex quoque , & Generalis adeò malè monentur , vt Generalis qui priùs propensissimus fuerat, longè alienaretur, & ad Ordinis pacem tuendam , Discalceatos extingui oportere censeret . Omnia fanè nutare videbantur , cùm Nuntius hoc vitæ genus extirpare conatus , grauiores è Patribus Discalceatis, censuris Ecclesiasticis, carcere, pœnisque alijs exerceret .

Interdixit ne vllum negotium attentarent . Patrem Carmelitanum F. Angelum de Salazar eis Visitatorem præfecit : ac

deni-

denique res penè ad extinctionem acta est.

Angebatur maximè B. Virgo Tereſia, ob innoxios præſertim Patres, malè vexatos, & oratione perenni, ieiunijs, exercitijs virorum quoque grauium, & Principum auctoritate literis potiffimùm ad Regem datis, quæ vim magnam habebant, ſic rem promouit, vt Rex non Nuntium ſolum, ſed quatuor alios grauiſſimos Patres, de cauſa ſententiam ferre decreuerit.

Vbi ſic cœptum eſt, & inter Iudices P. F. Petrus Fernandez Dominicanus B. Virgini Tereſiæ deditiſſimus deſignatur, cauſam ſe obtinuiffe gratulata eſt: quod ex ſententia ceſſit: Nec Rex Catholicus hoc tantum præſtitit beneficium; ſed cum Generalis Viſitatore, vt culpas diſcalceatorum inquireret, ac eos extirparet, deſtinaret, officio fungi minimè paſſus, nomine ſuo, iuſtis de cauſis, à Gregorio XIII. Pont. Max. vt à mitigatorum Patrū ſubiectione Diſcalceatos eximeret, & ſoli Generali parerent, poſtulauit.

Liberaliter indulſit Summus Pontifex

& P.

& P.F.Ioanni de Cuevas Dominicano viro grauissimo literis Apostolicis 20. Nouember 1580. expeditis, hæc res demandatur: comitijsque anno proximo, quarta Dominica Quadragesimæ Cōpluti coactis, Prouincia erigitur, & separatur: cui P.F.Hieronymus à Matre Dei præficitur: ac fluctus tanti sedantur.

Conditur Monasterium XIII. in oppido Villænouæ de Xàra. (ap. VIII.)



Aeuierat per annos quatuor procella, demumque resedit: & labor intermissus à B. Virgine Tereſia reſumptus eſt. Ex quo enim año 1576. Toleti in Monasterio condendo laborauerat, monita fuerat, annueret votis nouem Virginum, quæ in oppido Villænouæ in locum vnum ſpontè abditæ, miro virtutum exemplo lucebant.

Res implexa viſa eſt: inter alias quippe rationes, cenſuit mulieres alijs institutionibus

bus

bus semel imbutas , recens lac ægrè sucturas.

Doctor tamen Velazquez, Patres F. Antonius à Iesu, & F. Gabriel ab Assumptione, rerum conscij, opus probabant. Quin & Christus ipse renitentem corripuit: cui B. Virgo Teresia libenter cessit, & posito timore in opus incubuit.

Eduxit Toletò Annam à Matre Dei, vt præesset Malagono, postmodum Eluìram à S. Angelo, Annam quoque à S. Bartholomæo sociam indiuiduam (quam postea nunquam dimisit) & sic à Patribus Antonio, & Gabriele, ex oppido Malagoni, Villam nouam, modestissimo, ac lætissimo comitatu ductæ, vicinos populos vsque ad stuporem exciuerunt.

Cum enim B. Virginis Teresiæ fama tam insigniter claruisset, mox, vt eam illac transituram acceperè, adeo frequentes concurrerunt, vt in oppido Robledo, custodes ad turbam arcendâ designari oportuerit: tametsi eis inuitis se per parietes gens auida saltu libraret.

Profectò non austerè arcendà erat : incredibili enim spectandę Virginis desiderio loca quisque præripiebat, mirabatur, gratiam inire curabat.

Res euius ita fuit, & Parentes non liberos tantum, sed armenta consultò illuc acta. Bi. Virgini Teresie ob oculos statuebat, vt illa benedictione fausta fecundaret. Tanta fuit Teresie existimatio.

Diuertit obiter in cœnobium Fratrum Discalceatorum, quod in Eremo à muliere sanctitate celebri D. Catharina Cardona oraculo conditum fuerat. Quam, dum ibi moraretur, in ecstasim elata, in Angelorum comitatu, gloriosam, & hortantem, vt Monasteria instituere pergeret, intuetur.

Vixerat diu Catharina in antro quodā, per quod in cœnobium patebat aditus, inaudito austeritatis genere, orationis studio, mundi contemptu : quippe quæ cum esset nobilissima, se quasi vilem, & obscuram hominum aspectibus eripuerat. Quæ cum cœnobium instituere optaret, nec gentem nosset, per visum edocta, candidum pallium

cernit

cernit: audiensque Pastranæ cœnobium cōditum eò progressa, veste illa donata, regreditur, & domum eius institutionis construit.

Villam nouam ergo B. Virgo Tereſia hinc profecta 21. Februarij, anno 1580. peruenit: ac festiuissimè excepta, frequenti supplicatione Monasterium S. Annæ, diuissimè à nouem Virginibus expectata, ineffabili gaudio subiuit. Explorauit ingenia, virtutes admirata est, quas (vt aiebat) pluris quàm redditus amplissimos fecit, & eruditionis sue accessionibus auxit.

Hic dum faber rotam ad aquam è puteo hauriendam adaptaret, manibus elapsa proximam Virginem tam valde laſit, vt ictu proſterneretur: quam faber attonitus sic spectabat, vt eam subleuare non auderet: inopinatus enim euentus illum perturbauerat. Tunc Virgo illa se subrigit: & cū esset sanctissimi Patris nostri Iosephi profectum, miraculo versum est, ictu grauissimo non fuisse peremptam.

Conditur XIV. Monasterium Palentia. Cap. X.



EX oppido Villæ nouę Tole-
tum, indè Vallisoletum B.
Virgo Teresia discessit. Quip-
pe D. Aluarus de Mendoza
Palentiæ Episcopus, in Vrbe
sua Monasterium expetierat, & iter per Vr-
bes illas ad rem erat.

Vallisoleti tamē morbo adeò graui cor-
repta est, vt quasi proximæ mortis imago
subierit. Cum verò conualescere cœpisset,
acriter ad Palentinum opus ab alijs vrgeba-
tur: quod illa nonnullis de causis ægrè au-
diebat. Verùm re cum viris sapientibus P.
Balthasare, ac Hieronymo de Ripalda Cō-
fessarijs suis è Societate Iesu communicata,
& quod maius est, post sacram synaxim die
quadam sic à Deo impulsā: Quid times?
quando tibi defui? idem profectò semper
sum: ne Monasteria respuas: animo resum-

pto, rem aggredi decernit, nec adhuc firma valetudine Vallisoletto discedit.

Loco igitur à Canonico Reynoso, quē per literas admonuerat, parato, eò profecta, postridiē festi SS. Innocentium Monasterium, cui S. Ioseph titulus inditus est, erexit: proximoque die Episcopus dedicationem gratulaturus eò venit: amplam eleemosynā erogavit: & vrbs tota mirum in modum gauisa est.

Gentis ingenium placuit, vt in dies singulos B. Virgo Teresa, ob Monasterium erectum lætaretur vberius. Cœpit ex more domum propriam inquirere (nam primam conduxerat;) & cū opera nauaretur, templum B. Mariæ de Via, cum continentibus domibus, locus idoneus videbatur: prætextis tamen difficultatibus, de alio agi cœptum est. Quod cum B. Virgo Teresa ambigeret, an Deo acceptum esset, intus verba hæc, sub sacram Eucharistiam, audiuit: Hęc (scilicet B. Mariæ Ecclesia) tibi expedit: multa quippe crimina in eo loco patrabantur, quæ Monasterij sanctitate erant

expurganda : & cum hæsitaret , an verba Christi forent , audiuit : Ego sum . Quo demum oraculo conquieuit , & secundiloci curam deposuit .

Templo ergo Beatissimæ Virginis de Via comparato , Episcopus Palentinus Valisoletus ad celebritatem venit : frequentissima supplicatione totius Urbis , omniumque statuum gratulatione Moniales illo deductæ sunt : Sacramentum ritè locatum ; & Monasterium S. Ioseph B. Mariæ de Via duplici nomine appellatum est .

Duxerat secum B. Virgo Teresa Agnetem à Iesu , Catharinā à Spiritu sancto , Mariam à S. Bernardo , Ioannā à S. Francisco ; Salmantica tamen euocauit Elisabetham à Iesu , quam loco præcepit . Cum agerentur , proprius Prouincialis (de quo superius dictum est) Compluti creatur .

Accidit autem Palentia , vt nocte quadam B. Virgo Teresa scriberet nescio quid , tam à sensibus abstracta , vt Monialis quædam in cellam ingressa , nec audita , proximè sedens illam contemplaretur , gestus perpenderet ,

deret, ac obstupesceret: scriptionem quippe posito calamo intermittebat: intima erumpebant suspiria: è facie tanquã radij solis adeo splendide emicabant, vt Moniali timorem incuteret: diuina quippe sensa corporis quoque maiestate repræsentabat. Opus hoc Palentinum, laboribus, & insectationibus immune, inter iucundissimarecensetur: ex quo multiplex sanctitatis prouentus relatus est.

Conditur XV. Monasterium Numantia. Cap. XI.



Ntequàm Palentia excederet, literas Oxomensis Episcopi B. Virgo Terefia accipit, quibus moneatur, velit Numantię Monasterium extruere.

Domina quippe Beatrix de Viamonte Vidua, & sine liberis, locuples, id opus piũ ardentè optabat. Erat is, Episcopus Doctor Velazquez, qui ex sacris confessioni-

bus, cum esset Toleti Canonicus, B. Virginem Teresiam amauerat.

Placuit votum : & sex Moniales, inter quas Catharina à Christo sanctitate insignis loco præsuit, à P. F. Nicolao à Iesu Maria Vicario Prouinciale viro integerrimo eo deductæ, ac sine controuersijs, in amplis cœdibus collocatæ sunt.

14. Iunij 1581. primum sacrum factum, & Monasterium S. Trinitatis nuncupatum est. Opere demùm absoluto, cum Anna à S. Bartholomæo fidissima socia Abulam discedit: ac obiter grauissimis itineris asperri mi molestijs afficitur.

B. Virgo Teresia Monasterio Abula præsist: & inde Granatâ, vt XVI. condatur, mittit. Cap. XII.



V B initium Septembris, anno 1581. B. Virgo Teresia Abulam peruenit, & Moniales tantæ Matris cupidissimæ de illa in Monasterij cura deligenda tam seriò egerunt, vt Maria à Christo, quæ

tunc

tunc præerat, Virgini loco cessura, curæ ponendæ veniam à Prouinciale impetrauerit.

Electa verò B. Virgo Teresia Monasterio, quod tunc victus egestate laborabat, pastum animorum, & corporum saluberrimum, vberimumque prouidit.

Nondum tres menses exegerat, cum P. F. Ioannes à Cruce, ille qui è duobus primis candidatis summoperè placuerat, cum equis, & modesto apparatu, vt B. Virginem Teresiam Granatam deduceret, accessit: primum quippe illius regni Monasterium eius auctoritatem requirere videbatur.

At cum anteuerso tempore decretum fuisset, vt Burgos potiùs, ad opus simile peteret, Annam à Iesu, vt præesset, duasque alias Moniales eius comites Mariã à Christo, quæ Abulensis Monasterij curam paulò ante deposuerat, & Antoniam à Spiritu sancto in Apostoli Andreæ profesto, sui vice mittit. Quæ à D. Anna de Peñalosa (cuius rogatu opus illud institutum, & donis auctū fuit) liberaliter exceptæ, Monasteriū condunt: q̄ fæliciter à Deo prosperatur.

Vnum hic filere nefas sit: Granatenſis Archiepiſcopus annonæ caritate deterritus vehementer obſtiterat, ne Monafterium ex mendicato alendum in ea victus anguſtia Granatæ conderetur. At eius domum, præter naturæ ordinem, inſperatum fulmen tetigit, eoque timore corripuit, vt diuinę correptioni parens, deinceps non modo non contradixerit, ſed ex animo eleemoſynas erogauerit.

Monafterio præfuit Anna à Ieſu, quod inter alia à B. Virgine Teresia recensitum non eſt, quod necdum opus eſſet abſolutū, cum ex hac vita migravit.

Conditur XVII. & ultimum Monafterium Burgis. Cap: XIII.



ADVENTANTE B. Virginiſ Teresiæ obitu, vt animus ille cumulatiſſima gloria fruiturus, eò per ſummos labores pertingeret, quò ab æterno fuerat deſtinatus, de Urbis Burgo-

rum

rum profectio à Christo admonetur, & ad opus animatur: familiare quippe fuit, quoties pericula obeunda erant, animum illum grandem præmonere.

Cum ergo ante dies multos, cū Archiepiscopo Burgenfi, D. Christophoro Vela de hoc proposito actum esset, B. Virgo Terefia Abulæ agens, per D. Catharinam de Tolossa, vrbis venia (vbi plurimùm difficultatis inerat) obtenta, per literas vrgetur.

Graue propositum visum est: molestissimis enim morbis angebatur, & frigus asperimum, quo præsertim infestabatur, sæuebat: quamobrem aliam, quæ scilicet Monasterio Palentino præsidebat, sufficere cogitabat.

Audit tamen à Christo: Ne frigus expauescas: ego quippe sum verus calor: demon, quoad potest, enititur ne Monasteriū Burgense condatur, è contrario tu, pro me, vires tuas exere: tu ipsa omninò proficiscere: magnus enim inde prouetus existet. Verbis facta fidem astruxerunt.

Post modicum tempus à Catharina de

Tolossa, vt festinet, per literas incitatur. Et vnà cum socia Anna à S. Bartholomæo, & duabus alijs Alba euocatis, postridiè festi Circumcisionis, anno 1582. Abula discedit, Palentiaque transiens, vt statim liquebit, alias indè seligit, atque ita octo demū Moniales secùm ducit: & sub custodia P. F. Hieronymi à Matre Dei Prouincialis, & duorum Patrum Burgos iter instituit.

Ab ipso itineris exordio imbres, nix, inclementissimum cælum B. Virginem Tereciam tunc paralyti ægram obruerunt. Medinam, & indè Vallisoletum pertigit, vbi morbo vehementer ingrauescente, Medici subitum discessum persuadent, aliter proficisci non valituram. Palentiam ergo properè comitat: vbi frequentissimus populus fama Virginis excitus sibi ab ea benedici cupiens, illam ita circumfluit, vt vix è curru descendere valuerit. In Monasterio verò suo à sacris Virginibus cum Hymno (Te Deum laudamus) ex more latissimè excipitur.

Tempus exasperatur, & iter acriter dis-

suadetur

suadetur. Homo præmittitur, qui viam exploret, à quo periculosa viæ nuntium triste refertur. At Christus anxie Virgini sic adest: Vos ipsæ potius viam carperè potestis: ne extimescas, ego vobis præsto ero. Quibus illa verbis erecta, hominum opinione temerarium, Christi verò sententia tutum, iter arripuit.

Ripam fluminis, curru, qui luto defixus se loco mouere nequibat, descendentes, pedestri itinere Moniales conficiunt.

At dum cliuū immitem postea B. Virgo Tereſia curru vecta conſcēderet, currū alterum, quo Moniales vehébantur, inclinatum, & vt ad imum fluuium è ſublimi loco præceps ferretur, penè cernit euersū. Vbi Iuuenis quidam è comitibus accurrens manus rotis admouet, ac prodigiōſè ſuſtinet: quas multi ſanè validi homines ne utiquam ſiſtere potuiſſent.

Ad hoſpitiū omni ſolatio deſtitutū ventū eſt: & tamē ibi per aliquot dies demorari, rationi cōſentaneū cēſebatur: mœſtiſſima quippe itineris reliqui nuntia terrebant.

Denique viæ duce conducto, per ligneos pontes, quos, dimidium circiter palmum, aqua exccellerat, flumen, multo cum discrimine, traiciendum erat. Cum enim pontes nimis angusti currum capere vix possent, modico lapsu per vtrumlibet latus in flumen demergerentur.

Virgines ergo illæ, vt discriminem obirent, sacra se cōfessione communiunt: eis B. Virgo Teresia benedicit: fidei Symbolum religiose proferunt.

Pia mater nihil perturbata, immò hilaritatem vultu præferens, sic hortatur: quale felicitatis genus à vobis filiæ possit maius expeti, quam (si detur hic) martyrium Dei gratia subire. At cunctamini: ego præibo: quod si mergar, summis precibus flagito, in diuersorium reuertamini.

Aggreditur ergo generose periculum: & quasi fluuius vim fidei persensisset, immunis pertransijt, viam alijs tutiorem fecit.

Singulare quidem præsentissimi Dei auxilium fide inuictissima, internis motibus impetrauit: & Virgines illas externis verbis

erexit

erexit; tametsi ægrè loqui posset. Gerebat quippe linguam paralyti vinctam. Sed cum in oppido propinquo sacro interfuisset, & Eucharistiam sumpsisset, obligatam linguā, vt loqui posset, expediuit. Ipso ergo die tot laboribus periculisque perfuncta (26. nempe Ianuarij) Burgos ingressa, celeberrimum Crucifixi Christi simulachrum, quod in ea Vrbe colitur, antequam quicquam attentaret, sub ipsum accessum salutauit.

Sed inter morbos alios, fauces ita erant affectæ, vt sine graui dolore, nihil traicere posset, & eum ea nocte, nimium madida propè ignem solito diutius sedisset, nocte proxima, vertigo molestissima, vomitus vehemens, asperiora faucium vlcera, sic eam torserunt, vt sanguinem excrearet, proximoque die, lecto iuxta fenestram coaptato, cum exurgere nequiret, responsa redderet, ac negotia multa componeret. Vrbs autem iacenti Virgini per aliquot designatos ciues gratulata est.

Mul-

Multa obstant: denique Monasterium conditur. (cap. XII.)



Prouincialis, ut rem vrgeret, Archiepiscopum conuenit, à quo veniã impetrare nequiuit: causatus est enim noluisse se, cum B. Virginis Teresiæ propositum probauit, tam citò opus absolueret: sed eam duntaxat in Urbem, ut omnia exploraret, venire. Adit illa Archiepiscopum, Monialibus interea se ardenti cum oratione verberantibus, sed nihil obtinet: licet enim amaretur, iustis tamen de causis differbatur.

Iam P. Prouincialis laboris tædere cœperat, & penè discedere cogitabat: quod certè propositum, cum B. Virgini Teresiæ molestum accideret, sic Christum aientem audiuit: Teresia fortiter age. Quo illa oraculo roborata P. Prouinciali, qui aduentante Quadragesima Vallisoleti concionaturus erat, persuadet, abeat, & eam Bur-

gis

gis ad promouendum opus relinquat.

Remanet in Xenodochij secretiore parte, multis difficultatibus superatis, obtenta: multaquē patitur. Exquiritur interea domus, quam cum parū laudaretur, B. Virgo Tereſia, viſit, & magnoperē probatam emit. Qua in re illud Vrbs tota mirata eſt, quod cum de cœnobijs multis condendis ageretur, & domus illa à multis explorata, & improbata fuiſſet, vni B. Virgini Tereſiæ vili pretio emendam, & multis de cauſis opportunam Deus reſeruafſet. Sed cum cærior æquo videretur Chriſtus oranti Virgini ait: Num pecuniæ parcis? quo illa reſponſo emptionis pactionem iniuit, pretiumque vile ſatis fuiſſe dignouit.

Archiepiſcopus non vulgariter gauiſus bis B. Virginem Tereſiam adiit, licet nollet veniam impertiri, donec eam ab Epifcopo Palentino rogatus, locumque idoneum contemplatus indulſit: ac in hunc modum 9. Aprilis 1582. ritu ſolito, Monafterium S. Ioseph erectum eſt.

Hoc ipſo die, cum Archiepiſcopus con-

cionaretur, & existimationis conceptæ, & pœnitudinis, ex anteaçta Monasterij procraftinatione signa dedit.

Cum vero iam Moniales requieuiſſent, prodigium accidit. Exundauerat enim fluuius, & ipſo Aſcenſionis feſto Vrbem peruaſerat: domus nutabant, ſacræ Virgines clauſtris excedebant, B. Virgo Teresia, vt loco recederet, quod planus, & fluuiio propinquior eſſet, admonita, Euchariftiam in cubiculum altius efferri, neutiquàm abiſſe, ſed orationi vacare iuſſit: nec aliquod ſenſit palantis fluuij nocumentum: quod ab Archiepiſcopo, & alijs ſanctitati B. Virgini Teresiaſcriptum eſt.

Præfecit Thomasinam Baptiſtam
Monasterio quòd virtutū lau-
de reſplenduit.

—:—

Re-

Recedit Burgis: Albam venit: moritur. Cap. XV.



OSTQVAM Monasterium conditum B. Virgo Tereſia intuita eſt, Deum obnixè precari cœpit, qui domum dedifſet, victum quoque provide- ret: quod illa ante diſceſſum cernere mallet. Cui hac de re cogitanti Chriſtus ait : Quid dubitas? iam loco prouiſum eſt: abire poteſ. Quibus certè verbis intellexit, Deum Mo- naſterij curam ſingulari modo geſturum.

Burgis ergo Palentiam, inde Medinam venit, vnde Abulam, cuius Monasterio præerat peruenire parabat: verùm alio con- ſilio agendum agnouit. Præſtolabatur quip- pe illam Medinæ P. F. Antonius à Ieſu, eam (quòd D. Maria Enriquez Albæ Dux id poſtulafſet) propoſito mutato Albam de- ducturus.

Nuntium hoc mœſtiſſimū accidit, quod Abulæ Monasterium petere, vtilius B. Vir-

go Teresia censeret: at quæ, usque ad mortē obedientiam colere decreuerat, statim obtemperauit.

Vehitur curru grauitè affecta, & prope oppidum (cui Penaranda nomen est) deliquium patitur, quod comites omnes ad cōmiserationem vehementer mouit. Cum verò nihil esculentum, præter paucas ficus, suppeteret, & Anna à S. Bartholomæo, id molestissimè ferret: Ne, inquit, mœreas filia: ficus hæ optimæ sunt: inopes multi tantundem victus non habebunt. Proximo quoque die in oppidulo quodam hesternā penuriam, brassicā cœpis mixta, morbis eius aduersa compensauit: pridieque festi Apostoli Matthæi Albam tota concussa, & penè dissoluta vesperi peruenit.

Ioanna ergo à Spiritu sancto, quæ Monasterio præerat, vnà cum sacris Virginibus illis, vt ad quietem cubaret, enixè precantur: quibus illa morem gerit aiens: Adsit mihi Deus: lassitudinem immodicā sentio. Per annos viginti, nunquàm adeo maturè cubui.

Sur-

Surgit postridiè, domum perlustrat, sacro interest, Eucharistiam sumit, & his exercitijs, quibus more seraphico fungebatur, alternè cadens, atque resurgens, usque ad festum S. Michaelis perduravit; quo post factum, & Eucharistiæ sumptionem, exfluxu sanguinis languida, lecto decubuit.

Triduo verò antequàm obiret, cum penè in oratione pernoctasset, manè iubet P. F. Antonium à Iesu, cui confiteatur, acciri: qui (vt ab alijs auditum est) Virginem anxie rogat, precetur Deum, ne tam citò è vita migret. Sed causatur illa, mundo se iam minimè necessariam esse: Ex eoque tempore velut statim profectura, cœpit Virgines prudentissimis, & saluberrimis consilijs admonere.

Pridiè verò festi S. Francisci Eucharistiâ vesperi postulavit, cum iam ingrauescente ad interitum morbo, se in lecto, loco mouere nequiret.

Interim autem, dum expectatissimum viaticum affertur, commissis manibus, dulcissimis, ac postremis verbis, sic Virgines il-

las

las affatur, & rogat : filiæ meæ, ac dominæ (sic enim sensit) per Dei amorem obsecro, in Regulæ, & Constitutionum obseruationem impensè admodùm incumbant, neque culpas huius indignæ Monialis pensitent, sed mihi potius ignoscant . Quæ certè verba tenerrimo affectu producta candidos animos vehemènter commouerunt .

Vbi verò in cellam inferri Eucharistia velatum eum, quem tam ardentèr cupiebat, intuita est : licet velut paralytica iaceret, sine vllius adminiculo, se confestim ita validè erexit, vt ne in terram se prouolueret, ab alijs detineri oportuerit. Amor quippe ardentissimus præsentì pastu incitatus inualuit.

Exemplò facies solito pulchrior, flagrare, & sui venerationem excitare, vegetior illa, natuque minor, quam esset, apparere, iunctisque manibus animi feruore, ac lætitiæ summa, candidissimus ille cygnus, sub mortem, dulciùs, quàm antea canere, ac diuina sensa prodere cœpit .

Inter alia verò, quibus saxa liquecerent,

fic

fic agebat: O Domine, ò Sponse mi: accessit tandem tempus optatum: æquum est iam te-videam. Tempus est, mi Domine, ex hac vita migrem. Fiat obsecro iuxta placitum tuum: venit demùm hora, qua hoc exilio eripiar, & te fruam, quem tam ardentè expectui.

Immensas gratias agebat, quod eam in Ecclesiæ (vt aiebat) filiam adoptasset, quod frequenter miro cum sensu repetebat, aiens: sum certè, Domine, Ecclesiæ filia.

Peccatorum veniam impensissimè precabatur: ob Redemptoris nostri Iesu Christi merita, salutem se sperare asserebat: & vt id obtineret, astantium preces enixè postulabat.

Cum verò Virgines illæ instarent, aliquid eis supremo quasi testamento faciendum præscriberet; nihil nisi quam diximus Regulæ, & Constitutionum obseruationē, & Superiorum obedientiam expressit. Sed cum iam penè interiret, alta cum demissione illa verba vsurpabat: Ne proijcias me à facie tua: & Spiritum sanctum tuum ne au-

feras

teras à me . At dimidium versum illum :
Cor contritum , & humiliatum Deus non
despicias, singulari sensu, donec animam ef-
flauit, repetere non destitit .

Vnctionis iam extremæ, ad mortis ago-
nem, Sacramentum poposcit, ac reuerenter
admodum precibus respondens excepit.
Cum verò liniretur, quod filia esset Eccle-
siæ, iterum gratias, mitissimo corde, rependit .

Noctem illam summis doloribus afflicta
pereggit : proximoque die, Christi Crucifixi
effigiem manu tenens (quam donec vt sepe-
liretur, ablata est, non deposuit) in latus in-
cubuit eo habitu, quo B. Magdalena im-
ago exprimi, consuevit : eoque positu, vultu
flagrante, orans perseverauit immota .

Contemplabatur illam attentissimè Mo-
nialis quædam ; signa enim animi cū Chri-
sto agentis, admirantis, & ex ostensorum
magnitudine stupentis exhibebat : & ita sus-
pensa vsque ad tertiam noctis horam per-
mansit, ipsaque die, quæ Octobris quarta
est, anno 1582. ætatis suæ anno 68. animam
illam niue candidiorem exhalauit .

Ca-

*Cadaveris observatio : sepultura :**visa, Cap. XVI.*

Emanavit Virginis corpus plane pulcherrimum, tensa cute, cum iam illam senectus contraxisset, alabastritis more candidum, vt Spiritus sancti sacrarium, & sapientiæ arcam decebat.

Odorem sacrum, mirificum, alijs odorem ab similem, non modo corpus, sed vestes, & panniculi, quibus ægra utebatur, tam vehementer efflarunt, vt fenestras, ne capita læderentur, aperire oportuerit: quod non adeò mirum videri debet, cum adhuc viuens (quod testes locupletēs affirmant) eiusmodi odorem effunderet.

Corpus ambiere sacræ Virgines, quæ poterant, Parentem suauissimam comitantes: è quibus vna quæ olfactū amiserat, & odoris illius expers moriebatur, dum pedes oscularetur, sensum lætare recuperavit.

Eodē actu, alterius quæ capitis, ac vnus

oculi dolore grauiter laborabat , morbus euauit .

Alia per annos quatuor , capitis dolore tam vehementer affecta , vt ambulans manum oculis identidem imposeret , velut exultantes illos cohibitura , statim , ac obijt , manus B. Virginis Teresiæ capiti , & oculis admouit , & euestigiò perfectè conualuit .

Proximo die , pro illius oppidi captu , virgineum corpus solemni ritu sepulchro conditum fuit . Multa verò fælicissimum exitum præfagia portenderant : Moniales quippe plures , celæstia lumina sæpe supra Templi tectum , in choro , ac propè B. Virginis Teresiæ cellam , intuitæ , aliquid magnum instare dictitabant .

Vt verò alia fileamus , reticendum non est , Virginem quandam sanctitate conspicuam , puncto obitus ipso audisse strepitum ingentem plurimorum , qui candidis vestibus amicti , festiuissimè B. Virginis Teresiæ cellam ingressi obeuntis lectum ambi-
runt . Martyres quippe illi decies milleni , quorum festum B. Virgo Teresa religiosis-

simè

simè celebrauit, polliciti fuerant, hora obitus se accursuros, & eam in cælestem aulam deducturos.

Alia verò, ipso mortis momento, albam quasi columbulam ex ore Virginis prodeuntem vidit, alia lucem crystallo similem iuxta cellæ fenestram intuita est: nec de B. Virginis Terefiæ meritis, aut testium veracitate cordatis viris vlla suspicio suboriri potuit.



LIBER QVARTVS

*Notes nativæ B. Virginis Tereſiæ
à Jeſu. Cap. I.*



R. A. T. B. Virgini Tereſiæ
ſtatura mediocris, forma ele-
gans, membra obefa, & bene
pacta, facies pulchra, candida,
ad proportionem in orbem
ducta. Capillus niger, criſpus, frons læta,
æqualis, cilia ex flauo nigreſcentia, ſpiſſa, læ-
ta, non valdè in arcum flexa, oculi nigri, ali-
quantùm extantes, non grandes, ſed ad pro-
portionem magni, viuaces, hilares, naſus par-
uus, non multùm ad mediùm extans, in ſi-
mum deſinens, aliquantùm introrſùm pro-
nus, nares in arcum ductæ, ac ſtriçtæ, os ad
mediocritatem patens, labium ſuperius te-
nue, ac rectà tenſum, inferius modicè ex-
trorſùm deuexum, color gratus, dentes can-
didi, & concinni, mentum ad faciem aptè

compositum, aures mediocres, collum latum, breue, manus breues, ad proportionē formosā, digiti sensim graciliores, tres in facie sinistra, nāui, vnus sub nasum medium, alter inter nasum, & os, tertius subtus os.

Erat actione venustissima, & omnia corda decore, ac lepore mulcebat.

Sanè quod de Angelorum perfectione Theologi tradidere, pro naturalis perfectionis modo, fuisse diuina gratia donatos, in hoc B. Virginis Terefiæ exemplari, quodam modo proximis capitibus perspicitur: sed naturalia persequamur.

Mentem excelsam, ingenium perspicax, animum grandibus natum fortita est. Quidquid autē laudis natura parare potest, hic, si vsipiam, metam attigisse videtur: nihil enim Philosophi verbis, quàm virtute clariores, de naturalibus vnquam virtutibus tradidere, quod hic non insigniter elucescat.

Prudentia, vt rerum modos excogitaret, negotia expediret: Iustitia, vt singulis quod suum erat, maioribus venerationem, æqua-

libus

libus comitatem, minoribus lenitatem redderet: nihil arduum, ex grauitatis defectu, prætermitteret: temperantia, vt vbique modestissimè ageret, corpus animo subiugaret: fortitudo, vt excelsa aggrederetur, magnanimiter absolueret.

In his quatuor naturalium virtutum cardinibus, quidquid natura parit, conuertitur. At B. Virgo Teresia ad earum perfectionū verticem pertigisse videtur: quod ex rerum gestarum obseruatione, non obscurè deprehenditur.

Cum ergo tot dotibus eximijs polleret, sic se erga singulos gerebat, vt cum esset opus Principibus magnitudinem, proteruis seueritatem, mitibus facilitatem miram, rebus, & occasionibus attemperatam redderet.

Hinc non solū aliorum animis sui amorem ingenerabat, sed reuerentiam, & timorem incutiebat, eò præsertim celebrata, quod cum à viris Illustrissimis, seu grauissimis improbaretur, excelsè illos cōueniens, primo cōgressu in suā sententiā perducebat.

Ve-

Verùm ijs, quæ naturam superant, dotes
natiuæ cedant, æquum est.

*Gradus, per quos in orationis sublimita-
tem ascendit. Cap. II.*



B Hoc prorsus capite ser-
monis origo petēda est: ora-
tionis enim studio heroicas
virtutes peperit, ac proue-
xit.

Ponendum tamen, his in rebus, quæ na-
turam excedunt, sermonis parcite peccā-
dum esse. Scriptores quippe antiqui quæ-
dam cogitationum suarum simulachra scri-
ptis expresserunt, dum Remp. vt Plato, Vr-
bem, & fælicitatem, vt Aristoteles, homi-
nem sapientem, vt Stoici, oratorem, vt Tul-
lius, describere conati, nitore verborum nō
res veras, sed imagines, & commenta pin-
xerunt.

At cum de Sanctorum virtutibus agitur,
omnis verborum apparatus, balbuties quæ-
dam est, quòd ad sensa diuina exprimenda

om-

omnis vniuerforum Oratorum eloquentia, sit planè rudis infantia: quod vnus Virginis Terefiæ celsitudo conuincet.

c. 4. Vita.

Primus ergo præceptor, quo ad orationem vfa est, sub professionem in Monasterio mitigato emissam, fuit tertium Ossunæ Abecedarium, quod summè placuit. Iam verò donum lachrymarum, pro antea acta ariditate diuinitus ei collatum fuerat: & ita post menses paucos cum adhuc tenella foret, orationē, quam vocant, quietis, & Vnionis interdum attigit, tametsi tantum bonū tunc ipsa non internosceret, quemadmodū libro primo, capite septimo à nobis indicatum est. Sic tamen afficiebatur, vt mundum vniuersum proculcare sibi videretur.

Modus orandi hic erat. Christum, quo ad poterat, præsentem imaginatione versabat, & inde incalescere nitebatur, frequentissimum tamen exercitium, lectio pia orationi permixta erat: cum nec satis Christi effigiem imaginatione componere, nec intellectu discurrere posset. Sic annos decem ac septem exegit, molestissima ariditate,

ac

ac cogitationum improbitate vexata.

Intra verò horum annorum periodum, anno vno, studium orationis, humilitatis specie delusa intermisit: cum enim virtutes tunc non adeò perfectè coleret, cum Deo familiariter versari, non decere videbatur: quo quidem errato grauiter læsa fuit.

Repetiuit ergo cælesti dono, studium orandi, & imagine Christi concepta, in eos potissimum passionis angores incubuit, unde prouentus existeret vberior: proptereaque horti sudorem creberrimè recolens, ea cogitatione cubitum ire per annos multos in consuetudinem duxit. Optabat ficcare sudorem, sed succurrentibus peccatis territa refugiebat, & varios indè affectus, qui orationis seminaria fuere subibat.

Campi, prata, flores, fluuijs satis prode- rant, vt animum excitaret: cælestia verò, vel alia, quæ minimè cernebat, cogitare non poterat. Christi formam (quantumuis de illius pulchritudine multa legeret, audiret, egregias imagines cerneret) imaginatione repræsentare nequibat: sed velut in caligi-

E c no so

noſo loco cum aliquo quem noſſet, videre tamen nō valebat, patienter agebat: proptereaque imaginibus deditiſſima erat, ſi fortè Chriſtum concipere poſſet.

Internos guſtus nunquam (niſi ſemel cū areſceret) poſtulauit, aut expetiuit: tunc verò in ſe reuerſa vehementer erubuit, ipſaque verecundia, quod poſtularat, accepit.

Per hoc tempus (licet poſtea frequētius) dum imaginem Chriſti conciperet, ſubibat ex improviſo ſenſus præſentiæ Dei, adeò mirus, & efficax, vt videretur ſibi dubitare non poſſe, quin Deus intra ipſam, & ipſa Deo immerſa maneret. Non erat viſum: ſed animi ſuſpenſio, qua extra ſe agebatur: voluntas ardebat, memoria vacabat, intellectus ſtupebat: Deus enim, vt oſtupeſceret, lumen infundebat, quo intelligeret, ſe nihil ex ijs, quæ obijciebantur intelligere.

Quo verò ſe accuratiùs comparabat, eo maiora capiebat. Cœpit ergo Clementiſſimus Deus orationem quietis crebrò, vniõnis verò interdum, ineffabili cum voluptate, ac ſecuritate indulgere.

Quies, &
Vniõ gra-
dus contem-
plationis
ſunt.

Post

Post hæc cum de Confessarij consilio, corpus macerare, Christi passionem meditari, gustibus repugnare conaretur, quò validius reluctabatur, eò maiora gaudia percipiebat. c. 24.

Cum verò per duos circiter menses, hæc præstitisset, à P. Francisco Borgia Societatis Iesu Generali rerū diuinarum peritissimo, ne Deo reniteretur, sed à Christi passione orationem auspicaretur, si verò se altiùs efferri cerneret, se attolli sineret, admonita, statim ecstasi multiplici corripì, & Christi verba cœpit audire, quibus mirificè profecit.

Mirabili postmodum Christi consuetudine fructa est : Christum quippe sibi propinquum, loquentem, indiuiduè cum ipsa versantem, incedentem, licet neque oculis externis, neque internis eum videret, sentiebat; quo plurimùm promota est. c. 28. Post modicum, visionibus imaginarijs, quibus Christus se illi amantissimè spectandum sensim exhibebat illustrata, & incredibili eius pulchritudine capta fuit.

Visio hæc duobus annis frequens, post 29.

modum subtracta est, vt altiora, hoc est, vehementissimos amoris impetus, quibus paulò minus interibat, & alia visa sublimiora pararet: de quibus in postremis suæ vitæ capitibus egit.

Hæc Christi præsentia (immenso dono) sanctissimæ Trinitatis excelsissima præsentia (vt ipsa scripto prodidit) permutata est. Et demum oratione prorsus diuina (quam ipsa spirituale matrimonium in vltimis mansionibus appellat) donata, tot tantisque gaudijs affluxit, vt sicut Apostolo, ne reuelationum magnitudine extolleretur, stimulus carnis, ita ipsi capitis dolor molestissimus (vt aiebat) ne tam immensè oblectaretur, fuerit immixtus.

De sublimitate autem orationis illius proculdubio angelicæ, ad quam B. Virgo Teresa prouecta fuit, velle dicere, nimis operosum, & ab historici compendij breuitate foret alienum. Frequentissima mentis suspensio, altissima quies, arctissima vnio, creberrimi raptus, intima charitatis vulnera, vehementissimi amoris impetus, suauissima

Dei

Dei colloquia, tenerrima blandimenta, quibus eius scripta respersa sunt, quamuis è plurimis pauca, & ea imperio coacta digesserit, absolutissimam orationis perfectionem, & peritiam ad alios erudiendos cælitus infusam faciliè demonstrant: vt non immeritò à Theologis grauissimis assertum sit, potuisse B. Virginem Teresiam illam sapientiam docere, eo pacto, quo nobiliores Theologi Theologiam in Academijs è suggestis prælegere solent.

Illud autem studiosissimè cauit, ne propriam sententiam, aliorum, à quibus iudiciū ferendum erat, opinionibus anteferebat: immò (quod mirum dictu est, & ex historia patere potest) quoties quid agendum erat, celans visa diuina, quibus Dei placitum cognouerat, Confessarios, quos semper doctrina, & sanctitate insignes habuit, rebus sincere propositis, consulebat, vt quid fieri deberet, communi scripturæ, ac Sanctorum Patrum doctrina, præscriberent.

Nullum verò ætatis suæ virum rerum diuinarum egregiè consultum prætermisit,

à quo iudicari, itineribus ea de causa susceptis, non curaret: vt nulla dæmonis impostura subesset.

Spiritus prophetia. Cap. III.



Micorum est arcana communicare consilia: quapropter vbi animus B. Virginis Teresiæ ad strictissimam Dei amicitiam euectus est, innumera, & abditissima Dei secreta, multiplici raptu cognouit.

Cum verò omnia, quæ à naturali cognitione dissita Deus reuelat, ex Theologorum consensione, ad spiritum prophetiæ pertineant (quod omnium apertissimè Greg. magnus expressit) & mentis diuinæ particeps Virgo, summæ Trinitatis, Christi humanitatis, Sanctorum qui iam beatitudine potiuntur, animarum quæ igne purgatorio expiantur, ac dæmonum ipsorum per crebras reuelationes, multa, quæ nulla perspicacitate naturali percipi possunt, diuinitus affe-

cta

cta, dedicerit, (quod eius scripta disertissime ostendunt) efficitur certè, illustri prophetiæ spiritu fuisse donatam.

Quod verò ad eam prophetiæ partem, quæ futura, seu recenter facta prospicit, spectat: multis prædictionibus innotuit.

Cum quidam eius affinis subitanea morte interijisset, sororem suam D. Mariam de Cepèda, eodem modo obituram, per visum edocta, illam reuelatione suppressa, vt inculpatè viueret, admonuit, & ad Sacramentorum frequentiam induxit. Rem exitus probauit, sic enim correpta fuit, vt confiteri nequiret.

Cum verò aliquando coram Sacramento impensius oraret, Sanctus quidam è Carmelitarū ordine apparens librum prægrandem, quem ferebat, aperuit, à quo B. Virgo Terefia monita hæc verba eleganter scripta legit: florebit futuris ætatibus ordo hic, & Martyrès multos habebit.

Annos viginti, priusquàm Regis Sebastiani morte, & exercitus clade Lusitania plecteretur, B. Virgo Terefia Angelum di-

stri-

c. 4. Vitz.

stricto, & cruento ense illi regno minantem vidit: Angelum quoque alterum simili spectie aduersus Galliam intuita est, qui regni exitium portendebat.

Annos quatuor, antequàm Discalceatorum Carmelitarum vexatio ingrueret: mare fluctuum æstu perturbatum vidit: & quod olim Aegyptijs Israelem insectantibus idem Congregationis vexatoribus euenturum agnouit.

Augustinus de Ahumada B. Virginis Teresiæ frater oppidi cuiusdam apud Indos occidentales Prætor accepit literas, quibus Virgo illum acerrimè monebat, exiret confestim ex oppido illo, nisi mallet animæ simul, ac corporis iacturam pati. Quibus ille monitis, velut oraculo diuino extemplò acquiescens discedit, tametsi decies milles aureos, per annos singulos Prætura refunderet, & ecce intra dies paucos, hostes oppidum inuadunt, & nouum Prætorem, ac oppidanos omnes interficiunt.

Cum P.F. Didacus Iuàgnez Dominicanus per centum milliaria, ab eo loco vbi B.

Virgo

Virgo Tereſia tunc agebat , diſſitus obijſſet ; accepta per viſum mortis notitia , ſtatim illarem , ac circumſtantias æquè ac ſi affuiſſet , Patri F. Garciae de Toletò ſimiliter Dominicano, qui ei erat à ſacris confeſſionibus, aperuit . Diſquiſiuit ille poſtmòdum omnia : & propheticum viſum planè veriſſimum admiratus eſt .

Pauciſſima hæc è plurimis excerpta, quaſi teſtes prophetiæ ſunt . Nam quæ in hoc genere contigerunt, numero, vel pondere nemo poſſet æquare .

Libri ſapientia pleni . Cap. IIII .



PORTEBAT ſanè animum ſapientia diuitem orbi terrarum hac tempeſtate denſis ignorationis tenebris occæcato lucem afferre .

Quod ſapientiſſima Virgo Tereſia, ſic præſtitit , vt eius exiſtimationem ſcriptorum fide conſtante dignè perpendere, diſcillimum certè , ſed minimè neceſſarium ſit : quandoquidem tot ſcriptorum teſtes,

Ff

quot

quot lectores nacta est: quos innumeros, & grauiissimos esse constat . Hic scripta duntaxat recensēbimus .

Præter multa, quæ prælo commissā non sunt, quinque libros, non sua, sed Confessorum sententia, cui tanquam diuinæ parebat, elaborauit .

Primus nihil est aliud, quàm ab ineunte ætate vsque ad Abulensis Monasterij institutionem, quidam vitæ discursus affectionibus diuinis, quas patiebatur, refertus, quē scripsit, vt P. F. Garcia de Toletō Ordinis S. Dominici obtemperaret, ipso, quo Monasterium condidit anno 1562. & eiusdem anni mense Iunio illum sine distinctione capitum absoluit: postmodum verò in capita diuisit, & Monasterij erectionem, vt modo legitur, adiecit . Qua in re illud sanè mirum accidit, quòd eodem, quo scribebat, ordine, orationis gradus exercebat : vt si exempli gratia de orationis quiete agendum esset, ea tunc quiete frueretur, quo certè cælesti dono vnumquemque orationis gradum exactè describere potuit .

Se-

Secundus liber, quem Iter perfectionis inscripsit, est quem præcipiente P.F. Dominico Bannes, cui tunc confitebatur, eodem quo vitæ librum, anno perfecit.

Tertius est, qui de aliorum Monasteriorum fundatione à Medinensi vsque ad Burgenſe agit: quem iussu Confessarij P. Hieronymi Ripaldæ è Societate Iesu, anno 1573. Salmanticæ incœpit.

Quartus (vulgo inscriptus Castellum interius, siue Mansiones) quem Trinitatis festo, anno 1577. ex mandato Doctoris Velazquez Confessarij, Episcopi postea Oxoniensis, & denique Archiepiscopi Compostellani, Toleti incœpit, & profesto S. Andree, eodam anno Abulæ absoluit. Hunc dum conderet, tanto Dei sensu affluxit, vt per dies ferè duodecim, ne notam vnā exarare potuerit, vnde capitis imbecillitas extrema prodiuit.

Quintus Cantici Salamonis explanatio fuit, vt nonnullis, quibus (quemadmodum ait ipsa) parere debebat, obtemperaret: ex quo fragmentum duntaxat vnum remansit: si-

cut enim obidientiæ virtus ad scribendum adegerat, ita ad scripta discerpenda permouit: quod fuit Confessarij cuiusdam non valde sapientis præceptum.

Libros hos, inter negotia grauias, morbos, labores, ita conscripsit, vt in sententiarum inuentione nihil ferè operæ collocaret: mox enim, ac operi manum admouebat, vberissime (quod ipsa sæpe notauit) rerum copia fluebat: labor, penè sola scriptione constabat.

Laudatur sermo castus, non comptus, grauis, lepidus, efficax. Admirationem excitat rerum sublimitas, quam ne Theologi multi, nisi affectionum diuinarum consulti, assequi possunt. Doctores hac ætate celeberrimi mysticarum passionum faciem, ac leniter decurrentem explanationem adeò obstupefcunt, vt rarum sapientiæ genus eis videatur, quæ de mystica Theologia Patres obscurè, ac sparsim tradiderunt, à Virgine vna in methodum tam perspicuè, atque concinnè fuisse redactum. Quod verò ad doctrinæ soliditatem pertinet, nihil non

Theo-

Teologicum , tametsi scholastico more prematur, exprompsit, vt è libri primi capite primo perspicui potest.

Vita B. Virginis Teresiæ , & Mansiones doctrina cęlesti , multis experimentis comparata , ad res internas dignoscendas affluunt ; licet , quę de se in vita describenda luculentius profert, alio consilio in Mansionibus in methodum redacta , & in commune proposita, ac longiore quindecim annorum experientia, probata tradiderit.

Iter perfectionis familiarius est , quod iuxta inscriptionem , viam perfectionis parandę liquido demonstrat , dum orationis studium cum virtutum cultura conciliat.

Mira sunt sanè , quę suauissimo magisterio B. Virgo Teresia digessit: quę animo demisso, vt profint, legenda sunt : sed quanto-perè tam pia lectio, iam orbe toto Christiano, in varia idiomata versa profuerit, multa in singulis vrbibus argumenta conuincunt.

*Examen spiritus B. Virginis Tere-
sia. Cap. V.*



VLLVS vnquam Theologi-
cæ laureæ candidatus tã acce in
florētissimis Academijs subiit
examen, ac B. Virgo Tereſia;
quæ contra hominum mores, non modò
examen non refugiebat, ſed ſtatim, ac apud
aliquem virum opinione celebrem ſe malè
audire nouerat, eum auidè conueniebat.
Cum enim prudentiſſima eſſet, ac damo-
nis laqueos vitare ſeriò cuperet, à nemine
maius lucrum, quàm à male opinantibus
expectabat: hos enim quæ ſentirent ex ani-
mo dicturos, nihil blandituros, animad-
uertebat.

Prolixum foret, facta pericula ſingula-
tim percuſere: Cenſores producemus,
quos libri primi capite primo, in agmine
vno reſenſimus.

Ex Ordine S. Dominici P. F. Vincentius
Varron, P. F. Didacus Iuagnez, P. F. Dida-

cus Chiàues, P.F. Bartholomæus de Medina primæ Theologorum cathedræ Rector, P.F. Ioannes Salinas, P.F. Lunàr, P.F. Didacus Iangles, P.F. Dominicus Bannes, quem meminimus.

E Societate Iesu P. Franciscus Borgia eiusdem Societatis Generalis, & Sanctitatis fama celeberrimus P. Araoz, P. Aegidius González, P. Balthasar Alvarez, P. Salazar, P. Paulus Hernandez, P. Gutierrez.

Ex Ordine S. Francisci vnus pro plurimis, P.F. Petrus de Alcantara prædicti Ordinis instaurator, vir sanctitate, & vitæ austeritate clarissimus; ex clero vnus pro plurimis, P. Mag. Auila, vir planè Apostolicus, & à discretionem spirituum laudatissimus.

Hi omnes (vt alios prætereamus) Viri doctrina, & prudentia clari, ex quibus nonnulli ætatis nostræ lumina splendidissima fuisse, spiritum B. Virginis Teresiæ per annos multos explorarunt: aliqui prius aduersarij facto periculo, propugnatores euaserunt: penè omnes sacras eius confessiones audierunt: plures eius scripta perlustrarunt: om-

nes

nes eius sanctitatem obstupuerunt.

His testibus euincitur nihil animo illi grandi nisi magnum satisfecisse : non enim vulgares aliquos , aut mediocriter doctos, sed quàm doctissimos, & quàm acerrimos posset exquirebat.

Fides B. Virginis . Cap. VI.



Postquam Orationem communem virtutum parentem , ex parte , tetigimus , ad prolem virtutum , quarum basis fides est accedamus .

Nunquam , vt à cælesti prærogatiua ducamus initium , tentamenta fidei aduersa perpeffa est : dono quippe Dei in hoc genere firmissima perstitit : quod aliquando significauit .

Sed profectò fidei argumentum est , scopus ille , in quem sua Monasteria collimauit , vt scilicet pro incremento fidei , precibus, & pijs operibus incumberetur : quod

mulie-

mulieris inuentum , virorum proposita superauit.

Catholicas veritates tam serió amplectebatur , vt pro quauis earum (vt ipsa dixit) millies mortem oppeteret. Aiebat sapienter , illas se tantò firmiùs credere , quantò minùs intelligeret ; de sublimitate verò rerum internarum ita censebat , si fortè quid fidei minùs consonum accideret , se non alio iudice indigere , vt eas improbaret.

Se Filiam Ecclesiæ quasi fide genitam (vt sub eius obitum superiùs expressum est) impensissimè gaudebat : minimos ritus , imagines , reliquias religiosissimè coluit . Adeoque fidei studium excreuit , vt sponte sua Patres fidei censores adiret , vt de rebus eius periculum facerent ; quod peculiariter præstitit , cum D. Franciscus Soto Salazar è Senatu Inquisitionis Abulam venisset : à quo tamen monita est , res suas omnes fidei miti , nec eas esse ; quæ ad Inquisitorum Tribunal pertinerent.

Quin etiam scripta sua per P. F. Dominicum Bannes Patribus Inquisitoribus explo-

randa misit, quæ diù apud D. Gasparem Quirogam Cardinalem, & Senatus Inquisitionis præsidem, asseruata, & laudata recepit.

Profectò credi nequit, animum de fidei integritate tam anxium, vt criticos non accersitus adiret, vlla fidei laude carere: hoc enim ipso, fide stabilissima, se fulciri conuicit. Sed dilata in caput decimum spei, siue fiducia expensione, ad amorem accedamus.

Amor Dei. Cap. VII.



VM fides Apostolo teste, sit spei fundamentum, vbi fides statu perfectæ virtutis tã fuit adulta, spem sanè grandem extitisse credendum est.

Verùm ea in tractatum magnanimitatis reiecta, de amore dicamus.

At dici nequit, quanta fuerit eius vis: et si quid efferatur cum scriptis ab ea amoris argumentis comparari nequibit.

Profectò si amorì opera fidem conciliât,

tot

tot, tanta, tam sublimia opera in solam Dei gloriam directa, immensum amorem persuadeant, necesse est.

Interibat certè, quòd interire non posset, vt optatissima Dei præsèntia, sine huius exilij nebulis, frueretur. Amantissimè conquirebatur, & mortem impotenter flagitabat, fassa, velle se hoc postulare, peterent alij, quod mallent.

Multiplex impetus amoris, ac doloris sensus erumpebat: cuiusmodi fuit ille, quo Salmanticæ intermori cœpit, cum Virgines eius filiæ amatorium quiddam de Christo canere, festiuissimo die cœpissent.

Tunc enim velut iaculo traiecta est, eoque modo, quo summa in raptibus lætitia, sic ibi summus ex absentia dolor inualuit, & frigente, ac penè dissoluto corpore, vita propemodùm intercepta est.

Nullum tempus excepit, quo ab amore feriretur: neque enim vsitato alijs ferè omnibus exercitio, paucas, & statas orationis horas sibi præfixerat, sed vniuersas contemplationi, & diuinæ pulchritudinis amori,

perpetuo iure, dicauerat, quod animi validdissimè amantis argumentum est.

Crebrò sic afficiebatur, vt paulò minùs, præ decoris immortalis desiderio animam efflaret. Et quidem (vt certò creditur) efflasset, nisi opportunis raptibus clementissimus Deus sui copiam illi fecisset, vt anima vulneribus amoris saucia requiesceret. Petebat tunc domus angulos, quoad fieri potest, secretos: & extra se acta interdum inuenta, vehementer animos illo spectaculo captos ad pietatem vrgebat.

Profecto Angelus illè flagrantissimus, qui spiculo aureo cor, visceraque traiecit (quod libro primo descriptum est) agræ amore Virgini, remedium simul, & irritamentum fuit: quemadmodum, & visum illud, quo Christus se illi spectandum exhibens, dexteramque manum illi porigens, sic eam affatus est: Inspice clauum hunc, quo significatur fore te in posterum sponsam meam, quod hucusque promerita non es. Post hæc ergo honoris mei curam geres, nō modò quia Creator, Rex, ac Deus tuus,

sed

sed quia sponsus quoque tuus sum : Deinceps quippe honor meus tuus erit, tuusque reciproca ratione meus : Quæ certè suauissima verba amorem seraphicum excitauerunt .

Illud prætereà spectaculum amorem vehementem auxit: cū Christus manu dextra è sinistra vulnere clauum, discerptamque carnem illi adhærentem extrahens, ne dubitaret se exauditam persuasit .

His, & alijs amoris stimulis tanto diuini nominis desiderio æstuabat, vt si quem famulatui Dei vidisset idoneum, nihil non moueret, vt ereptum sæculo, diuinis rebus addiceret.

Nihil acerbius mentem subire poterat, quàm culparum imago, ne fortè amoris legem violasset : inualuitque adeò anxietas hæc, vt eam Clementissimus Deus, non leuibus argumentis excusserit .

Lepidissime dictitare solebat, benè se accepturam, quod alij gloriæ sublimitate ipsi antecellerent : at nescire se, quo animo afficienda esset, si alij ardentius amarent .

Omnis hominum conuictus, esca, potus, somnus, negotia, & quidquid extra Deum est, illi vni Deo vacare cupientem dirè torquebant.

Sed inter vniuersa Virginis gesta, maximum, quod in alia nulla Sanctorum historia legisse meminimus, fuit votum, quo se non grata modò, sed quæ Deo gratiora crederet, effecturam. Votum quippe hoc Angelicum, & vsque ad stuporem, planè mirum, nisi ab animo, diuini amoris flammis excocto, & in Deum perenniter raptò edi non potuit.

Morbi, labores, operaque multiplicia soli Deo placendi studio peracta, nihil aliud, quàm totidem diuini amoris argumenta sunt.

Grandia denique magnus amor cogitabat, & administrabat : quæ quod ineffabilia sint, satius est silentio venerari, quàm malè disse-
serere.

-:-

Amor

Amor proximi. Cap. VIII.

CHARITAS Virginem Monasterio expulit, vt salutem proximorum, quos perire cernebat, sollicitè procuraret: eoque studio sic efferbuit, vt viris sapientibus concionatoribus, prælectoribus, scriptoribus dotes illas inculpatissimè inuideret: optabat quippe Apostolicas functiones obire, vt vniuersarum animarum lucra contraheret.

Plurimos ad res diuinas exemplo, & hortatu, grauissimos præsertim Patres, Petrum Iuagnez, & Vincentium Varronem perduxit: quorum progressionem demirata est.

Tot animas è purgatorio igne, suis precibus liberauit, vt (quod ipsa disertè ait) si scriberentur, molestiam lectori generarent: corporibus autem sanitatem, animis verò culparum veniam sapissimè obtinuit.

Aegrotis amantissimè aderat: & si quid modicum (quod frequenter accidebat) in-

ter

ter omnes diuidendum suppeteret, tametsi valerent, alijs hilari vultu tribuebat; professa alijs illud dare malle, quàm eo vti.

Quos sibi patiebatur infestos, vt eius comites identidem viderunt, insigni amore prosequebatur, & suauissimis verbis, non tam ne ipsi nocerent, quàm vt illis ipsa prodesset, placare studebat. Fidem facit lenitas illa, cum cœnobium Fratrum validè ipsi aduersantium, prætergrediens, licet extra viam, illò diuertit. Quod cum ab alijs rescitum esset, & ne vnus quidem cum ea verba facere vellet, perstitit lenis, & hilaris, singulosque seorsim vocatos, per integrum ferè diem alloquuta sic flexit, vt cum vespèri recederet, hospitalitatem acephalam longo sine clausuri eam extra cœnobium comitati, se discessum ægrè ferre, solos remanere, sanctitatem illam mirati, protulerint.

At ea potissimùm charitas laude digna est, quæ alijs bona, sibi mala consciscit. Ex quo genere fuit affectus ille, quo Sacerdotem turpissimis peccatis (vltra biennium)

obno-

obnoxium; sacra se confessione purgare non audentem excepit: & obnixè pro illo deprecata, eò perduxit, vt se pœnitentiæ Sacramento expiaret. Cum verò scripsisset, grauissimè se tentari B. Virgo ea sibi tentamenta, libertatem Sacerdoti à Deo precibus impetrauit, & requieuit ille, ipsa verò per mensem, dirissimè vexata fuit.

Nihil animus charitate fœcundissimus prætermisit, quod ad omnes partes amoris explendas, vllò modo conduceret.

Cultus Eucharistia, & Sanctorum

Cap. IX.



DV M Monasteria conderet, id quod vires instaurabat, & ad itinera, & mala quæuis perferenda B. Virginem Tereſiam acuebat, Eucharistiæ potissimum cultus erat: fore scilicet ædes sacras plures, vbi Christus Sacramento velatus coleretur.

Ab ineunte proposito austerioris vitæ, in ipso Incarnationis Monasterio, quotidie

pane illo cælesti ali consuevit: & ad lautum Dei conuiuium, ne cum venialis culpæ cōscientia, quam non prius pœnitentiæ Sacramento repurgasset, vnquam accessit: cuius exemplo, frequentior panis Eucharistici sumptio in morem inducta est.

Sæpe solo accessu Eucharistiam perceptura, vexationes animi, corporisque dolores expunxit. Per annos vero triginta, Dominica Palmarum, Christum à feris Iudæis ad prandium non inuitatum, & Bethaniam redire coactum miserata, Eucharistiam ea mente sumperat, quasi ad conuiuium Christum excepisset: quod tam illi fuit acceptum, vt anno trigesimo sumpto Sacramento traiecto, suspensa remanserit, ac in se reuerfa os plenum sanguine, faciem, corpusque conspersum habere, incredibili cum oblectamento, sibi visa fuerit. Cui tunc Christus: Volo filia, sanguis meus tibi profit: ne timeas me tibi defuturum: ego summo cum dolore sanguinem profudi, tu illo summa cum suauitate perfrueris, vt experiris. Conuiuium, quod hac die

mihi

mihi paraſti, bene tibi repenſo.

Crebrò admodùm in eo cæleſti paſtu extra ſe ferebatur, & fructum indè copioſiſſimum referebat.

Proſectò poſt annos ferè quinque, quibus in Abulenſi Monafterio demorata eſt, poſt Euchariftiam ſumptam, computatis diebus, maiori ex parte, ecſtaſim pati conſuevit: nec à feneftralla, per quam, cæleſtis panis porrigebatur, ſe frequenter mouvere poterat, donec indè ab alijs auerteretur: & quod omnes vehementiùs commouit, die quodam, qui ſanctiſſimo P. noſtro Ioseph ſacer erat, cum poſt Sacramenti ſumptionem in choro eſſet, à terra palmos duos, aut tres, extolli viſa eſt.

Toleti verò, cum Euchariftia recepta, ſtaret immobilis, Monialis quædam, quid ageret ignara, illam conatu quàm poterat maximo, vt federet, loco mouvere, manuſque marmoris inſtar ſtupentes contrèctare nixa eſt: ſed incaſſum luctata eſt, donec B. Virgo Teresia à raptu euigilauit. Sed nimis prolixum eſſet affectiones à

ſacra ſynaxi ſubeuntes recenſere .

Mirabatur impenſè Maieſtatem modico Sacramento incluſam : vnde affectum reuerentiæ religioſiſſimum concipiebat .

Hinc Sacerdotum veneratio mira, vt cū Malagonum ingreſſa in media oppidi platea ; Sacerdotis iunioris benedictionem genibus flexis poſtulauit : hinc ornatuſ templorum, & altaris mundiſſimus , & pro ſtatuſ modo, pretioſuſ : hinc vt Sacramentum frequentaretur, inſtitutio : hinc denique, quidquid religionis eò conferens potuit excogitare, ortuſ eſt.

Cataloguſ
hic ab . lijs
hſtoricis
aliter diſpo
nitur ſed in
re ipſa ſū
ma conſen
ſio eſt .

Sanctos ſtudioſiſſimè coluit : quorum hic cataloguſ, eodem ordine ſubiectuſ, quē ipſa digeſſerat : ſanctuſ Ioseph, ſanctuſ Albertuſ, S. Cyrilluſ, omneſ ordinis Sancti, omneſ Angeli, peculiariter cuſtoſ, Patriarchæ, S. Maria Magdalena, decem millia Martyrum. S. Ioanneſ Baptiſta, S. Ioanneſ Euangelista, S. Petruſ, S. Pauluſ, S. Auguſtinuſ, S. Dominicuſ, S. Hieronymuſ, S. Rex Dauid, S. Franciſcuſ, S. Andreuſ, S. Bartholomæuſ, S. Iob, S. Gregoriuſ, S. Clara, S. Maria Aegy-

ptia,

ptia, S. Catharina Senensis, S. Catharina Martyr, S. Stephanus, S. Hilarion, S. Sebastianus, S. Vrsula, S. Anna, S. Elisabetha Hungariæ, Sanctus menstruæ fortis, S. Angelus.

Beatissima Virgo, vt Sanctorū Regina, in catalogo inferiore scribenda non fuit. Horum ergo Sanctorū cultui deditissima, & apparitionibus sæpe recreata fuit: quod vno, e multis patebit exemplo.

Cum Abulam Segobia esset discessura, cœnobium P. P. Dominicanorum inuisit: vbi sacellum augustissimum est, in quo clarissimus ille Sanctus se miris modis exercuit, multumque sanguinem fudit. Eo ingressa iuxta altare oratura procubuit, à sinistroque latere S. Dominicus apparuit. Sed reuocata tunc à P. F. Didaco Ianguez ei confitetur, sacro interest, Eucharistiam sumit, & iterum suspensa, eundem Sanctum ad læuam intuetur, Rogat cur ad læuam? Respondet ille: Dexter locus meo Domino debetur. Respexit mox B. Virgo Teresa à dextera Christum, mediaque honore amplissimo remansit. Sed Christus post

modi-

modicum recessit aïens: festiuiter age cum amico meo: qua venia per horas ferè duas Illustriss. Patriarcha cum Virgine verba fecit: quæ in eo facello præstitisset, quæ dona cælestia recepisset, aperuit: manumque illius in amicitiaæ fœdus, tenuit, & opem ad Congregationis promotionem pollicitus est. Verum ad virtutes alias festinemus.

Fiducia, & Magnanimitas. Cap. X.



V A M generosè sperauit (hoc enim est fidere, tam luculenter, quæ tribus libris sunt digesta demonstrent, vt argumentis extrinsecus affixis opus non sit. Mulierem quippe septam, ægram, solam, compeditam, tentatam, derisam, inopem, sic audere, ac propositum quod animo conceperat, contra totius orbis impetum, fœliciter successurum sibi persuadere, res noua, fides noua est: cui benè possit acclamari; O mulier magna est fides tua.

Cœpit grandia, & mundi opinione desperan-

speranda, & in ipsis Monasteriorum initijs, Abulæ præsertim, Medinæ, ac Hispali, cum vix paucos obolos haberet, opera, quæ multis millibus constarent, aggressa, nec vnde aut quo pacto illa corraderet meditata, omnia sibi de Christi ærario immobili fide promisit, & absoluit.

Nulla illam aduersitas fregit, nihil, nisi culpam timuit, & vt encomio Abrahamæ digna in spem contra spem credidit: cū enim primores multarum Urbium, Patres grauissimi, amici, consanguinei obstarent, cum tartarus sæuiret, & ipse quoque Deus, ad examen fidei illam repelleret, semper quæ statuerat euasura confidit.

Magnanimitas illius ingenij proculdubio grandis, multis in euentibus enituit. Cū enim eius virtutis laus in eo posita sit, vt mediocria non curet, & magna in quouis opere virtutum quarumlibet exquirat; per se quidem patet, B. Virginem Tereciam animi magnitudine claruisse, cum nihil mediocre, ne dūm paruum, sed omnia magna designarit. Quid enim grandius, quàm ab

ineun-

ineunte ætate, puellulam domo paterna excedere, vt occasionem Martyrij, quam cupiebat, exquireret? adolescentem clam inuito patre, domo discedere? priuatam Monialem, primi Monasterij modicam austeritatem sibi satis non esse decernere? maiora ibi auspicari? Apostolico more semper ad vltiora intendere? inde prodire? cœpto grandi, priscorum Sanctorum disciplinam restituere, tueri, ac denique perficere.

Cum aduersitates ingruerent, puta cum cœpta illa sua Patrum Carmelitarum feruor propemodum euerit, tantum abest, vt quod mulieribus familiarissimum est, flecteret, aut imbecillitatis signa ederet, vt inuicto animo alios potius erigeret, ac solaretur.

Cum itinerum discrimina imminerent, vt cum Burgos, contra vniuersorum prudentum vota, per medias niues, paludes, fluminum exundationes petiuit, qua fide, ac magnanimitate polleret, facile patuit. Abula Medinam contendens nox densissima ad fluminis ripam incubuit, præsensque pe-

ricu-

riculum itineris comites adeò terruit, vt fluuium traijcere non audentes attoniti hærerent. Tunc illa, non expedit, ait, hic sub dio maneamus: traijcite; Deumque orate. Mox autem ipsa periculum aggressa est: statimque quasi fax quædam aliquantùm diffusa præire, ac prælucere visa est, donec omnes incolumes transierunt: nullum quippe discrimen expauit.

Optimates quidam aliquando comminati sunt B. Virgini Terefiæ se minimè fautores, nisi eorum nescio quibus optatis morē gereret. Respondit excelsè: si quid ab ea impetrare vellent, id potius facturos, vt ostenderent culpam esse, non eis assentire, aliter se nihil metuere.

Magnanimitatis certè argumentum fuit grauissimos viros, apud quos malè audijt, fidenter, ac frequenter adire, nec vllam censuram expauescere. Sed cum elogium hoc imperfectum relinquere, aut omnes vitæ B. Virginis Terefiæ actus percurrere necesse sit, ad alia transeamus.

Humilitas. Cap. XI.

AD capita duo, interius, nempe ac exterius, quidquid ad huius virtutis cultum spectat, redigemus. Habet autem sedem in affectu, originem in intellectu, propriam vilitatē agnoscens; ne animus, in altiora, quàm deceat efferatur.

Quàm verò sublimiter in proprijs culpis expendendis, ac exaggerendis se B. Virgo Teresia exercuerit, ex eius scriptis tam facile constat, ut timendum sit, ne tam alijs graui videantur, quàm ipsi, quæ illa libentiùs quàm diuina visa differuit, & euulgari optauit, ac petijt.

Nihil ei molestius, quàm se magnifici cernere: quamobrem Abula, vbi colebatur, excedere, & alio, vbi nesciretur, Monasterio recondi, quin & inter laicas, aliarum obsequijs destinatas recenseri exoptauit.

Contigit aliquando, ut immoraretur in

loco,

loco, vbi modicam de se existimationem esse perspexit, quod singulari latitia perfusa Confessario cuidam suo per literas testata est: dicereque solebat, mirari se, quo pacto, si quid efficeret, aut diceret, ei ab alijs fides haberetur: tam indigna enim fide sibi visa est, cum tamen diuino lumine splenderet.

Diuinas affectiones accuratissimè celabat, & ne ab alijs cernerentur, raptibus publicè subeuntibus, qui aliquando corpus è terra subleuabant, validè reluctabatur: tametsi sæpe frustra niteretur.

Si quid fortasse laude dignum de se inopina dixisset, artificiosè verba interpretabatur, vt aliud longè diuersum cogitaretur.

Cum Hispali multa de B. Virgine Terefia falsæ euulgarètur, grates, inquit, ago Deo, quia Vrbs hæc me benè nouit, alibi enim minimè agnoscor. Sed rem testatissimam externis indicibus probemus.

Mos illi erat alias minùs prouectas sententiam rogari, officij diuini dubia puellis proponere, viliora obsequia frequenter

obire, scopas, sportas alacriter exercere, si asperius locuta fuisset, veniam precari, ijs quæ Monasterijs præerant, insigniter deferre, loco cedere, venientibus assurgere, in cœnaculo se prosternere, culpas publicè proferre, nullam, dum admoneretur, excusationem pretextere.

Corripuit illam aliquando superior quidam, cur pateretur, se tundatricem appellari: respondit eam ipse appellationem interdiceret, ipsa quippe non magis titulum animaduerterat, quàm si Tereſia nuncupata fuisset. Die verò quadam, cum Moniales præderent, ritu quadrupedis lapidibus onusta, fune collum obligata (alijs interdum sub oneribus) in cœnaculum ingressa, culpas multa cum animi demissione, quasi recēter induta, & grauium criminum accusanda, deprompsit: sed huiusmodi actus enumerare nimis operosum esset.

Miro caput hoc asserto claudamus. Inter laudes multiplices, & opera honore dignissima nunquam inanis gloriæ vanitate tacta fuit: neque vnquam huius generis cul-

pam

pam, à qua se sacra confessione expiaret,
quod ipsa animaduerneret, admisit.

Patientia. Cap. XII.



B infantia grauissimis mor-
bis fuit obnoxia, è quibus
nōnulli intercalati, alij ad o-
bitū vsque perēnes, morbus
comitialis, iliacus, ischias,
tremores, vomitus, febris: adeò, vt quinquē-
nio antequàm obiret, se per annos 40. diem
nullum à dolore feriatum duxisse affirma-
uit: quæ omnia patientissimè pertulit.

Pro condendis Monasterijs incommoda
innumera, fames, sitis, pluuia, nix, inopia, vi-
gilia, labores improbi, lassitudo, tædia, &
eius generis alia constantissimè exhausta
subierunt.

Sauierunt hominum repulsæ, infectatio-
nes, detractiones, importunitas, in quibus
pectus adamante fortius exhibuit, vt latius
prioribus libris ostensum est.

Cum ex more, facta impensè oratione,

ali-

alicuius animæ salutem impetrauerat dæmon rabiem effrænem in eam regerebat, vt cum erepta quadam præda, victricem Virginem per horas quinque dirissimè intus, & exterius extruciauit : quod illa quasi puerum Aethiopem, post eas horas, conspiciata cognouit.

Abulæ cum die quadam, lucernulam ferens, in chorum se conferret, è summa scala à dæmone deuoluta, brachio perrupto, & curatione aliquantum dilata, dolorem, vt ossa committerentur, acerrimum, ac diuturnum, mirabili planè (vltà quàm dici possit) patientia tolerauit.

Multa honoris decrementa, latissima fronte suscepit. Cum iter ageret in oppido quodam (cui Puebla nomen est) sacrificio interfutura, templum ingressa Eucharistiã sumpsit : multi verò eam mulierem parum honestam, nescio vnde, suspicati, eo insaniam proruperunt, vt dicerent, eam capi expedire. Vt verò Sacramentum sumplisse conspexerunt, vehementer commoti accessere, fuscitantes, qua fronte Eucharistiam suscipere

pere ausa fuisset? comminati que sunt antequam inde obire sineretur explorandum cuiusmodi mulier esset. Templum interea, ob festum, quod tunc agebatur, frequentissimum, intermissa festi cura, murmure quodam vehementer feruere cœpit.

Hæc dum imminerent, Beata Virgo Teresia summopere gaudiosa, nihil omnino pro se respondit, neque enim Christus dum accusaretur quidquam pro se causatus est. Aestuabat autem celebritas animis, & oculis in eam intentis: & nisi P. Antonius à Iesu ea regione notus tunc apparuisset, & gentem sedare curasset, acrior impetus dubio procul ingrueret: furentem tamen populum ea conditione placavit, ut mitteretur, qui mulierem comitatus exploraret, quo illa contenderet.

Multa indignissime populus effutijt, quæ audire animus horrebat, quæ tamen B. Virgo Teresia mitissimo animo, hilari vultu sic excepit, ut diceret, nihil ab ea Deo in hoc murmure offerri posse, quod nihil molestiæ inferretur.

Cum

Cum verò eius focia Elisabetha à Iesu purissimi candoris illius conscia, se probra illa nimis contumeliosa ferre non posse diceret; hilari vultu B. Virgo Teresia respondit: filia certò scias, nostris auribus harmoniam suaviorem insonare nō posse: vt enim verum fatear, populus non abs re sic opinatur: & quandoquidem ictibus parcat, quid mirum, si verba faciat?

Cum ex oppido Pastranæ, curru à Principe Ebuli commodato, Toletum B. Virgo Teresia vecta fuisset; Sacerdos quidam, qui amentia laborabat, eam in hunc modū aggressus est: Tune es illa sanctitate clara, quæ curru veheris, & mundo imponis? quibus fane verbis, alia quotquot libebat, adiecit. Illa verò nesciens amentem esse, mitissimè audiuit, nec aliquam excusationem preterxit. Postmodum aiebat, ab vno illo, sed à nemine alio se vera accepisse: & quamuis hominem captum mente rescisset, admonitione illius sic vsa est, vt in posterum oblatos à Principibus currus respueret, communia plaustra requireret.

Cæterum non mundus tantum, & dæmones, sed ipse quoque Deus multis ictibus pectus illud exercuit: nam per annos viginti duos ariditate molestissima Virginem plexuit.

Verum euentus notatu dignissimos, quibus patientia resplenduit, frustra conamur exprimere, cum & numero, & magnitudine excreuerint.

Corporis castigatio, seu pœnitentia.

Cap. XIII.



VAMDIV per morborum intermissionem licuit, præter vitum parcissimum, lectum duriorum, vestes admodum rudes, se totam austerè nimis exercuit. Verberibus tremendis, flagello ferreo in id coaptato, virginea membra sæpe castigauit. Ieiunijs, vigilijs, perpetua vini abstinencia corpus innoxium afflixit. Cilicio asperrimo corpus paralyticum, & senio quoque confectum torfit, quod animus audire horret. Spinis inter-

dum se peruoluit, ne quid in corpore purissimo incruentum extaret.

Vulnera verberum computrescebant, & nouis ictibus, ut recrudescerent, illa proscindebat. Et cum totius vitæ decursu grauiter ægrotaret, quasi acerrimi dolores, & morbi non satis corpus castigarent, summo mœrore conficiebatur, quod acrius carnē plectere nequiret: Confessarij quippe id interdixerunt.

Cum Abulæ Monasterio condito, Virgines illæ mira æmulatione feruerent, duæ ex illis, quæ Pium V. Pont. Max. sanctitate laudatissimum, pro subucula, rudiore panno vsum fuisse acceperant, à B. Virgine Teresa similem vestem exposcunt: quod illa se primum experiri velle respondens, sic præstitit, ut Monasterium totum in eam imitationem allexerit. Sed prima illius experimenti die subiit timor, ne pediculis scaterent, & propterea supplicationem à Choro ad B. Virginis Teresiæ cellam ducunt. Superuenit illa, & bono animo esse iubet, animalia illa eas non infestatura: quod exi-

tus

tus comprobavit: ab eo quippe die nihil eius generis in vestibus inuentum est.

Oportuit autem tunicas illas, Confessoriorum, Medicorumque præcepto postea deponere, quod omnes ægrotarent.

Torquebatur B. Virgo Teresia animosa valde, quod per Confessarios, asperrimè se vexare nō liceret, & cogitationes erumpabant, foretne satius, in hac re, non obtemperare: sed adest Christus, & sic eam affatur: Absit ò filia: rectam tutamque viam carnis: pluris obedientiam hanc, quàm pœnitentiam facio.

Institit quoad potuit: sed parendum fuit.

Verùm hic credendum non est, lectore aliquem fore tam rudem, qui animi ægritudines, & corporis morbos infestissimos, seueriorem, quàm vltro acceptam, castigationem fuisse nesciat: quippe malè affecta corpora, perenni quasi tæbe consumuntur, & prolixo martyrio demùm intereunt.

Paupertas. Cap. XIV.

NVLIS verborum amplificationibus B. Virginis Tereſiæ Apoſtolica paupertas æquari po-
teſt: quod ex Monafteriorum
inſtitutione aperte perſpicitur. Quantum
enim mercatores auari opibus, tantum illa
latabatur inopia, quod Abulæ, Toleti, Hi-
ſpali, victu penè deſtituta luculenter oſten-
dit.

Redditus exhorruit, & vix grauiffimo-
rum Theologorum auctoritate ad eos ali-
cubi admittendos flexa eſt. Veſtes obſole-
tas, & laceras affectauit: labori, ad victum
conquirendum tam dedita fuit, vt cum ad
clathrum negotia expediret, à labore quo-
ad res ferebat, minimè deſiſſeret.

Ampla ædificia deteſtabatur, & rudes
domos impenſè amabat, ſcriptoque conſu-
lebat: nam res maximi ponderis oſſeſoracu-
lo didicit.

Obierat quippe clariſſimus ſanctitate P.

F.Pe-

F. Petrus de Alcantara, qui adhuc viuens B. Virgini Tereſiæ paupertatis cultum ſummopere commendarat: & cum paries, quomonaſterium claudebatur, tunc extrueretur, monuit, per viſum, ne calcis tectorium induci permetteret. Cui illa, cum cito ſine calcis cruſta ruiturum obijceret, reſpondit ille grauiter: ſi corruerit, aderit, qui reſtituat.

Multis ex capitibus paupertatem laudabat: & animos, ne timerent quid ſibi futurum, acuebat.

Obedientia. Cap. XV.

DE obedientia illa, uſque ad miraculum eximia, nihil dignum efferri poteſt. Sic enim non ſolum Superiorum, verum aliorum, quos gratis conſulebat, conſilijs paruit, ut viri ſapientes hic, ſi uſpiā, iure obſtupescant.

Cum enim Monaſteria condere cœpiſſet, cum honoris, commoditatisque iactura,

leui Superiorum nutu, imperfectum opus, corde sedato, sic deposuit, quasi ad nuptias vocaretur: vt Abulæ, cum à S. Ioseph Monasterio ad Incarnationis Monasterium reuocata fuit, satis ostendit.

Verùm illud planè diuinum est, quod cum per cælestia visa, de rebus edocta fuisset, sic superioribus arcano Dei consilio, diuersè opinantibus parebat, ac si nihil cælitus didicisset.

Contulit aliquando cum P. F. Hieronymo à Matre Dei Prouinciali, qui Apostolicus commissarius, ac Visitator P. Carmelitarum, tum Mitigatorum, tum Discalceatorum Beticæ, & Castellæ recenter à Nuntio Apostolico creatus fuerat, eamque, in oppido Veas propagationi nouæ suæ reformationis intentam offenderat; de Castella repetenda, vt obiter Monasterium Carauacæ conderet, iniunxit verò Pater ille, experiendi cupidus, oraret B. Virgo Tereſia, quid Deo foret acceptius, Madritum, ac proinde Castellam, an Hispalim, ac proinde Beticam petere. Consuluit oraculum, & ac-

cepit

cepit à Christo Madritum esse migrandum: P. Prouincialis respondit, contrariam sententiam potius sibi probari, ac ob id confestim Hispalim abscederent. E vestigio B. Virgo Teresia paruit; licet enim rei exitus à Deo illi reuelatus fuisset, & eo discessu iuxta hominum consilia, res malè cessura videretur, altiore prudentia siluit, & discedere se parauit.

Exacto biduo, triduoue, P. Prouincialis Virginem rogat: Nonne dicebas tibi à Domino reuelatum, Madritum peti debere? Respondit illa: dicebam sanè, at eo visu seduci potui, tibi verò Pater, dum obedio, seduci non possum. Subiunxit ille: Rem expenderet, ac Deum oraret. Posteroque die sciscitatur, quidnam à Deo accepisset? Subdit illa: Idem certè quod prius: ac rem pro voto euenturam, ea ipsa via, quam Superior probasset, non quæ sibi visa fuisset.

Caterum quid mirum, si Prælati cedat, quæ Confessarijs electione, non voto præpositis exactissimè obtemperabat. Profectò illi, qui Cantici Salomonis explanationem

di-

discerpere iussit, vbi iuxta prudentiæ regulam repugnandum erat, dicto citius se submisit.

Dicere solebat pluris se facere vnum Superioris, vel Confessarij verbum, quàm milenas reuelationes: nec ob vllam mundi totius arduitatē, quæ ab illis iniungerentur, se prætermisuram.

Lætissimo Pentecostes die, cùm in recessu meditarētur, quàm Spiritui Sancto gratiam pro beneficio singulari, ante acto tempore sibi eo die collocato, referret; nihil se maius efficere posse rata est, quàm si Prouinciali, sic se voto peculiari obstringeret, vt ei nullam culpam, si quam committeret, occuleret: quod voti genus sublimissimum est. Cogitatio verò illa terruit animum, omnis quippe libertas extingui videbatur, cum iam quicquid in mentem veniret, Prouinciali illi necessario aperiendū esset. At valide luctata, genua coram illo flexit, & fortissimè votum emisit: quæ victoria, quæ nimium arctanda videbatur, cor latissimum adepta est: mira enim post

votum gaudia succreuerunt. Sed cum totius vitæ opus obedientiæ cultus fuerit exactissimus, ad vltiora procurramus.

Gratitudo. Cap. XVI.



HAC virtute mirum in modum resplenduit. Non enim Deo tantum, Prælati, & Confessarijs, quorum maiora bona gratum animum generant; sed ipsis Monialibus à quibus modica obsequia reddebantur, tam se obnoxiam existimabat, ac si serua emptæ fuisset.

Externis verò pro exiguis eleemosynis intimum rependebat affectum, quo in genere, quamuis tot scribi possent elogia, quot accepit beneficia, quæ insigni gratitudine repensabat, duo tamen breuiter recensenda.

Vnum, cum aliquando iter ageret, homo quidam vrceū aquæ porrexit: cuius officij memoria tam fuit impressa, vt per annos multos, dum oraret, peculiariter illud recollere meminerit.

Alterum erat, vni è Monasterijs à sacris confessionibus Sacerdos quidam, qui loco alijs de causis nocebat, & acriter aduersabatur. Monialis verò, quæ præerat B. Virginem Tereſiam monuit, vt eum loco cedere iuberet, reſpõdit illa, per Deum obsecro, filia, ne de homine repellendo mecum agas, sed ſileas, & patienter feras, quantumuis fastidia generet: non enim ferre possum ingrati animi notam, erga eos, a quibus beneficium collatum est. Memini autem hũc, cum de domo quadam emenda ageretur, & venditores nobis imponere pararent, de dolo nos admonuisse. Exiguum fanè verborum beneficium, operibus compensauit.

At & huius, & aliorum virtutum exemplis, incuria eorum, qui B. Virginis Tereſiæ consuetudine

fruti sunt, penè in-

numeris care-

mus.

Prudentia. Cap. XVII.

NON oporteret sanè peculiare prudentiæ actus in mediū proferre. Cum enim proprius huius virtutis actus sit præcipere, agēdaque præscribere; quis non statim animadvertat, Virginem hanc, vnam fuisse è numero lætissimo prudentum, quæ tam diuinis præscriptionibus Remp. suam administravit?

Sic præfuit, vt animos non cogeret, sed quo vellet, suauissimè duceret: cum enim se adeò amabilem exhiberet, cordibus primum, corporibus deindè dominabatur.

Sic temporalia prouidit, vt non affluerent, nec, si posset, deessent: sic austeritatem temperauit, vt castigaret, non opprimeret.

Culpas sic oderat, vt personas amaret, & sic reprehendere consuevit, vt earum execrationem, non corripientis odium ingeneraret: quod lenitatis, & grauitatis temperie nacta est.

Omnium ingenia explorabat, atra bile vexatis facile parcebat, sed nihil inde eorum tolerabat.

Aegrotantibus amantissime aderat: verbis, & obsequijs opem ferebat.

Mites, ac studiosas Moniales tenere diligebat: duriores imperio domabat.

Vt præessent perspicaces, prudentes, legum custodiæ deditas optabat: nec ineptas gubernationi, per modicum quoque tempus, ferendas aiebat; quod bonum commune breui labefactarent.

Decretis temporibus laborum internissionem, sed nullum perfectionis detrimentum permittebat.

In iis, quæ admittendæ forent, non tam piium affectum, quàm intellectum benè dispositum requirebat: cuius rationem à quodam viro doctissimo rogata respondit, affectum intra claustrum acquiri, intellectum verò minimè: immò quæ modici captus essent, ad omnem virtutis cultum ineptas, & alijs etiam noxias esse: quæ certè ratio prudentia illa cælesti digna videtur.

Si

Si quas diuinis affectionibus habebat insignes, & vniuersè omnes cum peritissimis Theologis conferre iubebat : semper enim doctrinam eximiam exquisiuit, & coluit.

Sed prudentiæ infusæ laude apertè celebratam, nemo est, qui possit ignorare ; cum de ferijs negotijs passim conueniretur, & oracula cælestia ederet, quæ nisi diuinitus edocta, nunquam protulisset.

Puellæ cuidam exacto iam anno ad professionem admissæ, cras, inquit, profiteberis. Respondit illa: Expectabo matrem meam, si ita iubeas: cupiebat enim matrem eò venturam, professioni interesse. statim ac verba hæc prompsit, subiunxit B. Virgo Terefia: Profecto in Congregatione nostra minimè profiteberis: nec vlllo modo obtineri potuit, ne illam repelleret: Discessit, & sic à febre intra paucos dies interiit.

Aliam quandam iam professioni proximam contra totius Monasterij preces abiecit, nec, nisi causam cuiusdā corporalis notæ, quæ sanè leuissima erat, prætexere voluit. At consilio diuino id actum postmodū

pa-

patuit: nec defuit, cui Deus id manifesta-
ret.

Simili quoque repulsa neptem suam quā-
dam, nullis Monialium, vel consanguineo-
rum precibus victa, reiecit.

Erant in Monasterio quodam Moniales
duæ, orationis, & affectionum diuinarum fa-
ma celebres, quæ nisi Eucharistiam quoti-
die sumerent, animam efflare videbantur:
Confessarijque non imperiti, Virginibus tā
grauiter affectis quotidiano remedio suc-
currendum censuerant. Sed res eò proces-
sit, vt nisi summo mane Eucharistiam reci-
perent, viderentur interire. Monita de re B.
Virgo Tereſia, quæ tunc aberat, obſtare de-
creuit: sed ſiluit, donec eò veniret, & Con-
fessarijs, cur eis diſſentiret, rationem expo-
neret. Venit, & licet non omnes æquè ver-
ba caperent, ſeuerè tamen præcepit Monia-
libus ne ſic agerent, aiens: Ego quoque ſi-
milibus æſtuo deſiderijs, & interdum abſti-
neo: quapropter omnino ſtatuatis aliarum
more vos abſtenturas. Moriamur omnes:
ſatius enim eſt mori, quàm ſingularem hūc

mo-

morem obtrudere; cum sint aliæ quæ Deū amantes, quibus idem agere libebit. Diem ergo illum mœstissimè duxerunt: minus grauitè proximum: tertium leuius. Ac in hunc modum ad communem, ac tutam viā reductæ sunt: quod B. Virginis Teresiæ prudentiæ vertendum est.

Non immeritò hic annecti potest spirituum discretio, qua multorum laqueos dissoluit.

Homo quidam rusticus, opinione aliorum sanctus, de suis affectionibus Beatam Virginem Teresiam conuenit: sequè cum Deo verba miscere, aliaque sublimia testatus est. Mox illa errorem deprehendit, & eius Confessarium secretò monuit, ne illius nomen obscuraret. Nauauit operam, vt à viris sapiētibus erudiretur, & obedientiæ actibus, & corporalibus obsequijs exerceretur; quæ cum ille respueret, paulò post amentiam suam publicauit.

Monialis quædam, ex alia Religione, se ieiunijs, ac vigilijs confecerat. Et quoties aliquis nouus ardor affectione subibat, vel

Eu-

dum se peruolutauit, ne quid in corpore purissimo incruentum extaret.

Vulnera verberum computrescebant, & nouis ictibus, vt recrudescerent, illa proscindebat. Et cum totius vitæ decursu grauiter ægrotaret, quasi acerrimi dolores, & morbi non satis corpus castigarent, summo mœrore conficiebatur, quod acrius carnē plectere nequiret: Confessarij quippe id interdixerunt.

Cum Abulæ Monasterio condito, Virgines illæ mira æmulatione feruerent, duæ ex illis, quæ Pium V. Pont. Max. sanctitate laudatissimum, pro subucula, rudiore panno vsum fuisse acceperant, à B. Virgine Teresa similem vestem exposcunt: quod illa se primùm experiri velle respondens, sic præstitit, vt Monasterium totum in eam imitationem allexerit. Sed prima illius experimenti die subiit timor, ne pediculis scaterent, & propterea supplicationem à Choro ad B. Virginis Teresiæ cellam ducunt. Superuenit illa, & bono animo esse iubet, animalia illa eas non infestatura: quod exi-

tus

tus comprobavit: ab eo quippe die nihil eius generis in vestibus inuentum est.

Oportuit autem tunicas illas, Confessoriorum, Medicorumque præcepto postea deponere, quod omnes ægrotarent.

Torquebatur B. Virgo Teresia animosa valde, quod per Confessarios, asperrimè se vexare nō liceret, & cogitationes erumpebant, foretne fatius, in hac re, non obtemperare: sed adest Christus, & sic eam affatur: Absit ò filia: rectam tutamque viam carpis: pluris obedientiam hanc, quàm pœnitentiam facio.

Institit quoad potuit: sed parendum fuit.

Verùm hic credendum non est, lectorè aliquem fore tam rudem, qui animi ægritudines, & corporis morbos infestissimos, seueriorem, quàm vltro acceptam, castigationem fuisse nesciat: quippe malè affecta corpora, perenni quasi tabe consumuntur, & prolixo martyrio demùm intereunt.

Paupertas. Cap. XIV.

NULLIS verborum amplificationibus B. Virginis Teresiæ Apostolica paupertas æquari potest: quod ex Monasteriorum institutione aperte perspicitur. Quantum enim mercatores auari opibus, tantum illa lætabatur inopia, quod Abulæ, Toleti, Hispali, victu penè destituta luculenter ostendit.

Redditus exhorruit, & vix grauissimorum Theologorum auctoritate ad eos alicubi admittendos flexa est. Vestes obsolescas, & laceras affectauit: labori, ad victum conquirendum tam dedita fuit, vt cum ad clathrum negotia expediret, à labore quoad res ferebat, minimè desisteret.

Ampla ædificia detestabatur, & rudes domos impensè amabat, scriptoque consulebat: nam res maximi ponderis esse oraculo didicit.

Obierat quippe clarissimus sanctitate P.

F. Pe-

F. Petrus de Alcantara, qui adhuc viuens B. Virgini Tereſiæ paupertatis cultum ſum-
moperè commendarat: & cum paries, quo
monaſterium claudebatur, tunc extruere-
tur, monuit, per viſum, ne calcis tectorium
induci permetteret. Cui illa, cùm citò ſine
calcis cruſta ruiturum obijceret, reſpondit
ille grauiter: ſi corruerit, aderit, qui re-
ſtituat.

Multis ex capitibus paupertatem lauda-
bat: & animos, ne timerent quid ſibi deſu-
turum, acuebat.

Obedientia. Cap. XV.

DE obedientia illa, vſque ad mi-
raculum eximia, nihil dignum
efferri poteſt. Sic enim non ſo-
lum Superiorum, verùm alio-
rum, quos gratis conſulebat,
conſilijs paruit, vt viri ſapientes hic, ſi vſpiā,
iure obſtupescant.

Cum enim Monaſteria condere cœpiſ-
ſet, cum honoris, commoditatisque iactura,

leui Superiorum nutu, imperfectum opus, corde sedato, sic deposuit, quasi ad nuptias vocaretur: vt Abulæ, cum à S. Ioseph Monasterio ad Incarnationis Monasterium reuocata fuit, satis ostendit.

Verùm illud planè diuinum est, quod cum per cælestia visa, de rebus edocta fuisset, sic superioribus arcano Dei consilio, diuersè opinantibus parebat, ac si nihil cælitus didicisset.

Contulit aliquando cum P. F. Hieronymo à Matre Dei Prouinciali, qui Apostolicus commissarius, ac Visitator P. Carmelitarũ, tum Mitigatorum, tum Discalceatorum Beticæ, & Castellæ recenter à Nuntio Apostolico creatus fuerat, eamque, in oppido Veàs propagationi nouæ suæ reformationis intentam offenderat, de Castella repetenda, vt obiter Monasterium Carauacæ conderet, iniunxit verò Pater ille, experiendi cupidus, oraret B. Virgo Tereſia, quid Deo foret acceptius, Madritum, ac proinde Castellam, an Hispalim, ac proinde Beticam petere. Consuluit oraculum, & ac-

cepit

cepit à Christo Madritum esse migrandum: P. Prouincialis respondit, contrariam sententiam potius sibi probari, ac ob id confestim Hispalim abseederent. E vestigio B. Virgo Terefia paruit; licet enim rei exitus à Deo illi reuelatus fuisset, & eo discessu iuxta hominum consilia, res malè cessura videretur, altiore prudentia siluit, & discedere se parauit.

Exacto biduo, triduoue, P. Prouincialis Virginem rogat: Nonne dicebas tibi à Domino reuelatum, Madritum peti debere? Respondit illa: dicebam sanè, at eo visu seduci potui, tibi verò Pater, dum obedio, seduci non possum. Subiunxit ille: Rem expenderet, ac Deum oraret. Posteroque die sciscitatur, quidnam à Deo accepisset? Subdit illa: Idem certè quod prius: ac rem pro voto euenturam, ea ipsa via, quam Superior probasset, non quæ sibi visâ fuisset.

Ceterum quid mirum, si Prælati cedat, quæ Confessarijs electione, non voto præpositis exactissimè obtemperabat. Profectò illi, qui Cantici Salomonis explanationem

di-

discerpere iussit, vbi iuxta prudentiæ regulam repugnandum erat, dicto citius se submitit.

Dicere solebat pluris se facere vnum Superioris, vel Confessarij verbum, quàm milenas reuelationes: nec ob vllam mundi totius arduitatē, quæ ab illis iniungerentur, se prætermitturam.

Lætissimo Pentecostes die, cùm in recessu meditaretur, quàm Spiritui Sancto gratiam pro beneficio singulari, antea cto tempore sibi eo die collocato, referret; nihil se maius efficere posse rata est; quàm si Prouinciali, sic se voto peculiari obstringeret, vt ei nullam culpam, si quam committeret, occulere: quod voti genus sublimissimum est. Cogitatio verò illa terruit animum, omnis quippe libertas extingui videbatur, cum iam quicquid in mentem veniret, Prouinciali illi necessario aperiendū esset. At valide luctata, genua coram illo flexit, & fortissimè votum emisit: qua victoria, quæ nimium arctanda videbatur, cor lætissimum adeptæ est: mira enim post

votum gaudia succreuerunt. Sed cum totius vitæ opus obedientiæ cultus fuerit exactissimus, ad vltiora procurramus.

Gratitudo. Cap. XVI.



HAC virtute mirum in modum resplenduit. Non enim Deo tantum, Prælati, & Confessarijs, quorum maiora bona gratum animum generant; sed ipsis Monialibus à quibus modica obsequia reddebantur, tam se obnoxiam existimabat, ac si serua emptæ fuisset.

Externis verò pro exiguis eleemosynis intimum rependebat affectum, quò in genere, quamuis tot scribi possent elogia, quot accepit beneficia, quæ insigni gratitudine repensabat, duo tamen breuiter recensenda.

Vnum, cum aliquando iter ageret, homo quidam vrceū aquæ porrexit: cuius officij memoria tam fuit impressa, vt per annos multos, dum oraret, peculiariter illud recollere meminerit.

Alterum erat, vni è Monasterijs à sacris confessionibus Sacerdos quidam, qui loco alij, de causis nocebat, & acriter aduersabatur. Monialis verò, quæ præerat B. Virginem Teresiam monuit, vt eum loco cedere iuberet, respondit illa, per Deum obsecro, filia, ne de homine repellendo mecum agas, sed fileas, & patienter feras, quantumuis fastidia generet: non enim ferre possum ingrati animi notam, erga eos, a quibus beneficium collatum est. Memini autem hūc, cum de domo quadam emenda ageretur, & venditores nobis imponere pararent, de dolo nos admonuisse. Exiguum sanè verborum beneficium, operibus compensauit.

At & huius, & aliorum virtutum exemplis, incuria eorum, qui B. Virginis Teresiae consuetudine

fruiti sunt, penè in-

numèris care-

mus.

Prudentia. Cap. XVII.

NON oporteret sanè peculiare prudentiæ actus in mediũ proferre. Cum enim proprius huius virtutis actus sit præcipere, agēdaque præscribere; quis non statim animadvertat, Virginem hanc, vnam fuisse è numero lætissimo prudentum, quæ tam diuinis præscriptionibus Remp. suam administravit?

Sic præfuit, vt animos non cogeret, sed quo vellet, suauissimè duceret: cum enim se adeò amabilem exhiberet, cordibus primum, corporibus deindè dominabatur.

Sic temporalia prouidit, vt non affluerent, nec, si posset, deessent: sic austeritatem temperauit, vt castigaret, non opprimeret.

Culpas sic oderat, vt personas amaret, & sic reprehendere consuevit, vt earum execrationem, non corripientis odium ingeneraret: quod lenitatis, & grauitatis temperie nacta est.

Omnium ingenia explorabat, atra bile vexatis facile parcebat, sed nihil inde eorum tolerabat.

Aegrotantibus amantissime aderat: verbis, & obsequijs opem ferebat.

Mites, ac studiosas Mōiales tenere diligebat: duriores imperio domabat.

Vt præessent perspicaces, prudentes, legum custodiæ deditas optabat: nec ineptas gubernationi, per modicum quoque tempus, ferendas aiebat; quod bonum commune breui labefactarent.

Decretis temporibus laborum internissionem, sed nullum perfectionis detrimentum permittebat.

In iis, quæ admittendæ forent, non tam pium affectum, quàm intellectum benè dispositum requirebat: cuius rationem à quodam viro doctissimo rogata respondit, affectum intra claustrum acquiri, intellectum verò minimè: immò quæ modici captus essent, ad omnem virtutis cultum ineptas, & alijs etiam noxias esse: quæ certè ratio prudentia illa cælesti digna videtur.

Si

Si quas diuinis affectionibus habebat insignes, & vniuersè omnes cum peritissimis Theologis conferre iubebat: semper enim doctrinam eximiam exquisiuit, & coluit.

Sed prudentiæ infusæ laude apertè celebratam, nemo est, qui possit ignorare; cum de ferijs negotijs passim conueniretur, & oracula cælestia ederet, quæ nisi diuinitus edocta, nunquam protulisset.

Puellæ cuidam exacto iam anno ad professionem admissæ, cras, inquit, profiteberis. Respondit illa: Expectabo matrem meam, si ita iubeas: cupiebat enim matrem eò venturam, professioni interesse. statim ac verba hæc prompsit, subiunxit B. Virgo Terefia: Profecto in Congregatione nostra minimè profiteberis: nec vlllo modo obtineri potuit, ne illam repelleret: Discessit, & sic à febre intra paucos dies interiit.

Aliam quandam iam professioni proximam contra totius Monasterij preces abiecit, nec, nisi causam cuiusdā corporalis notæ, quæ sanè leuissima erat, prætexere voluit. At consilio diuino id actum postmodū

pa-

patuit: nec defuit, cui Deus id manifesta-
ret.

Simili quoque repulsa neptem suam quā-
dam, nullis Monialium, vel consanguineo-
rum precibus victa, reiecit.

Erant in Monasterio quodam Moniales
duæ, orationis, & affectionum diuinarum fa-
ma celebres, quæ nisi Eucharistiam quoti-
die sumerent, animam efflare videbantur:
Confessarijque non imperiti, Virginibus tā
grauiter affectis quotidiano remedio suc-
currendum censuerant. Sed res eò proces-
sit, vt nisi summo mane Eucharistiam reci-
perent, viderentur interire. Monita de re B.
Virgo Teresa, quæ tunc aberat, obstare de-
creuit: sed siluit, donec eò veniret, & Con-
fessarijs, cur eis dissentiret, rationem expo-
neret. Venit, & licet non omnes æquè ver-
ba caperent, seuerè tamen præcepit Monia-
libus ne sic agerent, aiens: Ego quoque si-
milibus æstuo desiderijs, & interdum absti-
neo: quapropter omnino statuatis aliarum
more vos abstinenturas. Moriamur omnes:
satius enim est mori, quàm singularem hūc

mo-

morem obtrudere; cum sint aliæ eque Deū amantes, quibus idem agere libebit. Diem ergo illum mœstissimè duxerunt: minus grauitè proximum: tertium leuius. Ac in hunc modum ad communem, ac tutam viā reductæ sunt: quod B. Virginis Teresię prudentiæ vertendum est.

Non immeritò hic annecti potest spirituum discretio, qua multorum laqueos dissoluit.

Homo quidam rusticus, opinione aliorum sanctus, de suis affectionibus Beatam Virginem Teresiam conuenit: seque cum Deo verba miscere, aliaque sublimia testatus est. Mox illa errorem deprehendit, & eius Confessarium secretò monuit, ne illius nomen obscuraret. Nauauit operam, ut à viris sapiētibus erudiretur, & obedientiæ actibus, & corporalibus obsequijs exerceretur; quæ cum ille respueret, paulò post amentiam suam publicauit.

Monialis quædam, ex alia Religione, se ieiunijs, ac vigilijs confecerat. Et quoties aliquis nouus ardor affectione subibat, vel

Eu-

Eucharistiam sumebat, velut ex animis pro-
cidens, per horas septem, aut octo, sibi, & a-
lijs ecstasi rapta videbatur. Confessarius B.
Virginem Teresiam monuit: quę confestim
non raptus, sed nimiam imbecillitatem esse,
interdicenda exercitia, corpus refouendū
consuluit: quo responso, breui conualuit,
nec vllum raptus vestigium extitit.

Sępe eorum, apud quos versabatur, latē-
tes affectus introspiciens, opportuna cōsilia
dabat, & ęgris animis corpore ęgrotans
medebatur.

Verū ad libri huius coronidem, silen-
dum non est, omnia quę de B. Virginis Te-
resię virtutibus in medium producta sunt,
si cum immortalis ingenij illius opulentia
comparentur, esse nimis exigua. Sed ex ijs,
quę secreto Dei consilio, vel hominum in-
curia interciderunt, dolendum; ex inuentis
clementissimo Deo grates agendę sunt.

LIBER QVINTVS

*Corpus B. Virginis Tereſia incorruptum
inuenitur : Abulam importatur.*

Cap. I.



AD tertij libri calcem obitum
& ſepulturam deſcripſimus,
ſed virtutum tractatu, à Vir-
gineo corpore, tantillùm
quaſi diuertere, opus fuit.
Aequum verò eſt, corporis indicibus animi
ſanctitatem, velut inculpatis teſtibus, verà
oſtendere.

Postquàm ergo è vita migravit, Virgi-
nes illæ ſepulchrum tenero affectu frequen-
tabant. Vbi ſi forte ſomnus obreperet, ſtre-
pitu interdùm audito, ad orandum excita-
bantur. Et cum corpus lapidibus, & calce
altè obrutum fuiſſet, mirum odorem, feſtiſ
præſertim Sanctorum, quos B. Virgo Tere-
ſia religioſius coluerat, efflabat. Erat odor

M m varius

varius, modo liliorum, modo violarum fragrantiam repræsentans: qui certè Monialium animos corporis visendi studio vehementer inflammabat.

Captata igitur opportunitate, cum P. Prouincialis illac transfret, votum expletur. Ille quippe vnâ cum socio, nouem ab interitu mensibus 4. Iulij anno 1583. effosa terra, conditorium fractum, vestes putridas, corpus mucidum, sed integritate mira incorruptum, tam vero corpus, quam vestes, & conditorium odore suauimbuta reperiunt, & manum sinistram, quam Olyssiponem detulere præcidunt. Mundis dein de vestibus, ac linteis obuoluunt, & in eodem loco dignius reponunt, ac ita Virginei corporis dignitati, ac Monialium affectui consultum est.

Anno verò 1583. 18. Octobris. Patres Carmelitæ Discalceati Comitia Pastranæ cogunt, & corpus Alba Abulam, in Monasterium scilicet, cui B. Virgo Tereſia supremo tempore vitæ præfuerat, & vbi fundamenta reformationis iecerat, deferendum

decer-

decernunt. P.F.Gregorio Nazianzeno Vicario Prouinciali Castellæ res demandatur; & ad Monialium Albæ solatium, brachium alterum præcidere, ibique deponere iubetur. Expediuntur literæ ad tres noctis horas: quo tempore (mirum dictu est) Albæ, cum Moniales simul essent, ac de Comitij's verba facerent, ternos ictus semel, & iterum iuxta se illatos audiunt, vt timerent, ne quis intra templum, sacrariumuè externus lateret, ac eum strepitum ederet. Quod cum ea quæ ianuis præerat, exploratura descendisset, ictus alios eiusmodi audiuit: sed re noua depræhensa, quæ Monasterio præsidebat ait: Ne ista curemus: dæmon fortasse nos perturbare conatur. At Monialis, alia subiunxit, strepitum è conditorio B. Virginis Terefiæ proculdubio sonuisse: verum quid portenderet, prælagiri non potuit, donec P.F.Greg. Decreti horam aperuit.

Venit ergo Albam Nouembris die 24. & Monialibus ad horas matutinas in chorum amandatis, ei quæ præsidebat, ac duabus alijs antiquioribus Patrum præceptum

legit, corpus detegit, vestes putridas, sed corpus integrum, odoratumque miratur: ubi præter corporis integritatem, ac odorem miracula bina enituerunt.

Vnum, inuento quasi recenti Virginis sanguine: cum enim morienti sanguis erumperet, impositum fuit operimentum laneum candidum, quod sanguine maduit, & per annos tres sanguinem ipsum velut recentem, ac mirifice odoratum seruauit: ita vt segmenta operimenti, linteolis inuoluta, sanguinis colore illa tingerent.

Alterum fuit, quod cum P. F. Greg. emisisset gladium, vt brachium Albæ remansurum, idest, à quo ante manus præcisa fuerat, incideret, sine vlla vi, quasi caseum recentem execuit.

Euestigiò corpus obuoluit, & domo effert: Moniales verò sparsò suauissimo Virginis odore è choro ipso, quid fieret, suspicatae, serò accurrunt: iam quippe Pater ille corpus extulerat, ostiaque fuerant obsecrata.

Abulæ verò immensa gratulatione cor-

pus exceptum, & conditorio fericis operimentis, & auratis clavis elaborato, additoque phrygionici operis inscripto, exornatum est.

Corporis miraculum euulgatur: Albam refertur. Cap. II.



ISVM est expedire, Medicorū accire consilia, vt corporis integritas exploraretur, ne quid non mirum accideret. Superiorumque concessu, Episcopus Abulensis D. Petrus Fernandez de Temigno, P.F. Didacus Iepes Prior Conuentus S. Hieronymi Madriti, postea Episcopus Turiasonensis, Licentiatus Lauina Auditor Regij Consilij, & D. Franciscus Contreras postea Auditor Consilij Granatæ, postmodum Consilij Regij, qui ea tantum de causa, ipsa hyeme, Madrito venerant, duo Medici, & aliquot alij viri graues, die Circumcisionis lætissimo 1586. corpus ad cubiculum commodum elatum, ostio Monasterij clauso,

sed

facibus

facibus accensis, capitibus apertis, genibusque flexis explorant, & vim lachrimarum effundunt.

Facile perspectum est; Medicis absque vlla hæsitacione asserentibus, corpus balsamo minimè conditum, calce, ac lapidibus obrutum humido loco repositum, post annos tres, & menses aliquot, integerrimum, ac odore mirabili commendatum, sine miraculo non potuisse perstare.

Episcopus obstupuit, & ne res euulgaretur, excommunicationis pœna interdixit: at qui scrutinio interfuerant rei prædicandæ cupidissimi, mira se vidisse dictitabant, nutibus magnum quiddam indicabant, tãetsi ne censura Ecclesiæ innecterentur, rem filerent. Posthac verò pœna sublata, miraculum celebratum est.

Hæc Abulæ, sed longè aliud Albæ: Dux enim D. Antonius de Toletò, & eius patruus D. Ferdinandus, qui dum corpus exportaretur, aberant, vehementer indignati de repetendo thesauro seriò cogitarunt.

D. ergo Ferdinandus Monasterium Al-

bæ

bæ petijt, & acriter monet ne brachium efferatur, ac pro corpore Summum Pont. interpellat: qui Patribus Carmelitis Discalceatis iubet, illud in locum priorem restituere.

Quamobrem P. F. Nicolaus à Iesu Maria Prouincialis per duos Patres F. Ioannem Baptistam Pastranæ F. Nicolaum à sancto Cyrillo Manzeræ Priores, corpus Albæ reportari præcipit: quo 23. Augusti 1586. illatum est. Et quamuis Abula litem intenderit, postquam vltro citroque satis certatum est, Sixti V. præcepto corpus Albæ permansit. Quod per mensem, antequàm eò defferretur, Moniali cuidam, per visum, sub imagine Stellæ splendidissimæ in eodẽ loco, vbi collocatum est, nitentis, Deus significauit, tametsi, quod Stella portenderet, quo vsque relatum vidit, minimè intellexerit.

Tam verò corpus, quàm brachium mirâ integritate pollent: color dactylis est similis, caro aliquantùm macra, pellis alicubi contracta, sed nihil corruptum: odor suauis

& facer, quem linthea, vnà cum liquore quodam, iugiter destillante contrahunt, quæ subindè mutata, & reliquiarum more asseruata penè innumera sunt. Corpus si subleuetur, manu tergo admota stat, exiit, induitur, & Virginitatem illam purissimam prodigiosa incorruptione demonstrat.

Apparitiones. Cap. III.



ECEBAT tot filiarum parentem ne morte quidem ipsa ab earum procuratione diuelli: quapropter in ipso Virginis sepulchro lux quædam cælestis, præsertim cum Monialis quæpiam interibat, sæpe visa est.

Siqua silentij tempore verba faceret, ictus terni in cellæ ostio interdum auditi, vt taciturnitatis admoneretur.

Sæpe Fratribus, ac Monialibus insigni cum splendore, ac pulchritudine apparuit; sed aliquid peculiare proferamus, necesse est.

Tere-

Teresia Laiz Monasterij Albæ fundatrix paulo post Virginis obitum ægrotavit: sed cum vis morbi sententia medicorum remissa fuisset, ac proindè valitura videretur, Virginem sibi propinquam solito more indutam, vultum hilarem præferentem, & manu, vt eò tenderet, annuentem intuetur. Rogat illa: Mater num obitura sum? accessit hora? moxque visum evanuit. Morbus incubuit, ægra se morituram, quod à B. Virgine Teresia vocata fuisset, asseruit: & post modicum è vita discessit.

Cuidam, qui candidissima luce splendentem vidit, sic B. Virgo Teresia consuluit: nos cælestes, ac vos exules amore, ac puritate fœderati esse debemus: cælites intuentes diuinitatem, exules Eucharistiam venerantes: quameo affectu, quo nos diuinitatē suspicimus, colere debetis. Nos sanè fruētes, vos labores perferentes; qui quò graiores fuerint, eò fruitio cumulatior succedet. Hæc filiabus meis refer, F. Carmelita Discalceatus fuisse creditur.

Nonnulli B. Virginis Teresiæ mortem

festinationi, ac labbri, quem dum Burgis Albam tenderet exhausit, ascribebant. Apparens verò cuidam F. Carmelitæ Discalceato dubium diremit, aiens, nō causis alijs, sed amorī mortē tribuendam: impetus quippe amoris tantoperē inualuit, vt eum ferre nō valens natura succumberet.

M. Catharina à Iesu, quæ Monasterio oppidi Vcās præerat, absens B. Virginis obitum cognouit: quam cum postmodum sibi apparentem intueretur, & illusionem verita non omninò sibi visum persuaderet, Virgo respondit: Benè est, vt non leuiter credas: ego enim malo in his Monasterijs pluri veras virtutes, quàm reuelationes fieri: sed vt verum hoc visum pernoſcas, accede huc: & cum accederet vulnus, sub altero vbere, & nigram notam in altera manu, quibus mederi nullo modo potuerat attingens euauit. Remansit illa prorsus sana, stupentibus ijs, qui affectiones illas minime sanabiles agnouerant.

Anno post obitum elapso, cum M. Anna à Conceptione Monialis charitate, ac spiri-

tus

tus feruore insignis Albæ morti proxima esset, ceteris Monialibus horas in choro Matutinas persoluentibus, vna ex eis introrsum acta, B. Virginē Teresiā crucem mirificè elaboratā, ac pulchram ferentem, & alterā manu Moniali cuidam, quam minimè cognouit, vt veniret, annuētē, intuetur. Procedit B. Virgo Teresia splēdens, cellam ægrotantis ingreditur, ac benedictionē impertitur: & statim Anna spiritum efflat.

Monialis quædamangebatur, quod nunquam se. Deo tam ardentem, quam ipse vellet, dedisset. & præter opinionem die quædam anima introrsum reuocata, exoritur multa sui cognitio, timor pace, & amore plenus, cui reniti, quamuis id moliretur, quodd in publico ageret, neutiquam potuit. Rapta est, & oblectatione, cui parem excogitare non licet, affecta, se intra lucem quandam cælestem, ibique sub fornice florum pulcherrimorum B. Virginem Teresiam librum tenentem pectori admotum, apertum, literis auro pulchrioribus inscriptum intuita est. Mox B. Virgo Teresia lege in-

quit, filia, timebat illa, oculos aperire non ausa. Tunc B. Virgo Teresia velut subridens, porrecta manu, oculos leniter perfri-
cavit, & robur multum indere visa est. Eri-
git illa cōfestim caput, & legit hæc: Sponsus
meus potitur volūtate tua, vt ea p arbitrio
suo, semper tamen tibi contradicens vtatur.
Subiecit Monialis, qui potero rem hanc
grandem præstare, quæ in exiguis me to-
tam imbecillem experior? Respondit illa:
inopinæ dabitur: & exiguarum rerum pa-
tientia, vires ad magna parantur. Subdit
Monialis: qua nam ratione, ò Mater, Domi-
no gratificabor? Num recta via gradior?
Respondet: quæ tu vis duci minime: singu-
larem modum auersare, sine te duci ab eo,
qui tui curam gerit, & prosperum cursum
tenebis.

Multiplicia huiusmodi spectra præteri-
re necesse est: quibus fidem conciliant, & B.
Virginis Teresiæ probatissima sanctitas, &
eorum quibus apparuit, intemerata synce-
ritas.

Miracula. Cap. IV.

Illustrissimum fanè fuit miraculum illud , quo nepotem suum D. Gonzalum de Oualle infantulum mortuū amplexu, & intentissima oratione fuscitavit , de quo superius dictum est .

Legatur .e.
15. lib. 4.

Toleti cum esset in ædibus D. Luyfiæ de Cerda , mulier quædam gingiuarum , & aurium acri dolore torquebatur, cui nullo remedio succurri poterat. Precata est B. Virginem Teresiam signum crucis partibus malè affectis induceret: quam illa facto quodam responso repulit, aiens : Abscede, teque ipsa obsigna: non enim crucis signum à manu nostra, sed à se vim habet : & dum hæc ait, leuiter partes illas, velut ad repellendum tetigit: statimque dolor euauit.

Cum Medinam venisset, Monialis, quæ Monasterio præerat, feбри, & pleuritide pe-

nè

nè ad interitum agebatur . Amplexa est illam, & euestigio dolor extinctus est, proximoque die perfanata surrexit .

M. Anna à S. Bartholomæo eius indiuidua comes ex febris Vallisoleti decubuit : cumque postridie inde profectura esset, Deum precata est, eius socia valeret. Redijt in cellam ægrotantis : petijt an valeret; resedit illa, & se valere gratulata proximo die, cum ea iter arripuit .

Medinæ Monialis quædam Erispilate, ac febre grauitè laborabat . Ne verò dulcissimis B. Virginis Teresiæ verbis careret, è lecto surrexit, quam vbi aspexit cœpit ei B. Virgo Teresia blandiri, affectaque loca leuiter manu attingere aiens : Bono animo sis filia, spero Deum te hoc morbo liberaturum . Ex templò malum eleuatum, & antequàm ex oppido discederet, prorsus expunctum est, sed multa ex paucis quæ promissimus coniicienda sunt : quæ B. Virgo Teresia antequàm ex hac vita migraret, præsentissima Dei ope patrauit . Nonnullo modò ex ijs, quæ post obitum con-

tigere

tigere , attingere operæ pretium est .

Albæ P. F. Baeza Franciscanus prope-
modum surdus ex aure altera , vnde pus e-
manabat , die quadam brachium B. Virginis
Teresiæ admodum fidenter auri admouit :
& eodem vespere à pure , & auditus difficul-
tate conualuit .

Erat Olyssipone Monialis quædam ol-
factus omnino expers (nunquam enim ex-
cursu vitæ totius quidquam olfecerat , nec
discrimen odorum agnouerat) Die igitur
quadam Monialibus simul agentibus , M.
Maria à S. Ioseph , quæ Monasterio præerat ,
B. Virginis Teresiæ manum , quam apud se
habebat , protulit , & odore suauissimo latè
fuso , singulæ ex ijs quæ aderant , excepta il-
la , vehementer commotæ , nescio quid no-
uum percepta suauitate senserūt , ac in Dei
laudes proruperunt . Quod vbi illa sum-
mo dolore perculsa perspexit , acceptam
manum B. Virginis Teresiæ naribus admo-
uit , testata , se inde manum sacram non amo-
tutam , donec odorem perciperet , Deumq.
aliarum more , & alacritate laudaret . Eodē

mo-

momento subiunxit, sentire se fumum calidum per nares ascendentem, easque patefacientem, manumque olfaciens sensum recepit, in cuius fidem odora menta diuersa ad experiendum eò allata, subtili olfactu discruit.

Olysi ppone quoque nonnullæ Moniales, quæ ex Flandria venerant, à Discalceatis hospitio exceptæ sunt. Erat autem inter hospites M. Catharina à Spiritu sancto Cardinalis Granuelæ ex sorore neptis, quæ per annos viginti, ne diem quidem vnum, sine ventriculi dolore, duxerat; parcissimè vescabatur, & ferè omnia statim euomebat. Affertur sacra manus, ventriculo admouetur, extemploque dolor acerrimus excitatur, sed confestim extinguitur, & M. Catharina per sanatur. Quod vt experimentis pateret, coram doloris antea cti testibus, esculenta, quæ olim vehementer nocebant, sine vlla læsione comedere consuevit.

In eadem Vrbe D. Alphonsus Coloma Inquisitor Episcopus postea Barcinonensis, & Illustres viri nonnulli miraculum exper-

turi

turi, cultri summitati muscum modicum infixum manui sacrae adiunxerunt, ac volutarunt, subitoque odor ille vehemens euauit. Quod cum stupore dignum videretur, Medicus Principis Cardinalis consultus est, an in cadauerum contactu subesset aliquod naturale secretum: respondit immores odoratas in sepulchris recondi, vt serua-
rent odorem. Quapropter ille miraculo ad experimentum allectus est: & eius chirothecis odoratissimis sacra manus immissa illarum odorem extinxit.

In anxio autē partus discrimine ad mulieres duas pillustres in eadē vrbe man⁹ allata, partū foelicem impertita est: alteri verò (vt ipsa certò asseribat) etiā vt sine dolore pareret.

Albæ Pater quidam Carmelita Discalceatus acceptum B. Virginis Teresiæ brachium osculatus particulam ferè loco excidentem, quæ arida è brachio pende-
bat, dentibus conserpsit, & papyro condidit. Post dies octo explicatam inspexit, & sanguinis recentis guttam, quæ triplam chartam peruaferat, vidit. Miratus admodum chartam

O o aliam

aliam aduoluit, & alia gutta recens erupit: quod multi testes oculati obstupuerunt.

Albæ festo Epiphaniæ 1588. Elisabetha Hernandez, ex pleuritide salute à Medicis desperata, vehementer inſtitit, aliqua B. Virginis Teresiæ reliquia afferretur. Panniculus ergo sanguine tinctus allatus est: impositusque capiti, dolorem statim lenire cœpit, & adhuc præſente Sacerdote, qui eum capiti intulerat, febris euanuit, surrexit, & brachium B. Virginis Teresiæ veneratura in Monasterium festinauit.

In eodẽ oppido die 8. Martij 1587. puella triennis filia D. Aluari de Brachamontẽ, vomitu sanguinis, febreque molestissima iam animam agere credebatur. Antonius Zamora sacerdos allatum lintæplum sanguine tinctum capiti imponit, & eodem momento puella oculos, quos morbus obstruxerat, aperit, loquitur, conualeſcit. Quod in admirationem præſentes arripuit.

Medinæ anno 1586. latissimo Circumcisionis die, M. Ioanna à Spiritu sancto integrum propè annum febriens, sed per sex

men-

menſes vltimos morbo comitiali ſæpe intercepta, iſchiade contracta, & corpore toto ſic obligata, vt ne manibus paropſidem tenere poſſet, ab infirmarum miniſtra cum dolores ingraueſcerent, reliquiam B. Virginis Teretiæ frequenter poſtulabat: ſed conſilio Dei, miniſtræ ſemper memoria excidebat: Ergo die illo lætiſſimo, ſegmentum ſaſciæ ægrotanti admotum eſt: ipſoq. momento dolor tam vehementer inualuit vt interire proculdubio videretur. Cum verò aliquandiù ſibi vim intuliſſet, dolorem ferre non valens, reliquiam amoueri precatur: ſed alia quædam, ò ſoror, inquit, firmiter confide, & experire, an ſurgere valeas. (eo quippe die induta, & ad Euchariſtiam ſumendam elata fuerat) vix ea verba prompſerat, cum manum porrexit, & vt exurgere tentaret adiuuit. Surrexit, ſtetit, per ſcalam difficilem ſola deſcendit, eam, quæ præerat, vt miraculum ſpectaret, appellauit, omnes vt Deo grates agerent, cum ſletu commouit. Oſtupere omnes, ſomnium quippe viſum eſt.

Ceterum non linteola, vestiumque segmenta tantum, sed B. Virginis Teresiæ imago mira multa operata est.

Ferdinandus Tregius Hispalensis pijs operibus deditus à dæmonibus vsque ad tetras apparitiones torquebatur. Quadam ergo die, cum acerrimè vexaretur, B. Virginis Teresiæ imaginem inopinus arripuit, existimans Reginæ Virginum imaginem esse, quam hostibus incursantibus oppondere statuerat. Vix eam obfirmarat, cum agmen infestum multis vlulatibus euanuit: quamobrem B. Virginem Teresiam ab ea victoria impensè colere cœpit.

Sacerdos quidam Palentinus, qui B. Virginem Teresiam nouerat, ex grauissima spiritus afflictione, per triduum sacrum facere nequiuerat. Eam igitur inuocat, & dum horas recitat, apparet illa dicens: Rectà graderis fili, perseuera. Ille se ad eius pedes prouoluit, & benedictionem precatur. Respondet, Deus tibi eam impendat. Imaginem quandam suam donat, ac euanescit. Remansit ille cœlesti dono diues,

quod

quod fidissimè seruauit.

Plurima sunt alia, quæ fusioribus historiis partim euulgata, partim euulganda, B. Virginis Teresiæ famam, quæ iam fines orbis extremos peruagata est, in dies singulos nouis incrementis amplificant. Quemadmodum enim, quamdiu vixit, Dei gloriam virili ausu, virili corde propagauit: sic Deus clementissimus eam orbe toto laudari, miraculis, scriptis, grauissimorum virorum sermonibus, Principum, ac Regum votis, qui relationem inter Sanctos exposcunt, celebrari, Summorum Pontificum propensione probari constituit.


Historiam ergo ampliorem, ne illos quibus negotia multa tempus adimunt, tantæ Virginis celsitudo lateat, sic contrahere, operæ pretium visum est. Faxit clementissimus Deus, vt voti compos contractor euadat.

Et tu clementissima Virgo Teresia cuius animus planè inuictissimus orbem domuit, cælo vim attulit, Dei corde potitus est, faue obsecro huic scriptori tuo, qui mil-

lenos

lenos calamos , vt heroica gesta tua celebret, exercere cupit . Modicum est sanè, nobilissima Virgo, quod extuli, nimium parce scripsi : at quidquid moliri possum, exiguum est libenter me vinci fateor . Gaudeo sanè victoria tua, quam non tam verba, quàm eximia facta commendant . Bene est gloriosissima Victrix, vt quantumvis insignis eloquentia cælestia facta non æquet. Perfruere victoria: sempiternum triumphū age: & in animum hunc tibi laborantem semel saltem oculos collima . Ne vota inopum asperneris purissima Virgo, nec in audacem scriptorem excandescas ; te potius lenitas, quàm ira decet . Potes opem ferre, apud immortalem Regem , ad cuius nuptias compta es, gratia vales: iā portū tenes, non ignara discriminū, benè conscia laborū, quos exantlo. Per illud ergo immēsi amoris incēdiū, quo in dulcissimū Deū deflagrasti, obsecro te, filio tuo multis calamitatibus obfesso manum porrigas, & ad optatissimā Urbem Hierusalem , æterna libertate donandum, rectà perducas .

F I N I S.



398.927

ERRATA SIC CORRIGE.

Pag.	Lin.		Pag.	Lin.		
7	8	eximiam	eximium.	218	2 valebat	valeret
15	3	promoucant	permoueant	219	8 Generali	Generale
18	19	propagauit	progugnauit	223	1 dedicerit	didicerit
20	9	perspiciat	prospiciat	226	21 orationis	oratione
30	9	instituire	instruere		quiete	quietis
31	4	in se ipsum	in scopum	238	3 illi	illam
62	21	clementia	clementia	238	7 quo se	quo promissi
67	vlt.	Salaxara	Salaxar			
71	7	ac	a	240	11 aliis	illis
78	17	& Episcopū	Episcopum	242	16 mēto traic-	mento, ne
85	14	perscripsit	præscripsit		cto	traiecto
88	14	intra	inter	246	10 sperauit	sperauit
96	7	splēdidissimā	splendidissi-	248	8 intendere	tendere
			ma	250	8 centem	cente
102	9	oracula	oraculum	251	23 rogari	rogare
107	14	liquebat	liquebit	253	12 uit	rit
109	10	Damasceni	Damascenas	254	24 suscitantes	sciscitantes
110		penul. victoria	victoria ca-	255	2 obire	abire
			ptum	262	12 Prouinciali	Prouinciale
112	16	dereptione	direptioni	264	24 latissimum	latissimum
119	15	verum	verum quid	266	16 aliorum	aliorum
120	21	alium	in alium	267	8 latissimo	lectissimo
130	5	exiguam	contiguam	269	18 ne illā repel-	illam non re-
132	vlt.	hic	hic lector		leret	pelleret
143	8	hospitio	hospitium	271	17 obscuraret	obscuraret
143	vlt.	perfluens	perpluens	271	24 affectione	affectione
184	2	Nouember	Nouembris	277	2 & auratis	& in auratis
190	17	cū ageretur	cum hæc a-	277	15 Lauina	Laguna
			gerentur	279	18 quod	quid
192	6	Prouinciale	Prouinciali	283	13 dedisset	dedidisset
200	15	Prouincialis	Prouinciale	286	11 Erispilate	Erispilate
202	14	Virgini	Virginis	ibid.	26 sed	Sed
212	9	lata	lata			

REGESTVM.

A B C D E F G H I K L M N O P
Q R S T V X Y Z.

Aa Bb Cc Dd Ee Ff Gg Hh Ii
Kk Ll Mm Nn Oo.

Omnia sunt folia integra.



R O M A E. M D C I X.

Apud Stephanum Paulinum.

Superiorum Permissu.

3

Domus Romanae Ministr: Infirmis

1



